





FIRMAMENTVM SYMBOLICVM.

IN QVO

DEIPARÆ ELOGIA,

Quibus, velut firmamentum stellis, est
exornata, symbolicè depinguntur.

O P V S,

*Coalescens ex solis idq; novis conceptibus alle-
goricis ad usum Concionatorum, & DEIPARAM colentium,*

COMPOSITVM


A R. P. F. SEBASTIANO A MATRE DEI,

CARMELITA DISCALCEATO POLONO.

*Ex Vniuersitate
Canonici Vrbensis*



*proxi Antonii Potulic
Parochi Stanislauiensis*



L V B L I N I,

SVMP TIBVS GEORGII FORSTERI S. R. M.

BIBLIOPOLAE. M. DC. LII.

Cum privilegio S. R. M. Poloniae & Sueciae.

*Ab eodem qui supra per Illustri Benefa-
donu datum hunc Libellu h'c ac eius
cem habet uti*

26 spec

Book 2 Party
St. 1422
Mx. 3322

BIBLIOTEKA
UMCS
LUBLIN

E. XXVII. 328
K. 440/60/1

Adm. Uduo Casimirus Romanowski
Predicator Christianus Predicens Con
dul in scriptis hunc libram Bibliotece
Construxit A. D. 1798

PERMISSIO.

LIBRVM cui, titulus FIRMAMENTVM
SYMBOLICVM, *emblematicè Elogia Beatif-
simæ Virginis Mariæ depingentem*, à R. P. F.
SEBASTIANO A MATRE DEI, Provinciæ
nostræ Polonæ Sacerdote professo compositum,
typis mandari auctoritate mihi à R. P. N. Præpo-
sito Generali P. F. PAVLO SIMONE commissâ,
permitto : dummodo à Theologis nostris, quos
ad hoc specialiter deputavi, examinetur & ap-
probetur. Datum in Collegio nostro Visnicen-
si Sancti Salvatoris, die trigesimâ Decembris an-
no millesimo sexcentesimo quadragesimo secun-
do.

FR. GREGORIUS A IESV MARIA,
VIS. GENER.

Fr. Bartholomæus à S.^a Theresia.
Secretarius.

26

26 spec

St. 1422

Mx. 3322

BIBLIOTEKA
UMCS
LUBLIN

E. XXVII. 328
K. 440/60/1

Adm. Władz. Casimirus Romanowski
Predicator & Christianus Praedicator Con
Vul. indoripit hunc librum Bibliotheca
Con. M. A. P. 1730

PERMISSIO.

LIBRVM cui, titulus FIRMAMENTVM
SYMBOLICVM, *emblematicè Elogia Beatif-
sima Virginis MARIE depingentem, à R. P. F.*
SEBASTIANO A MATRE DEI, Provinciæ
nostræ Polonæ Sacerdote professo compositum,
typis mandari auctoritate mihi à R. P. N. Præpo-
sito Generali P. F. PAVLO SIMONE commissa,
permitto : dummodo à Theologis nostris, quos
ad hoc specialiter deputavi, examinetur & ap-
probetur. Datum in Collegio nostro Visnicen-
si Sancti Salvatoris, die trigesimâ Decembris an-
no millesimo sexcentesimo quadragesimo secun-
do.

FR. GREGORIUS A IESV MARIA,
VIS. GENER.

Fr. Bartholomæus à S.^a Theresia.
Secretarius.

2
0
a 6

APPROBATIO.

Librum cui titulus, Firmamentum Symbolicum, Authore R.P.F. Sebastiano à Matre Dei Carm. Discalc. ex commissione Admodum R. P. N. Visitatoris Generalis in Polonia R.P.F. Gregorii à IESU MARIA, legi: opus Authoris pietatem & devotionem erga serenissimam Regnam Celi & terræ probat, eamque pulchris & novis symbolis & conceptibus Christi-fidelibus juxta sensum S. Romanæ Ecclesiæ persuadet, proinde & in publicum prodeat, judico. Datum Visnicii in Conventu nostro S. Salvatoris. 1643, die 29. Februarii.

F. Ambrosius à S^{ta} Maria,
Dif^{tor} C. D. Prov. P.

APPROBATIO.

Firmamentum Symbolicum præcipuis Deiparæ Virginis Elogiis adornatum, & ad communem utilitatem Concionatorum, è solis novisque conceptibus accommodatum, mihi que videndum à P. N. P. F. Gregorio à IESU MARIA Visitatore Generali Provinciæ S. Spiritus in Polonia, commissum, legi; nihilque in eo Catholicæ Fidei, aut bonis moribus adversum contineri censeo. Cracoviæ in Conventu S. Michaëlis & Iosephi. 11. Aprilis 1648.

F. Cælestinus à Spiritu, Carm. Discalc.

M A T R I

S E D

SEMPER VIRGINI;

ILLI VIRGINI MIRABILI,

Q V Æ

GENITOREM SVVM GENVIT,

ALTOREM ALVIT,

REXIT DEVM,

SVVM DOMINVM SVBDITVM HABVIT,


VIRGINI DEIPARÆ MARIÆ,

Domina sua Tutrici firmamento

V I L I S S E R V V S

FR. SEBASTIANVS A MATRE DEI

CARMEL. DISCAL. OFFERT HVMLIME.

Orto ad te , ô Domina
mea dulcissima , primum
hoc laboris mei pignus-
culum , porto , nam obstrictum

(a 3)

me

me tibi profiteor mille modis. Ipsos in medium non adduco, nam quæ carta ad capiendos sufficeret? In corde igitur interim mancant exarati & suppressi die mundi ultimo dum totus terrarum coram tuo nato stabit orbis propalandi. Interim hoc minutum pro innumeris illis obtulisse sufficiat, cum advenerit tota æternitas, quam per tua merita, ô Virgo, spei plenius expecto, ibi agam gratias, ibi beneficia prædicabo, ibi ad tuos pedes sanctissimos provolutus laudare & referre gratias non cessabo, Fiat. Fiat.

AD EANDEM
 VIRGINEM
 DEIPARAM,
 DOMINAM MEAM.

<i>Primigenum</i>	<i>Pignus</i>	<i>Prædulci</i>	<i>Porto</i>	<i>Parensi,</i>
<i>Pignus</i>	<i>Primigenum</i>	<i>Poscens pro</i>	<i>Pignore</i>	<i>Primo,</i>
<i>Primigenum</i>	<i>Pignus</i>	<i>Præbebis</i>	<i>Pulchra</i>	<i>Puellum;</i>
<i>Præbendo</i>	<i>Pulchrum</i>	<i>Pulchello</i>	<i>PeClore</i>	<i>Pastum</i>
<i>Primigenum</i>	<i>Puerum</i>	<i>Pulcherrima</i>	<i>Porrige</i>	<i>Posco.</i>
<i>Primigenus</i>	<i>Pascit</i>	<i>Prædulcis</i>	<i>Pusio</i>	<i>Parvus,</i>
<i>Pusio</i>	<i>Perbellus</i>	<i>Pastum</i>	<i>Præbendo</i>	<i>Perennem.</i>

VOTVM CHRONOSTICVM.

SEMPER DA SANCTÆ REX GRATA LITARE PARENTI.

RELIGIOSISSIMVM OPVS
MARIANVM

F. ELISEVS A S. MARIA
CARM. DISCALC.

Metroprosâ extollit Carmeliticâ.

GERTRVDIS *egra lectulo*
Affixa feбри, maximè
Devota VIRGO VIRGINI
MATRI DEI *piissimæ*;

Toto profusam pectore,
Totaque mente profluam
Devotionem postulans
Verbis adesse congruam:

Distracta morbo colligit
Pro POSSE vires; viribus
Totis parentem calicam
Requirit, & conatibus.

Non posse deflet plurima
Formare verba; supplici
E corde, NOMEN AVREVM,
Verbo salutat triplici.

AVE MARIA GRATIA
REPLETA. Sic de pluries

Idem

Idem revolvens : concita
His DIVA, mille millies.

Ergo videndam languidæ
Se præbet ALMA Virgini;
Novum togata Pallium
Vicina CHRISTO lumini

Sed Pallio mirabile
Pratum refulsit, florida
Vestis MARIAE denotat
GERTRUDIS ora fervida.

Laudem Colentis vividam
Mutis refert odoribus :
Cæleste reddit invicem
AVE, locuta floribus.

GERTRUDIS hæc pro laudibus
Tulit; Beata munere :
Par munus esto, Virgini
Qui ferta gestit neclere.

SEBASTIANVS maximis
Perfunctus ut laboribus :
Mox inter hos DEVMPARAM
Vidis adet coloribus.

Integritatem candidus
Pudor figurât; blattæys
Amor Parenti concolor;
Spadix coronat entheus.

Ad Conventum
Stuensem S^p
Bernardinorum

*Cuncta venustates bonis
Fusa relucet sensibus :
Amicta Sole Fæmina,
Bonis corruscat sortibus.*

*Lux ergo, quantam congerit
SEBASTVS hic Viragini;
Suum colorat Filium,
Suo reflexa germini.*

*Et Virginale Pallium
Quod omniformi flosculo
Is ornat : hoc & altero,
Id Virgo reddit * Seculo.*

* Alludi-
- tur ad
SS. Sca-
- pulare.

PERMIS-

PERILLUSTRI ET REVERENDISSIMO
DOMINO

Dn. THOMÆ

ARUPNIOW

UIEYSKI,

Abbatix Plocensis perpetuo Admini-
stratori, Præposito Varmiensi,

Custodi Gnesnensi, Secretario S. R. M.

Domino Observandissimo.



X quo mihi fores amicitix Tuæ
patuerunt, aditusq; ad eandem
concessus fuit, statim me ad qua-
vis officia & obsequia tibi obliga-
tum animus meus fecit. Tantum
semper me excultum beneficii
tantaq; facilitate exceptum voluisti, ut quoties accessi
dedisse, non accepisse beneficium quibusdam visus fu-
rim. Hinc mearum esse partium vicissim ratus sum
in id sedulo incumbere, ne ob ingratitude notan-
tantæ benevolentix unquam Te pœnitentia subiret, eg-

verò pudore non satis agniti beneficij suffunderer.
Quamvis autem virium mearum bene mihi conscius,
id in me positum non esse satis semper cognoverim, fa-
cere tamen judicavi, quod omnibus ære destitutis so-
enne est, ut quia quod dem non superpetit, me tamen de-
dere agnoscerem. Neque enim gratitudo semper in
o consistit, ut par pari retribuatur, sed & is gratitudinis
tudem habet, & reddidisse beneficium dicitur, qui li-
enter debet. Sic & ego, quia me nunquam condignam
ratiam referre posse scio, illud ingenuè ubiq; confiteri
non desino, me referre non posse. Et exinde me eò
unc abripi passus sum, ut chartaceo hoc munere, non
videm tot de me præclara merita redhostirem, sed
gratitudinem debitam qualicunq; ratione contestarer.
incitavit me, præter tot & tanta beneficia, ad hoc pie-
s, candor, & illa Tua tam præclara humanitas, quas
ne virtutes, (quibus reliquas includo) tam amicè
pud Te conspirasse quis est, qui nesciat? Pietatem lo-
quuntur, immò pleno ore ebuccinant, tot in Ecclesiam
dei, pauperes, orphanos, clinicos, omnique solatio &
humana ope destitutos indies erogatæ eleëmofynæ;
deò ut cum Tito Imperatore eum diem periisse du-
as, ubi non plena manu amicis Christi, & ob id & tuis,
aliquid in subsidium dispensasti. Gaudes quoties ex-

penſarum paginas his titulis inſignire occaſio datur, &
id tamen non ad factum, nec oſtentationem, ſed piet
tiſſimo affectu, nec ut hominibus, ſed ut Deo placeas.
Accenderis ad hæc pietatis exercitia, quod inter ope
poſitus, ſi quid agas, tuum, ſi quid habes, alienum eſſe
judicas, atq; ita Chriſto, & Eccleſiæ Chriſti theſauri
effundere non gravaris, ut tandem cæleſtibus theſauri
fruaris, de quibus nemo eſſe certior eſſe poteſt, niſi qui
quod tu facis, opera cælorum in terris tam aſſiduè pa
trat. Candorem & extra & in ipſa aula (quod multo
fidem & poſſibilitatem ſuperare videtur) ita omnibus
manifeſtaſti, ut non contis, nec remulco quod ajunt, ne
flexiloquis ambagibus vel obſcuris, ſed velificatione
plena omnibus, tuum favorem implorantibus, adjuta
bilem operam præſtiteris. De humanitate multis u
dicam opus non eſt, virtutē ita Tibi peculiari, ut ad
eam Te & natura genitum & induſtria factum, non
ſine præclaro tuo elogio, omnes confiteri neceſſe ha
beant. Poſſem hic plenis velis in tuas ulteriores animi
invidioſas dotes excurrere, ſi ſolem lucernâ oſtendere
vellem, ſed quia fatius eſſe duco orationem meam ad
tuam moderationem ſubmittere, etiam id, quod virtu
tibus tuis merito deberetur, præterire, quam multis
tuam modeſtiam, & meam verecundiam onerare malo.

Accipe ergo, absq; ulteriori alloquio, Vir *REVEREN-*
ISSIME, hoc qualecunque animi mei grati erga
te argumentum, illudq; ex mentis meæ propensione
constituta, me vero in posterum, ut hactenus consuevisti,
perpetim favore tuo & amore complecti ne dedignare.
Datum cum voto omnis felicitatis & prosperi rerum
successus Gedani Die 23. Decembris Anno 1652.

Perillustris ac Reverendissima Domina-
tionis Tuæ ad quævis officia
paratissimus

Georgius Försterus,
S R. M. Bibliopola.

FIRMAMENTI

SYMBOLICI

SIVE

ELOGIORVM

DEIPARÆ MARIÆ

STELLA I.



FIRMAMENTUM vel oculo at-
testante, non solum stellis
pulchrè decenterq; micant-
ibus est adornatum, verum
etiam cuncto orbi profi-
cuis, nam influxus suos in
eum dum exerunt, & deco-
rè ubertate copiosa effi-

ciunt redundantem : Hoc idem de pulcherrimo
orbis cuncti Firmamento Virgine Deipara asse-
rere qui detrectaret, ego illi mentem denegarem.

Vtinam & vitalem vitam in gloria non denega-
ret Factor eius. Exornatum est Firmamentum
istud innumeris prærogatarum syderibus, sed
syderibus quæ non solum exornant ipsum, verum
etiam in nos vim benigni influxus sui exerendo


A

bonis

bonis orbem totum locupletant omnigenis, fert animus has stellas contemplari, non omnes, nam sunt innumeræ, percensere illas excedit facultatē, sed deligam ex ipsis aliquas. Aspirat omnipotens. Confirmet Firmamentum.

Et in primis occurrit stella grandis continua, nempe beneficentia Deiparæ in orbem universum, quæ, quia universalis est, in primis quoque speculanda: speculabimur libenter ô Domina mea, sed obsecro da veniam, ut tam huic quàm alijs postmodum contemplandis nomina imponamus, & hoc ideo, ut animus noster per ea quæ novit surgat ad incognita, quæ non novit, & insuper facilius elogiorum tuorum recordetur, dum nomina illarum rerum videbit illis imposita, quæ oculis ejus solent frequentius occurrere. *Accepta à Domina mea facultate*, jam huic primæ stellæ nomen labri publici vulgò Fontanæ imponimus. Quare? Symboli argumentum consulito.

FONS PVBLICVS VVLGO FONTANA.
MARIA SEMPER BENEFACIENS.



NOCTU DIUQUE MINISTRO.

ARGVMENTVM.

Fontes publici perenniter fundunt aquas, etiam illo ipso tempore quo homines vel otio vel quieti indulgent. Quadrat Symbolum Dei-para, beneficia namque sua incessanter effundit in homines etiam dormientes, quales pigriculi sunt ingrati & voluptatibus soporati.

Fontem video Virginem Deiparam, sed publicum, sunt in delicatis priuati fontes hortis, sed clauduntur, tuncque solùm fundunt aquas, cùm amici vel hospites hortũ adierint. Tu publicus, nam tua beneficia cessant nunquam ò Virgo. Sciunt multi verum esse quod dico, sed quia nesciunt aliqui, da veniam ut famulus tuus illis hoc aperiat.

Gm, 28. Obdormierat Iacob in itinere quod in Mosopotamiam susceperat, & ecce in somniis videt scalam ad Cælum pertingentem, per illamque Angelos ascendentes & descendentes. Cur Angeli illi saltem per aliquod temporis spatium non quiescunt, sed ascendunt & descendunt continuò? Per scalam illam signatur Virgo Deipara, ita *S. Bonav.* Bonav. in Lau. Virg. & ideo non permittit Angelos quiescere, sed continuò urget illos, ut nunc descendant ad homines beneficia divina deferentes, nunc ascendant conspectui divino bona opera mortalium offerentes.

Imò vlteriùs inquirò cur noctu videt scalam, in qua Angeli non quiescunt? nam si homines tunc dormiunt, ad quid Angelis ascendendum vel descendendum, nam non debent descendere ut deferant

ferant illis dona Dei, illa enim dormientibus conferre indignum? Descendunt ut quilibet nostrum intelligat Deiparam nunquam dormire, sed transmittere beneficia continua etiam & noctu, etiam & his, qui somno quietique indulgent. Et sanè multa multi vorarent peccata noctu si non transmitteret illis scala hæc benedicta subsidia precibus sollicitis.

Templum illud magnificentum à Salomone constructum, gratum ejaculabatur splendorem tam diurno tempore quam nocturno, nam erat tectum eius auro tectum, parietes candore niveo conspicui, unde vel à luna, vel à stella aliqua repercussum splendorem emittebat. Quare divina providentia disposuit, ut spargeret fulgorem semper templum illud? Deiparæ typus fuit secundum S. Bonaven. in Lau. Virg. ô verè præfulgidum istud Templum semper orbem beneficiorum illuminat fulgoribus, nec vel minimum invenire est temporis curriculum in quo hi fulgores subducuntur.

S. Bonav.

Deipara Virgo non solû comparatur Soli, verum etiam Lunæ & stellis, sic enim vidit illam mulierem (quæ teste Aug. in Psal. 142. typus est Virginis Deiparæ) Ioannes in Apocal. amictam sole, lunam sub pedibus ejus, in capite ejus stellas

Apocal. 12.

S. August.

duodecim. Quam ob causam non Soli comparatur tantum, quia hic interdiu lucet tantummodo, sed & soli, & lunæ, & stellis, ut colligas, numquam Deiparam desistere, à luce beneficentiæ exhibenda

Cant. 6.
Richar.

In Canticis Canticorum Deipara, Rich. l.ii. attestante, Terribilis ut castrorum acies ordinata appellatur. Quomodo castris est persimilis, si infames retinent juxta illud: *Rara fides pietasque viris qui castra sequuntur?* imò benignissima quo modo terribilibus castris adæquanda? In castris providentia est continua, quæ alios ordinat ut agant nocturnas excubias, alios ut erumpant pabulatum, alios ut ad aliquem ex hostibus capiendum invigilent. In hoc similis castris ordinatis Deipara, quia nunquam cessat providentia eius circa nos esse sollicita.

Isaia 19.

S. Hieron.

Prædicens Isaias dandam nobis Deiparam, sub symbolo nubis levis ipsam adumbravit. Sic enim intelligit locum eius S. Hieron. super Isaia 19. Quare tam suprema Imperatrix per rem adedò vilem præsignatur? Accipite rationem, numquam dari tempus absque nube tam nocturnum, quam diurnum oculus attestatur. Attestatur etiam nubem semper operari, vel enim refrigerat, vel temperat lucem solis, vel si lucida sit saltem visum recreat

recreat, aëremque exornat pulcherrimè. Ideo ergo Deipara per illam præsignatur, quia nunquam cessat ab aliquo beneficio orbi exhibendo. Vel enim refrigerat grassantem in membris concupiscentiam, vel temperat favorem iræ Dei, vel recreat animam, vel exornat mentes nostras coloribus venustulis.

Missus Elias ad viduam, oleum & multiplicat & perennat. Obsecro, quare in domuncula viduæ patrat grande hoc miraculum, non verò in domo hominis alterius? Vidua illa secundum Richard. à S. Laur. l. 6. Deiparæ imago est, oleum communicationem bonorum significat juxta S. Hierony. super Ezech. 45. bene ergo, bene in domo viduæ oleum perennatur, ut discas beneficia in nos Deiparæ semper esse perennia. 3. Reg. 17.
Richar.

Imò dic iterum, cur non aliam rem multiplicat perennatque, sed oleum. Oleum Deiparam adumbrat: Sic appellat illam S. Ambros. cap. 13. In- S. Ambro. stit. Virg. Ergo ideo oleum manat perenniter ut colligas Deiparam oleum istud benedictum nunquam imminui, quin communicet se hominibus continua beneficia exhibendo.

Prodidit Solinus citatus à Petro Berchorio Reduct. Moral. l. 13. c. 18. n. 7, in Æthiopia apud Macrobios locum esse dictum Heliutrapezia, abun-

dantibus epulis semper redundantem, quæ etiam Divina virtute augmentur continuò: Verùm istud an frivolum non inquirò. Hoc verissimum Virginem Deiparam, Virginem super omnia post Christum benedictum locum esse talem. Accede, invenies spondeo apud ipsam fercula innumera, sed fercula sapida, fercula vitalia. Quæ? Beneficia. His ferculis abundat semper, Virgo semper Virgo, hæc augmentur in domo ejus perenniter: Et licet illa transmittat assidue, tam bonis quam discipulis, absumentur nunquam, citiusque Cælum deficiet quam prædicta fercula vitalia minnuentur.

Hæc est Stella prima, ad alteram veniamus: Ad quam? Ad Speculatricem. Iure illi hunc titulum imponimus, indagare solet latitantes insidias illaque detegere. Iure & præcedentem hæc subsequitur, nam loquendo distinctius de influxu, quem per suas Stellas firmamentum istud præstat nobis, primus est detegere pericula, nam & primum quod noster aggreditur hostis, est struere nobis insidias. Sit ergo Stella 2. nomen ejus,

SPECVLATRIX.

9

MARIA DETEGENS PERICVLA.



Joan. Thomas deli.

Assemans sculp.

FRUSTRA NAM ISTA MONEBIT.

ARGVMENTVM.

*Columba dum residet super aquas ab accipitre est segura, nam
umbram volitantis aqua ipsi aperiet monebitq; ut fugiat in-
tra petram periculum evasura. Quadrat Symbolum Dei-
paræ, nam admonet ipsa seruos suos ut impendens evadant
periculum.*

B

DISCVR-

DISCVRSVS.

Periculis plenus mundus est, semper volitat rapax accipiter hostis infernalis. Vis evadere, monstro aquam vitæ Virginem Deiparam, ibi mane, ipsa cuncta deteget pericula. Ausculta.

Gen. 27. Rebecca præsentens Esau malum contra Iacobum meditantem, illud & aperit & admonet, ut abscedat in Mesopotamiam. Cur non pater sed mater inhians illud detexit periculum? Nam utique pater erat prudentior, poterat ergo facilius colligere periculum, & sic ut filius illud evaderet admonere. Rebecca aperuit, gessit enim typum Virginis Deiparæ teste S. Bernardo. Serm. de B. V. cujus officium est proprium, suis aperire impendentia pericula.

LUCA 12. Ultimo Iudicii die adventante Sol & Luna horribilem in modum eclipsim patientur. Quare sol & luna induent saccos illos, nam indignus est mundus ut lugeant illum astra tam fulgida? Eclipses illæ, denuntiabunt imminens ultimum mundo periculum, & ideo quasi hortabuntur exemplo suo peccatores, ut induto pœnitentiæ sacco periculum illud effugiant, sed cur Sol & Luna potiùs hoc facient? Tam Luna quàm Sol
Deiparam

Deiparam signat, teste S. Bernardo Serm. 3. in S. Bernard.
 Salve Regina, & ideo malum imminere nunti-
 abunt, ut innuant, hoc proprium esse Deiparæ, nun-
 tiare pericula affutura.

Inter illa quibus Domina mea benedicta com- Cant. 4.
 paratur est etiam fons: Fons hortorum. Puteus
 aquarum viventium. Cur fonti? Cùm imminet
 terræ motus, fons admonet, nam tunc aqua eius
 turbulentior solet ebullire, tetrumque odorem
 exhalare. En ratio igitur cur fonti comparatur,
 denuntiat hæc benigna mater impendentia peri-
 cula.

Horridior tempestas antequam adveniat nu-
 bes atra exoritur: Quam ob causam atra nubes
 ipsam antecedit? Nubes Deiparam significat se- Richar.
 cundum Richar. l. 7. priùs illa exurget, priùs te ad
 evadendum hortabitur, quàm tempestas nociva
 adveniat. Monebitque ut non solum te, verùm
 & si quæ foris sunt bona tua recolligas, & abscon-
 das.

Tritum illud est: Lunæ nomine appellari Dei- Cant. 6.
 param. Cur? explicat hanc quæstionem ille versu-
 culus, *Pallida Luna pluit, rubicunda flat, alba sere-
 nat.* Nam ex illo colligo, tempestates denun-
 tiare crastinas, ac proinde jure Deipara illi com-
 paratur, nam & illa imminens denuntiat peri-
 culum.

culum. Sed indago ulteriùs cur Luna pallet dum pluvia, rubet, venti dum impendent? Non solum Luna in communi denuntiat mala affutura, sed qualia sint etiam commonstrat. Non quia pluviosum tempus est lugubre, veste lugubri nempe pallida hoc præsignat. Venti quia solent esse furiosi, furiosam induta vestem nempe flammam, sive rubeam hoc innuit: Quàm quadrat ergo Luna Deiparæ, quæ etiam clarè & distinctè detegit impendens periculum.

Narrat Iulius Frontinus Stratagematum l. 1. cap. 2. de Æmilio Paulo Coss. quòd cùm advertisset, avium multitudinem citatiore cursu è sylva evolasse statim conjecerit inibi latitare insidias. Et sanè conjecerat egregiè, nam decem milia Boiorum sese occultarant, quos ille per aliud latus legionibus immixtis circumfudit. Detexerant huic aviculæ illæ latens insidiarum periculum, sed mihi crede, ô homo, cole tantummodo Virginem Deiparam, videbis quomodo non unicum, nec semel, sed cuncta & semper fideliter deteget insidiantia tibi pericula.

Dum homo periculum impendens adverterit languet præ timore. Ergo indiget erigente, erigit Virgo Deipara. Sequatur ergo stella alia cui nomen damus Vitale Irriguum.

VITA.

VITALE IRRIGVVM.
MARIA LANGVENTES ERIGENS.



Jean Thomas delin.

A. Remant sculp.

ERIGET IRRIGVVM.
ARGVMENTVM.

Grassante siccitate infirmantur, arescunt, & quasi mori flores incipiunt. Unde & ad terram inclinantur, verum cum pluvia advenerit eriguntur & vigorem pristinum recuperant. Quodas Deipara, vivificat enim etiam morti propinquantes.

B 3

DISCVR-

DISCVRSVS.

Non ego hominem flori comparo, comparavit Dominus per Iob dicens, *qui quasi flos egreditur & conteritur &c.* Pulcher est flos iste fateor, sed caducus, deest irriguum, & languet, mortique appropinquat. Sed macte animo, providit Dominus irriguum quod languentes erigit, sanat debiles, redditque sospitati. Quod? Pluviam super omnia benedictam Virginem Deiparam. Non aberro, quod pluviam appello, erigit enim languentes hos flosculos. Quomodo?

Apocal. 11.

12.

Apocal. 11. Narrantur facta fuisse fulgura, voces, terræ motus, & grando magna, & ecce immediate statim subditur cap. 12. *Signum magnum apparuit in cælo mulier amicta sole,* Quare obscuro apparuit mulier tunc, non antea vel postmodum. Mulier illa, teste S. August. in Psal. 142. Deiparam adumbrat. Iam ergo colligite mysterium, cur mulier illa tunc apparuerit. Dum fulgura, voces, terræ motus grassantur, languent homines præ timore. Sed adest tunc mulier illa typus Deiparæ, ut doceat nos altissimus, quia Virgo Deipara statim solet consurgere ut homines erigat à languore.

S. August.

Fugiebat Ionas in Tarsis à facie Domini, sed ille

ille, quem effugere non est possibile, disposuit, ut ^{Ionæ 1.} in mare à nautis mitteretur. Cur in mare? languerat vehementer tunc anima Ionæ (quomodo enim non langueret fugitando ab illo qui vegetat universa) & ideo ut recuperet sanitatem in mare proiicitur. Ergo mare poterit languorem ejus depellere? Ita sanè. Mare MARIAM significat, teste S. Bonaven. in spec. Virg. Cùm Dominus ^{S. Bonav.} vult alicuius languorem erigere, mittit illum ad Mariam patrocínio ipsius illum recommendans.

Ad Eliseum Prophetam veniens Naaman ^{4. Reg. 5.} sanitatem petebat. Annuit Propheta, sed ut illam consequatur mandat in Iordanem descendere. Ad quid relegat ipsum ad Iordanem, nam poterat ^{S. Hieron.} modo alio sanitatem illi tribuere. Iordanis Deiparam significat iuxta S. Hierony. Epist. ad Fabiolam, Naaman languentes. Ad Deiparam relegantur languentes, ipsi enim commissum est ut eos reddat sospitati.

Emiserat ancillas Sapiencia, ut insipientes ad ^{Prov. 9.} bibendum vinum attraherent. Certè videtur Sapiencia delirare, nam insipiens absque vini haustu multa patrat indecora, quantò plura patrabit vino plenus: Imò in arx sapientiæ insipiens vinum sumet, in qua domus pacis est, nam utique domus est pacificæ? Parùm infatuata videris ô Sapiencia!

Ecclesia.


tia. Absit, absit, imò vocet insipientes, attrahat ad arcem, languent enim stultitiâ languorē inducente, & ideo vinum illis medicum exhibeat, quod languorem sanet, vigorem restituat, per illam namque sapientiam Deipara designatur teste Ecclesia in officiis B. V. quæ continuò quærit languentes vt illos liberet à languore.

Omitto quòd floribus medicinalibus comparatur. Omitto quòd iverit ad Ioannem videns ipsum languentem durum originale ob peccatum. Ex quibus colligere poteris illam verum esse languentium florum irriguum.

Boetius Severinus Papiæ inclusus carceri, ac semianimis gustato vino Ticinési generosissimo ad se rediens exclamavit. O foelicia hujus urbis vina quæ Civibus vestris lætitiâ, exulibus etiam vitam restituitis, mox que ad scribendum pulchrū illum de consolatione librum se convertit. Hoc narrat Bernardus Saccus l. 5. Ticinens. Hist. Efficacius servis tuis præbes tu vinum ô Virgo Superbenedicta. O verè efficacius, nam ubi illud languenti porrexeris, subitò languor evanescit, & cor insolito vigore consecuto lætum & vegetum ad omnia se esse experitur. Non cessa ô Virgo Deipara nos salubri hoc vino reficere, nam vita præsens, vita hæc misera, languor verè est continuus.

Homo

Homo non solùm indiget Deiparæ succursu dum languet, indiget quoque dum omnia prospera experitur. Nam & ipsa conatur hostis invidus surripere. Succurrit Deipara. Sit ergo Stella 4. Nomen ejus, quare Catena sit ex facie Symboli deprehendes.



C

CATE.

STELLA IV.
CATENA AVREA.

MARIA PROSPERITATEM
CVSTODIENS.



Joan. Thomas delin.

A. conicus sculp.

VT ADSINT ADSVM.
ARGVMENTVM.

*Arbores fructibus abundantes custodibus muniuntur, nam si aderit
Custos aderunt & fructus, si aberit custos aberunt & fructus;
nam irruent multi in pomarium, & arbores fructibus spoliabunt.
Quadrat Deipara, hac enim custos adsit vt integra maneat prospere-
ritas.*

DIS-

DISCVRSVS.

MVndus iste appellatur desertum, agat mihi gratias, pomarium ego ipsum nuncupabo. Nec abs re, nam homines arbores sunt, quocirca mundus in quo degunt, pomarium est dicendus. Fateor in isto pomario aliquando vacuas arbores inveniri, aliquando abundantes. Vacuæ sunt calamitate irruente bonisque spoliante: Abundantes cum iterum grata affulserit prosperitas. Sed heu! Vix comparuerit prosperitas, invigilat periculum. Vis abesse periculum? adsit Deipara Virgo, illa si aderit, aderit & splendor tuo pomario. Et videas me non temerè hoc effutire.

Venerat ad nuptias cum filio Deipara. Cur Joan. 2. venit; nam quid faciet in nuptiis Virgo amans silentii, contemprix vanitatum? Nuptiæ prosperitatem significant, & ideo adest Virgo ut prosperitatem custodiat incolumem. Et videte, non legimus in nuptiis illis vel rixas, vel vulnera, imò nec aliquid inhonestum contigisse, & tamen vix aliquæ nuptiæ celebrantur absque istis: Cur ergo nil talium contigit? aderat Virgo Deipara, & ideo integra manet prosperitas, nec turbatur per talia. Si Virgo abfuisset, abfuisset & bonum hoc à nuptiis. Imò ne etiam per defectum vini turbaretur illa

illa nuptiarum prosperitas, adegit filium, vt miraculosè vinum provideret. En quàm bona Custos prosperorum Deipara.

Gen. 2.

Fecerat Deus in Paradiso fluuium ascendentem ad irrigandam terram paradisi. Ad quid, obsecro, nam utique prævidebat hominem non mansurum diutiùs in paradiso, & consequenter ad quid producitur terræ irriguum, si in ea colonus homo non manebit. Nec vnicum per momentum sine fluuio paradisu stare potest. Fluuius etenim Deiparæ imago est, Richardo asserente, paradisu prosperitatem significat, & ideo creandus erat cum fluuio paradisu, non sine Mariæ custodiâ, neque ad momentum prosperitas perdurabit.

Richard.

Gen. 8.

Columba emissa à Noëmo ramum oliuæ apportauit. Cur columba non aliud animal? Columba Deiparâ significat iuxta Bedam super 8. Genes. ramus verò prosperitatem finito diluuiio revertentem. Ergo à typo Deiparæ deportatur, vt Dominus insinuet, quomodo prosperitas manibus Deiparæ sit committenda, aliàs dilabatur.

Beda.

Non tempore David Regis sed tempore Salomonis templum illud magnificum est extructum. Cur tempore Salomonis? Aurea tunc affutura erat prosperitas, & ideo & templum extruendum.

S. Bonay.

truendum. Templum enim illud Deiparam signabat attestante D. Bonav. in Lau. Virg. sine qua nullo pacto potest subsistere prosperitas.

Antequam Sol oriatur comparet aurora. *Cur?* S. Bern. dies prosperitas est, Aurora Deipara secundum S. Bernard. Serm. 33. in Cant. antequam ergo dies veniat præmittitur aurora, ut videas hanc auroram custodiæ diei deputandam. Et ideo cum grata adventabit prosperitas implora Deiparam ut ad eius exurgat custodiam.

Romani Apollinem, catena alligabant Herculi, fortè ideo ne permitteret ipsum Hercules abscedere provinciarum suspiriis evocatum. Vana erat hæc & inutilis Romanorum industria, sed non vanum quod porrigam tibi consilium si appetis ô homo ne à te prosperitas diffugiat. Roga Deiparam ut curam ejus suscipiat, si suscipiet alligabit ipsam adeò tenaciter, ut nulla vi fremen-
tis inimici, nullo actu possit à te dimoveri.

Ut hostis prosperitatem homini surripiat exsuscitat in illo passiones, Adest Deipara & fremen-
tium compescit feritatem belluarum: sit ergo Stella V. Nomen ejus quare Lampas terrificans
Symbolum explicabit.

LAMPAS TERRIFICANS
 MARIA PASSIONES COM-
 PESCENS.



Joh. Thomas delin.

Asomans sculp.

HAC VIA SILEBUNT.
 ARGUMENTVM.

*Ranas coaxantes qui vult compescere lampadem accensam appen-
 dat, visâ illâ conticescent. Quadrat Symbolum Deiparæ,
 ipsa invocata tumultuantes compescit passiones.*

DIS.

DISCVRSVS.

PAssiones hominum ad amussim ranæ sunt, & ranæ nimiùm importunæ. Nam hominem conturbant inconcinno sono suo & orantem & studiis incumbentem. Vis has compescere molestas nimiùm bestiolas? Lampadem assume, lampadem lucentem & ardentem Virginem Deiparam, ubi illa affulserit conticescent hæ ranulæ importunæ. Ausculta en aperio.

Evocatum Moysen in montem beat Dominus terræ promissionis intuitu, sed ingressu privat. Mirum quasi irritat & irridet illum Deus monstrans terram pulchram, & gustare ejus dulcedinẽ intrando non permittens, & tamen Moyses non indignatur, nota quòd de monte terra illa ostenditur, & ideo discolæ passiones obmutescunt, compescuit enim illas mons, per quem Virgo Deipara signatur secundum S. Bernar. Ser. 3. in Salve Regina, ut innuatur quòd vbi illa adest silent passiones.

Deuter. 34.

S. Bernar.

Daniel in captiuitate quando erat, cibos Regios abnuic manducare. Quomodo in illo non exurgit ferox gula visis tam sapidis obsoniis, quomodo non stimulat ad sumendum, poterat enim
justam

- Daniel.6. justam quasi prætere rationem captivus dictans licitos cibos quoslibet. Habemus quòd Daniel orabat versus urbem Hierosolymitanam, illius ergo urbis distantis licet intuitus, gulæ passionem compescebat. Nam Hierusalem umbra fuit Deiparæ teste Ruperto 7. de Div. Offi. 25.
- Rupertus. Deipara domitrix passionum rebellium.
- Iudic.22. Miserant filii Israël Iudic. 22. ad Rubenitas legationem duriores ob altare constructum in terra sua, arguentes, & ecce mitissimè respondent Rubenitæ. Quid est hoc? quomodo non excalescunt, sed velut perterriti respondēt humiliter, erant namque viri fortissimi, unde absq; ipsis Iosue detrectabat pergere ad terram promissionis capiendam. Erexerant altare figuram Deiparæ.
- S. Ambros. Nam altare Deiparam adumbrat juxta S. Ambros. l. 2. de Virgin. & ideo compescit umbra illa lubricas passiones.
- Genes. 32. Revertenti in patriam Iacob nuntiarunt servi Esau occurrere cum quadringentis viris. Timet Iacob. Si timet quare non congregat servos suos, aciem non instruit ad Esau resistendum. Imò, vehementiùs admiror, quomodo non excalescit contra Esau, nam in tali passu, quis furorem non conciperet contra hostem iniustius adventantem. Viderat antea scalam Iacob in itinere figuram Deiparæ

Deiparæ teste Bernar. Serm. in Nativitate Beatæ S. Bernard.
 Mariæ, & ideo memoria illius compescit passiones, efficitque vt consulens bono fratris sui humili & se potius coram illo quàm fremebundus educat & ordinet exercitum. Quàm silent ergo passiones in conspectu Deiparæ!

Fugiebat à facie Domini Propheta Ionas, sed Ionæ 1.
 non effugit illum, cuius terra est & plenitudo ejus, nam ortâ subito tempestate in mare eiicitur. Expendite. Antea detrectabat Domino obedire prædicationem in Ninive demandanti, nunc autem subiicit se Domino duriora exigenti, dicit enim humiliter, tollite me & mittite in mare. Non exurgunt in illo passiones quæ antea exurgebant, quia mare umbra est Deiparæ teste S. Bonav. in S. Bonav.
 spec. Virg. compescuit ranas ejus. Quàm ergo pacata mens est ubi tu ades ô Mare gratiarum Deipara!

In arca tenebantur inclusa animalia iracunda, imò quæ implacabiles inter se retinent inimicitias, cur tamen non rixantur? Arca umbra Deiparæ juxta S. Bernard. in Serm. de B. M. compescerat illorum passiones. Igitur si vis esse pacatus cole Deiparam. S. Bernard.

In Elymæa regione, Adonidis, teste Æliano, l. 12. cap. 2 ? Templum est, in quo ferileones mansuetudinem

suetudinem præferunt, vnde & homines subintrantes velut salutatores adulando excipiūt, Quo pacto māsuefacti fuerint hi leones ignoro. Quidquid sit inuenio ego Templum Dei vivi Virginæ Deiparam. O homo dum velut leones tuæ passiones fremunt, dum te sua feritate conturbant, ad Templum istud benedictum, commenda te Deiparæ, ipsa feros hos compescet leones, & velut agnellos reddet mitissimos.

Dum passiones conturbant hominem, tristitiã opprimitur Deipara, non solum passiones nititur compescere, verum etiam & hilaritatem instillare: sit ergo Stella VI. Nomen ejus Vinum conditum; nam tale exhilarat, estque lætitiæ vehiculum.



VINVM CONDITVM VEL
LÆTITIÆ VEHICVLVM.
MARIA EXHILARANS.



TVVS VISVS NOSTER EN RISVS.

ARGVMENTVM.

Multi flores v. g. tulipani occidente Sole folia solent complicare, innuentes sole abeunte & suam abire lætitiã: Oriente verò explicare, innuentes ad ejus exortum & suam exoriri lætitiã, nam lætitiã à dilatando desumitur; dum ergo flos constricta dilatat foliola lætitiã protestatur. Quadrat Desipere, hæc enim ubi advenit advehit lætitiã.

DISCVRSVS.

Venerat ad Holofernem casta Iudith, & ecce Holofernes instruit convivium seruis suis.

Iudith 12.

Cur non ante, sed postquam venit Iudith? Convivium hilaritatē designat, Iudith Deiparam, juxta S. Bonav. in Lau. B. V. Nequit adesse hilaritas hac absente, venit Deipara & subito exurgit hilaritas.

S. Bonav.

Ioan. 2.

Hæc eadem causa est cur etiam ad nuptias fuerit Virgo Deipara invitata, nam absente illa non potuisset comparere in nuptiis illis hilaritas.

Cant. 8.

Sponsa in Canticis Canticorum dicitur in hortis habitare, unde vox dilecti ad illam: Quæ habitas in hortis &c. Cur in hortis nō in palatio mag-nifico? Hortus symbolum est hilaritatis, hinc homines recreari cupientes ad hortos se conferunt. Ibi ergo sponsæ, per quam Deiparam possumus asserere designatā. Nec Ecclesia in officiis Deiparæ hoc sentit, ibi; inquam sponsæ, habitaculū est defigendum, ubi hortus, ubi grata fundata est hilaritas.

Eccl. 10. 1.

Templum illud magnificentum non in alia terra extruitur nisi in melliflua terræ promissionis mā-sione. Cur? terra promissionis erat amœnissima lacte

lacte & melle exuberans, & ideo in illa templum collocandum. Templum namque illud figura erat Deiparæ teste S. Bonav. in Lau. B. V. quæ ubi invenitur, invenitur amœnitas & hilaritas. Vnde S. Bonav. & Ioannes exultat in vtero vocem Deiparæ excipiens matrem salutantis. Cur ad vocem solummodo perceptam tripudiat? Non solum Deipara ipsa hilaritatem apportat, verum etiam & vox eius, imò quidquid eius est, nescio quam jucundam in spiritu parit lætitiã.

Missi ad explorandam promissionis terram Num. 13. detulerunt botrum vini, cur non aliud attulerunt pignus eius sed botrum vini, nam poterant detulisse vel aurum, vel pomum insolitum, vel aliud simile tam facilius ad portandum, quàm ad animos accendendos. Botrus vini hilaritatis est indicium, vinum namque exhilarat, terra promissionis Deiparæ juxta S. Aug. Ser. 100. de Temp. esse S. August. alicubi non ex alio facilius terra promissionis fluens lacte & melle, nempe Deipara, quàm ex hilaritate ex botro vini dignoscitur. Hoc enim est quod primò offert ad se tendentibus, botrus vini hilaritas.

Veniens ad Noëmum Columba, ramum Gen. 8. cum foliis virentibus apportavit, quare cum foliis virentibus? Virentia folia hilaritatem signifi-

Rupertus.

cant, primum quod apportat columba Deipara (per columbam namque designatur teste Ruper. super 4 Cantic.) est hilaritas. Ergo si vis hilaritate abundare, hilaritate proficua abundet in te cultus Deiparæ.

Selymus Turcarum Imperator, teste Iovio in vita Selymi, solebat edere semē quoddam Turcis notū, quod rerum seriarum memoriā adimit, ac per aliquot horas gignit lætitiā. Tale semen tu es ô Deipara Virgo! ô verè magna hilaritate redundet est necesse, cuius cordi vel ipsa memoria tui infederit! Et non solūm per aliquot horas durat pia illa & salutaris lætitiā, verūm cessat nunquam. Assevero enim hoc non esse possibile ut quoties tui homo recordetur, toties præ tripudio cor ejus non saliat. Reple ergo nos semper, reple ô Domina salutare hoc genimine, ut mens nostra inter continuas mundi hujus ærumnas recreata ad sufferendas illas cum hilaritate sit vegeta.

Dum homo hilaritate perfunditur non dormitat hostis ejus, imò tunc præcipuè aggredi ipsū annititur. Debet ergo fortificari impensius. Facit hoc Deipara, & ideo Stella VII. sequatur, cui nomen dabimus Alumen, propter quam rationem vide historiam in fine discursus repositam.

ALVMEN.
MARIA FORTIFICANS.



IN VANVM FRANGERE TENTAS.
ARGVMENTVM.

Ferreis laminibus obductus fores frustra gladio aggredieris, conans esfringere, nam potius gladium fractum aspicias quam januas sic munitas. Quadrat Deiparæ, cor enim quod ostium est animæ (nam per illud ad animam vel Deus vel dæmon ingreditur) adeo fortificat, ut à nullo magno licet hostium assaultu vinci possit.

DIS.

DISCVRSVS.

HVc timidi, huc fragiles adeste, præsidium fortificans vobis indigito. Quod? Virginem Deiparam.

Apocal. 12. Mulierem in Apocal. per quam designatur Deipara, asserente S. August. in Psalm. 142. vidit sole sanctus Ioannes amictam. Cur sole? sol fortificat debilia, debilis est argilla, illam ita fortificat sol, ut lapidem duritie repræsentet. En causam cur amicta sole Deipara, argilla argillæus homo est, discurrit ergo amicta sole Deipara, vt quolibet in loco argillam hanc fortificet, ne tentationum cedat duro impetui.

Ecccl. 24. Cynamomo comparavit illam Spiritus sanctus vt author est Richard. l. 12. sicut Cynamomum & Balsamum aromatizans &c. Cur Cynamomo est similis? Cynamomum contra corruptionem fortificat. Hinc in Arabia aves quædam dicuntur carnes habere incorruptibiles eò quòd vescantur Cynamomo. Maxima corruptio est tentatio, vis contra illam roborari? Cynamomum sume, Virginem Deiparam cole, ipsa te roborabit.

Ioan. 2. Primum quod petiit Virgo à filio fuit Vinum in

in nuptiis. Quare petit? nam si pauper est nuptiarum apparator, vinum abundantius dedecet ut propinet, si dives indecens, ut divitis convivio provideat vinum pauper Christus. Largiendo? Videte mysterium vinum fortificat cor, facitque intrepidum, hinc & imbecilli hausto vino bellatores provocant ad certamen. Petit vinum igitur ut ostendat se anniti corda nostra roborare ut insuperabilia permaneant à quovis terrore tentamenti.

Inclusus in arca cum animalibus justus Noë, inter quæ erant etiam iracunda & fera, ut tigrides, leones, ursi; attamen non reformidat cum illis intercludi. Vnde tam infractum cor ejus hausit robur? Manebat in arca Noë, in illa, inquam, arca quæ erat typus Deiparæ, attestante, S. Bonav. in Laud. B. V. & ideo non mirum quia impavidum est cor ejus. Qui enim sub umbra delitescit hujus arcæ animatæ iam cor ejus robore impavido est vallatum.

S. Bonav.

Eruperant aliquot milites egregii ad aquam de Cisterna Bethleem Davidi afferendam & feliciter attulerunt. Duo in hoc actu obstupesco: Primum, vnde tantum animi cōcipere potuerint, ut per hostes contenderent ad aquam illam adferendam? Alterum, quomodo à confertis hostibus

2. Reg. 23.

E

non

M. thod.

non oppressi? Quid obsecro illos adeò fortes reddiderat? Cisterna Bethleem typus erat Deiparæ. Non ego id assero, asserit Method. Orat. de Hyp. Non mirum ergo illos impavidos & hostibus fortiores extitisse. Nam qui currit ad Virginem Deiparam, jam fortissimus & insuperabilis efficitur, fortificat enim cultores suos Virgo Deipara.

Archelaus strenuus Regis Mithridatis præfectus teste Aulo Gell. noct. Attic. l. 15. cap. 1. obliwierat alumine turrim in Piræo. Res mira Silla nitrebatur illam turrim destruere, ignem vastum ad vastandam admoverat & nihilominus vis edacis flammæ non valuit ipsam superare. Strenuè fortificaverat strenuus turrim istam Archelaus, sed tu longè validius fortificas servos tuos ô Deipara. Admoveret infernalis hostis dirum ignem ignivomæ concupiscentiæ, adnititur illos dira flamma devorare, sed si fortificans manus tua adfuerit, ô Virgo superbenedicta, in vanum desudabit edax ignis. Fatigabitur admovens flammam, lassus hostis sudore madidus vacillabit, intacti remanebunt servi tui forti subsidio tuo cõmuniti. Fortifica & me ô Deipara superbenedicta, ut me quoque nequeant pravæ flammæ superare.

Haud intermittit fremens hostis etiam sic fortificatum

tificatum impugnare, ut saltem diutiùs impugnando affligat. Succurrit Deipara mala tandem cõsumens prementia. Nam quis sufficeret ad illa diuturno tempore sufferenda? Subsequatur igitur Stella VIII. Nomen ejus sit Serenitas.



E 2

SERE.

SERENITA S.

MARIA ADVERSA CONSUMENS.

*Joan. Thomas delin.**A. Coenans sculp.*

VT FVL SERO MOESTA RECEDENT.

ARGVMENTVM.

*Tela madidæ humorem sol si respicit siccæt & consumit. Quadrat
Deipara, nam si respexerit ob adversa lachrymantem adver-
sa consumendo siccæt stillus ejus.*

DIS.

DISCVRSVS.

In mundo sicci vix oculi esse queunt, tum quia res quælibet caduca mundi est fumus, ac proinde respecta à quopiam ciet fletum, tum quia vallis est lachrymarum, in qua aduersa sunt plurima, quæ durius dum premunt, cuilibet lachrymas exprimunt, sed maeste animo, invoca illam, quæ sole amicta est, Deiparam, ista lachrymas desiccabit aduersa consumendo. Rem aperio.

Vix cadere incipit crepusculum noxque aduentare, exoritur in Cælo splendetque Hesperus. Cur apparet Hesperus, imò cur apparet noctem antecedens? Deiparæ typus est Hesperus, nam idem est Hesperus quod aurora, aurora autem est typus Deiparæ juxta S. Bonav. in spec. B. V. nox S. Bonav. adversitatis, noli metuere noctem, adversitatem, aderit Hesperus Deipara, quæ te tutabitur à mœrore. Imò auscultata, rem narro dulciorem, etiam consumet noctem Deipara. Dic etenim mihi cur in fine noctis appareat aurora? Vt intelligas auroram finem nocti imponere, illamque quasi cōsumere. Sed cur noctem consumit aurora? Mariæ typus aurora. Felix es si exoriatur in te hæc aurora, nam aurora finem imponet nocti tuæ, nocti adversitati quæ te presit.

Gen. 27.

Fugit Iacob à facie Esau in Mesopotamiam & apparet illi noctu scala. Cur fugienti apparuit non verò in parentum domo commoranti? Premebatur Iacob fugiendo adversitate duriore, nam dura sanè adversitas parentibus patriaque derelictâ in terram alienam commigrare, & ideo apparuit illi scala umbra Deiparæ secundum S. Bernard. Serm. in Laudibus B. Virginis ut colligamus quia in adversis assistere vult nobis pia Virgo, ad quid putas nisi ut consumat adversa prementia?

S. Bernard.

Daniel.

Daniel in captivitate constitutus orabat frequenter facie conversa versus Hierusalem. Si ubique Deus est, cur tamen allaborat orando templū respicere? Erat sub adversitatum duro prælo tunc Daniel, & ideo convertibat sese ad Hierusalem, typus enim erat Deiparæ asserente Ruper. 7. de Divin. offic. 25. ut admoneret adverso tempore recurrendum esse ad Deiparam. Ad ipsam tunc oculi sustollendi, ut consumat mala torquentia, Et eventum aspiciate. Ita illa consumpta est Danielis adversitas, ut postmodū in aula Regis principatu potiretur. En quàm egregiè consumit res adversas Deipara.

Rupertus.

Gen. 6.

Injunxerat Dominus Noëmo arcam constructuro ut etiam & fenestram construeret. Cur hac
hac

hac de re specialiter ipsum admonuit, nam utique non erat tam insipiens ut absque fenestra arcam fabricaret? notate mysterium: Arca Ecclesia est, Maria fenestra, sic appellat illam Aug. Serm. 15. de Temp. Ergo injungitur fenestra extruenda ut in illa adversitatum horrida tempestate (ô verè horrida, nam horridum erat intueri amicos imò mundum aquis absorberi) ut, inquam, haberet solatium fenestram intuendo umbram Consolatrix Deiparæ. Et sanè per illam amabilem fenestram, ramus revirentis olivæ velut finis & consumptio adversorum est allatus, ut homines doceantur per MARIAM ad nos devenire finem & consumptionem malorum premientium.

S. August.

Mœstus Isaac ob defunctam Matrem charissimam ad meditandum in agro perrexit, & ecce tunc Rebecca sponsa ejus adducitur. Cur Domino ita disponente tunc Rebecca & non alia advenerat tempestate? Premebat tunc Isaacum dura adversitas, nam cernebat se orbatum charissimâ genitrice, & ideo tunc affulget Rebecca, erat enim imago Deiparæ, asserente mellifluo Bern. Serm de B. V. ut agnoscas mœrentibus affulgere Deiparam, & ita affulgere, ut omnis consumatur adversitas: Non fingo, ibidem subinfertur, dolorem,

Gen. 24.

S. Bernard.

rem, qui ex morte matris acciderat, fuisse temperatum.

Lucæ 1.

Omitto Deiparam cum festinatione ad Elizabeth cucurrisse ut Ioānem dura ab adversitate originalis tyrannidis vindicaret. Et sanè vindicavit, nam gratiam Ioannes, peccato effugato, est consecutus

Immo Henrici Imperatoris Dux industrius obsessus à Giselberto Lotharingæ Duce teste Vitichindo l. 2. Gest. Sax. irrumpentes Equites objectis alvearibus apum inhibuit, quarum aculeis in furorem versi equi sessorum vel excussere, vel ad pugnandum inutiles reddidere. O homo, ô miles cum ærumnis depugnans continuis, audi meum consilium. Cùm obsidet te aliqua adversitas, cùm conatur te in nihilum redigere, accipe tunc benedictum alveare Virginem Deiparam, alveare illud, in quo apicula Cœlestis IESVS CHRISTVS favos dulcedinum deposuit, arripe alveare istud, oppone adversitati te impetenti & videbis quàm succumbet in momento consumpta adversitas.

DEVS temperat rerum vices, nunc serenum nunc nubilum permittit vitæ diem. Igitur inimicus hominem postquam conspexerit adversitate superatâ aliquantulum respirare, periculis ipsum
nititur


nititur innectere : Sed adest Deipara, pericula
enervat. Sequatur ergo aliud elogium ejus Stella
IX. Nomen ipsi demus Vallum. Nam jacto val-
lo non imminet ab hoste tantum periculum.



F

VALLVM

STELLA IX.
VALLVM VEL
FORTALICIVM.
MARIA ENERVANS PERICVLA.



MAGNUM IVBET ALIUD ASTRUM.
ARGUMENTVM.

Ignis dum in sua sphaera commoratur, non devorat aërem, sed fovet; (sed apud eos vorat ipsum unde ignis in materia aëris flamma nuncupatur.) Hoc ideo quia ut astruunt Philosophi influencia caelestis benignior temperat & modificat rixas ejus, eò quòd ex ipsis grande Univerſo damnum exurgeret. Cùm etenim ignis & vastior ſit & activior & aërem undequaque complectatur, ſine mora totum imò & poſtmodum terram abſumeret. Quod ſi Deipara, attemperat enim & enervat pericula parvum mundum, nos homines, videlicet devorare dum cupiunt.

DIS-

DISCVRSVS.

Miser homo undequaque circumseptus est periculis & ad superanda est debilis, circumseptus illi caro, iterum & mundus, iterum & diabolus. Sed erige animum miser homo ad vallum confugito, curre ad Deiparam, ipsa enervabit cuncta hæc pericula.

Accedere propius conabatur Moyses ad rubum quem arsisse conspexerat, remoratur Dominus & mandat calceamenta exuere. Quid? Calceamenta deponet, imò induat & alia, nam ad rubum gressus dirigendi, & utique rubus tot spinis tot aculeis terram circumstantem solet cōmunire, ac proinde qui præsumet denudato pede accedere ipsum proculdubio cruentabit. Noli ô Moyses periculum istud metuere, accede nudo pede, nam flammifer rubus iste typus est Virginis Deiparæ (Non ego id assero, asserit D. Gregor. Nyssenus de vita Moysis) ac proinde vel umbra Deiparæ omne illud enervabit periculum. Et profectò enervavit, nam nec minimum Moyses consecutus est læsionis detrimentum.

Surripiens Jacob benedictionem primogenito destinatam, in magnum sese conjecerat periculum

lum. Nam profectò grande erat periculum, ne detecta simulatione putaret pius parens voluisse sibi illudere & præcipuè quia Isaac magno in Esau affectu ferebatur. Cur attamen non nocuit illi tam evidens periculum? Rebecca enervavit illud, per illam namque signatur Deipara, asserente

Richard.

Rich. l. 2. ubi enim hæc benigna mater curam alicujus susceperit periculum nescio quàm maximum reddet enervatum.

Numer. 16.

Insurrexerat populus Israeliticus contra Moysen & Aaron. Quid illi? Fugerunt ad tabernaculum fœderis. Cur fugiunt illuc nonne potiùs ad aliù munitum locum erat fugiendum? Magnum tunc videbant periculum ab illa effærata plebe imminere & ideo fugiunt ad tabernaculum. Erat enim figura Deiparæ Rich. l. 10. attestante. Illuc ergo se recipiunt, nam sub patrocínio Deiparæ silet periculum.

Richard.

Numer. 16.

Et videte. Postquam sese receperunt illuc descendit nubes. Cur descendit nubes? Nubes significat Deiparam. Ita Ambros. Exhor. ad vidu. Illa mittitur à Deo ut videamus quia ipsa enervat pericula.

Ionæ 2.

Ejectus Ionas in mare à ceto devoratur & per tres dies in ventre bellæ delitescit. Quomodo potest vita ejus tamdiu subsistere, nam & calor stomachi

stomachi bestię nicitur illum concoquere, & etiam si nō niteretur, quomodo valet & intra aquas & adhuc in ventre grandis bestię respirare. In magno fateor vita ejus erat periculo. Sed quia in mari aggrediuntur illum hæc pericula ideo vi caruerunt. Enervavit vim illorum Mare. Est etenim umbra Deiparæ, D. Bonaven. in Spec. B.V. S. Bonav. sentiente, ut fateamur, maxima licet pericula per Deiparam enervari.

Post obtentam, ne dicam suffuratam Patris benedictionem, dirigitur à Matre Rebecca Jacob in Mesopotamiam. Miror vehementiùs cur conicit illum in periculum, nam mittere solum sine famulorum custodia (quos poterat certè ad eum deducendum deputare, erat enim Isaaco multa familia) evidens erat periculum, nam poterat cogitare, Si audiat Esau illum solum abiisse, persequetur, aggredietur & facilè superabit. Erat fateor periculum sed enervatum, enervavit illud Rebecca, Deiparam enim ut auctor est S. Bernar. S. Bern. Serm. de B. V. adumbrabat. O verè omne periculum enervetur est necesse ubi tua, ô Benigna Mater, pia cura affullerit


Ioannes Zisca Bohemorum Dux fortissimus, teste Ænea Sylvio, cap. 40. Hist. Bohem. circumventus ab hostibus in loco aspero, ubi non

nisi certamen pedestre committi poterat, iussit mulieres peplos terram contegere, sicque calcaria equitum implicarunt ut prius à nequiculis oppressos se adverterent quàm pedes implicatos voluissent expedire. Grande periculum subvertunt peplos isti. Sed hoc idem intueor te facere ô Virgo superbenedicta, obviat atrox periculum servis tuis, nam aperit fauces ut illos deglutiat, sed ades tu subito, & protectionis tuæ expandens peplos, non solum à periculo instante ipsos eliberas, verum etiam in eodem periculo hostes implicatos procuras interire. Non desine, obsecro, ô Virgo superbenedicta & mihi objecta destruire pericula, expande vim robustæ protectionis tuæ contra illa, ut subdoli hostes cadant implicati, ego victor in Psalmis canam dulcissimam laudem tuam.

Non sufficit homini ut pericula, in quibus est, enerventur, opus est ut etiam pacem, salté per aliquod tempus obtineat. Facit hoc Deipara. Sit ergo Stella X. cuius titulus sit Oleum. Quare autem in conceptu sexto hujus Emblematis reperies.

OLEVM.

O L E V M.
 MARIA PACIFICANS.



Joan. Thomas delin.

Alcomans sculp.

QVIA PACASTI FVRENTES.
 ARGVMENTVM.

In rupe cincta mari nihil nascitur, nam fluctus marini omnia decutiunt, si tamen influentia astri alicujus pacatum mare concinorae in rupe nasceretur aliquid & subsisteret. Quodrat Desipere, illa enim pacificat furorem maris hujus, efficitque ut in pace constituti homines efflorescant.

DIS.

DISCVRSVS.

FVrunt bella & tumultus varij inter homines oriuntur, nec mirum mores inter eos, linguæ & effectus diversi. Quis pacabit illos? Deipara.

Gen. 32.

Luctabatur vir cum Iacobo longo tempore. Quid tandem? Dimitte, inquit, me jam aurora est. Quid est hoc, ideo luctam dictat finiendam quia aurora exoritur? Vbi aurora exoritur, aurea hora exoritur, lites omnes, omnes colluctationes evanescent, auroram enim Deiparam signare testis Bernar. Serm. 33. in Cant. Nec mirum,

S. Bernard.

Mater enim pacifici furibunda componat bella est necesse, illa apparente pax apparet, bello ac jurgio disparente.

In statu Paradisi non erant anni vicissitudines sed ver perpetuum. Cur non erat serenitas & pluvia, æstas & hyems, nam istarum vicissitudinum pugna mutua magnum addit decorem universo. Non mirum hæc inibi non fuisse, paradus eliminat omne bellum. Et cur eliminat? Nam per illum designatur MARIA. Non mea sententia est Seraphici Bonav. in Opusculo cui tit. Laus B. V. ubi ergo aderit cælestis hic paradus, ibi bella & pugnæ nec per momentulum grassabuntur.

S. Bonav.

In

In cælo contrarii sunt planetæ, nam alius est calidus, alius est frigidus, alius conatur mortem inducere, alius vitam conservare. Cur igitur invicem non depugnant, si sunt contrarii, sed potius sunt uniti & ab omni rixa elongati, hinc & ideo incorruptibiles esse asseruntur, quia in Cælo sunt defixi. Res defixæ in cælo etiam si mores habeant contrarios pacatæ sunt, unitæ, à bello alienæ. Per cælum namque designatur Deipara, testis S. Germ. Const. in Psal. 44. cuius munus est dissidentes animos adunare peramanter.

S. Germ.
Constan.

Portæ Deipara comparatur non solum à sanctis Patribus, verum etiã ab Ecclesia, cum canit, Et porta lueis fulgida. Cur Portæ? Porta iurgantes pacificat, nam si duo in porta convenient inimici, quamdiu sunt in porta unus alterum aggredi non præsumit. Hinc in portis securis applicata manui depingitur cum inscriptione apposita. Hic pax. Ergo benè Deipara porta appellatur, ubi enim consistit hæc porta præfulgida, pax consistit omni rixa elongata.

Ecclesiæ.

Eruperat furor Dei in populum Israeliticum ob murmur contra Moysen. Quid Moyses? jubet ut Aaron assumat incensum & offerat. Quid? urgetissimū malum debacchatur in populū & ipse necit moras furorē Divinum mitigandi. Nam si

Num. 16.

incensum offeret prolixius, insumet tempus indumentis Sacerdotalibus sese exornando, & interim grassans ignis plurimos devastabit, potius ergo jubeat, ut omisso incenso in terrâ sese proiciat, Dominum deprecando pro populo. Incensum Deiparam significare Richard. l. 12, asserit. Igitur ad pacandum altissimum umbra Deiparæ erat assumenda, ut ipsa pacem adduceret, ipsa enim apparente, pax & tranquillitas subito apparebit.

Richard.

S. Ambros.

Oleo comparatur dulcissima nostra Deipara, sic intelligit illud Cant. 1. S. Ambros. Cap. 13. Instit. Virg. Cur? Dum marini fluctus furunt si oleum infuderis pacabuntur. Vnde ergo vide & exulta cur Deipara, oleo comparetur. Pacificat furibundos belli fluctus. Ergo si grassantur bella pax exulat invocemus Deiparam, ut veniens componat belli fluctus.

Apiculæ si rixentur & depugnent pulverem vel modicum assumito & spargito, ad obiectum illud conquiescent, lite depositâ. Hanc igitur virtutem video & in te ô Virgo Deipara, rixantur homines, bella non solum meditantur, verumetiam & manus jam conservat. Varii varia exagitant ut pacatos componant dissidentes, sed in vanum: venies tu ô Virgo, ô Virgo quæ te pulverem

verem ob profundam humilitatem computasti, venias, inquam, & subito ad adventum tuum bella conquietent, pax optata adventans comparebit. Ergo cuncti qui cupiunt gratam pacem manus tollant ad Virginem Deiparam, ipsa si adfuerit, omnis rixa ad conspectum ejus pulsa diffugiet.

Pace consecutâ illa sunt homini renovanda quæ minimè bellum destruxerant. Renovat Deipara. Sit ergo Stella XI. Nomen ejus Ver. quare sit, explicatio Emblematis explicabit.



MARIA RENOVANS VETVSTATES.



Joan Thomas delin.

Aucmans sculp.

INNOVABIT NOVVS.

ARGVMENTVM.

Arbores dura in hyeme & deformes sunt & squalida, sed renovabuntur. Quando? Cum venerit novus annus. Nam Vere apparense anni novi, & arborum splendor apparebit, splendor dico florum, foliorum & fructuum postmodum. Quadrat Deipara, quo illa advenerit ibi cuncta manebunt innovata.

DIS-

DISCVRSVS.

ANnum novum Deiparam appello, nam attulit nobis solem novum CHRISTVM. Adfert & Ver novum, nam sicut vernum tēpus pulchram rebus depulsâ vetustate adfert novitatem, sic & Virgo Deipara. Non mentior, attendito.

Quando omnis caro corruerat viam suam mūdumque infecerat, ut illum DEVS depulsâ fœditate innovaret advocavit aquas diluvii. Quare nō aliud assumit instrumentum ad mundum innovandum nisi aquas? Aqua Deiparam designat, sic & ipsa attestatur. Ego sapientia effudi flumina, sic sentit eximius cultor ejus Rich. 1. 9. Richard. Ecce mysterium, aquas omnipotens assumit ad mundum innovandum, jam instruens parvum mundum hominem videlicet, ut si velit innovari Mariam annitatur advocare, ut hæc aqua purissima abluat prece sua nauseabundam quam contraxit fœditatem.

Destinato Moyse ad populum educendum ex Exod. 3. Ægypto, destinator Deus in rubo apparuit. Cur in rubo, an nō decentiùs in solio sublimato & micanti? Iam tunc inchoabat Deus collapsâ Iudæorum renovare libertatem, & ideo in rubo ipsam

S. Bernard. exorditur, intimando Deiparam, (hæc enim per rubum, attestante S. Bernard. in Sermon. de B. V. signabatur) principium esse cujuslibet vetustatis renovandæ.

In horto resurrexit mortis inferniq̄ue Triumphator, ut quid non potius in publico, ut stupendæ splendor resurrectionis ejus & majestas à plurimis cerneretur. Resurgens duo fecit, novum statum resurrectionis inchoavit, & corpus renovavit dotibus gloriosis. Ergo ideo in horto resurrexit, nos admonens, ut si renovari percupimus, in horto conemur sepeliri. In quo? Deipara hortus est. Hortum conclusum vocat illam Spiritus sanctus in Cant. vocat & Ambros. 9. de Institut. Virgin. In hoc horto cor tuum sepelito, totum illud in cultu Deiparæ impendendo. O si vel daretur intueri quàm pulchrè in illa depositi renovantur. Solis jubar auricomum, tenebrarum in conspectu illorum præsefert effigiem.

S. Bonav. Disposuit altissimus, ut fugiens Jonas in mare mitteretur. Cur in mare, nam si pœnam promeruit, in lutum, in barathrum detrudatur; sordue- rat tantisper Jonas Divinam detrectans jussionem, sed reparator perbenignus vult illum renovare. Vbi istud auspicatur, in mari, in umbra Deiparæ, ipsam enim designat mare, D. Bonav. in spec.

B. V.

B. V. attestante. Iam igitur jam cerne quàm competat Deiparæ renovare.

Horridus apparuit Iacob patri. Ecce, inquit, Gen. 27. odor filii mei, sicut odor agri pleni. Vnde nunc floridus, nam antea sic non redolebat? induerat illum Rebecca vestimentis Esau. Sed propono quæstionem, illa vestimenta antea non redolebāt, quando Mater vestit illis en redolent? Noli, noli admirari, Rebecca Deiparam designat. Ita Bern. S. Bern. in Serm. de B. V. Etiam fœdi Esau hominis vestimenta cùm in manu assumit Deipara, innovantur & redolent gratissimè. Si vestes innovantur manu ejus quantò magis vita tua manebit innovata?

Alphora, Alberto Magno de Animalib. l. 24. in Alphora attestante, si tabe consumatur, extra aquas egreditur, & tunc cuncta caro ejus usque ad caput ipsum & oculos dilabatur. Res miranda, si iterùm in aquam remittatur, & carne iterum investitur, & longè est vivaciòr, & vitam acquirit diuturnam, cùm antea esset brevissimæ. Admiraris? Te hic pisciculus repræsentat, ô homo, si certeres, quàm subitò decor tuus dispareat, simul atque extra aquam, extra protectionem Virginis Deiparæ egrederis, quidquid in te vel vitæ vel splendoris comparebat totum subitò dilabatur, sed

sed felix es si iterum providentia Magni Dei te reponit in hac aqua salutari, profectò vetustas indecora diffugiet & omni squalore deposito floridior juvena tua apparebit. O utinam Domine senescentem jam muudum in hac aqua reponas salutari. Profectò decor ejus priscus effloret.

Pace consecutâ non solùm debet homo renovare quæ bellum absumperat, verumetiam & in novitate vitæ ambulando opera sua Deo consecrare. Sed quia opera ejus sunt insuavia propter multas imperfectiones quæ solent se admiscere, ergo indiget ut ab aliquo condiantur. Facit hoc Deipara. Sit ergo Stella XII. Titulus ejus Saccharum. Quare autem? Vide in Symboli hujus argumento.



SACCHARVM,

MARIA GRATIFICANS NOSTRA
OPERA VILIORA.



Joan. Thomas delin.

Leonar. sculp.

SV PRA FERCVLVM.

ARGVMENTVM.

Evidens est cibum vilem si saccharo condia-
tore esse suavissimum. Qua-
drat Deipara, nam opera nostra, quæ (juxta illud August. in Psal.
127. Fidem nostram & facta nostra esurit Dominus, pascamus
illum bene vivendo) cibus Dei sunt, ita condit, ut in sipidum
opus nostrum ab illa dulcoratum gustui Altissimi arrideat.

H

DIS.

DISCVRSVS.

CVjuslibet hominis opera nescio quàm sacrosancta sunt insipida juxta illud justitiæ nostræ, sicut pannus menstruata: sed adest quæ condiat illa Deipara. Rem aperio.

Gen. 27.

Coxerat hœdos Rebecca & ecce quàm sapiat Isaac, inde colligamus quòd ob illos in tantam proruperit benedictionem filio conferendâ. Hœdina caro cum sit fœtidior, unde tantum saporem acquisivit? in manus illos assumpserat illa Rebecca, quæ teste S. Bernar. Serm. de B. V. typus erat Deiparæ. Quàm felix ergo opus quod in manus assumit Deipara nō solùm imperfectionis fœtorem non halabit, verum etiam sic sapiet magno Deo, ut uberem subito benedictionem pro illo largiatur.

S. Bernar.

ca, quæ teste S. Bernar. Serm. de B. V. typus erat Deiparæ. Quàm felix ergo opus quod in manus assumit Deipara nō solùm imperfectionis fœtorem non halabit, verum etiam sic sapiet magno Deo, ut uberem subito benedictionem pro illo largiatur.

Cant. 1.

Mirum lego in Canticis, modò appellavit dilectum sponsa fasciculum myrrhæ, pòst subito appellat ipsum botrum vini & adhuc in vineis Engaddi. Vnde subita illa mutatio? ex fasciculo myrrhæ peramarè botrus vini evasit dulcissimi? Condivit fasciculum myrrhæ sponsa, & ideo non mirum etiam rem amaram transire in cibum suavissimum. Sæpe namque facta nostra ob admixtas imper-

imper-

imperfectiones velut myrrha sunt amara, sed tradamus illa in manus sponsæ Deiparæ (ejus enim typus fuit, teste Ecclesia in offic. Deip.) & subito suavisissimi Deo botri præbebūt edulium, sic condiet illa dulcis Virgo. Ecclesia.

Petebat Elisæus duplicem spiritum & non obtinuit ab Elia. Sed tantum dicit illi. Si videris me &c. Posteaquam verò Iordanem pertransiit non legimus quòd expressè petierit, solummodo enim clamitabat, Pater mi, Pater mi &c. & non solum expetitur spiritum duplicem, verum etiam & pallium est consecutus, unde tam sapidus evasit tunc clamor ejus, ut plus ab Elia acciperet quàm petivit. Iordanis per quem transierat dulcoravit vocem ejus. Per Iordanem significatur Deipara. Hæc est mens S. Hieronymi Epist. ad Fabiol. Sic dulce, sic sapidum est opus nostrum quòd adstante hoc Iordane effcimus, ut Dominus Deus, hunc enim Elias præfiguratur, nam Elias interpretatur Dominus Deus, ut Dominus, inquam, plura persolvendo illud largiatur quàm petamus. 4. Reg. 2.
S. Hieron

Excepti convivio ab Abraham tres viri ad Sodomam subvertendam gradientes, secretum viæ suæ ipsi aperiunt. Sed post exhibitum convivium. Gen. 18.

Quare non ante convivium? Provocati convi-

vio sapido id fecerunt. Et unde sapiebat illud cōvivium? nam res viles, res ordinariæ in ipso appositæ. Viles fateor, sed sapidæ, sed conditæ, manus præparantis Saræ ipsas dulcorarunt. Sara

S. Bonav.

Deiparæ typus est, sic S. Bonav. in speculo B. V. felix cibus, felix opus quod in manus suas assumit Deipara, dulcorabunt illud dulces manus ejus.

3. Reg 17.

Missus Elias ad viduam, petit ut ex farinula faciat illi subcinericium panem parvulum. Cùm verba ejus examino, invenio valde sapiuisse Eliæ illam farinulam. Hoc colligo ex verbis Prophetæ delicatis utpote diminutivis, quibus ipsam alloquitur, nam non dicit, fac de farina, sed de farinula; non dicit panem parvum, sed parvulum; unde obsecro tam sapida evasit farinula? Vidua illa Deiparæ typus fuit. Asseverat Richard. de S. Lauren. l. 6. Non mirum ergo farinam extitisse sapidulam, quidquid enim assumpserit in manum Deipara, jam sapiat Deo, per Eliam (utpote qui interpretatur Dominus DEVS) designato, est necesse.

Richard.

In Regno Cocincinal nidus quidam mirabilis invenitur, quo quicumque cibus condiatur gustum oblectabit. Hunc homines summâ curâ student colligere. Tui typum nidum hunc si di-


xero

xero non fallar, ô Virgo superbenedicta, ô vere nidus præfulgidus extitisti, in te namque delituit aquila generosa CHRISTVS verus Deus. O verè nidus es tu mirabilis, nidus saccharo & nectare jucundior, gratiam hanc namque ab altissimo accepisti, ut opera nostra bona, sed ob imperfectiones insuavia, reddas gratissima. Nec mirum, tuis enim precibus suavissimis, tuis meritis Deo gratissimis condis illa. Et quid tam sapido condimento inveniri potest acceptius? Condi ergo ô Virgo, condi ô cæleste condimentum, nostras actiones, & effice, ut quæ amaræ, sunt & insuaves tuis manibus dulcoratæ, divinæ sapiant Majestati.

Ideo miser homo litat opera sua summo Deo ut valeat sursum ad profectioem nempè ascendere. Sed quoniam ascensus est difficilis indiget elevante. Elevat Deipara, sit ergo Stella XIII. Nomen illi Currus igneus, nam hic raptum Eliam sursum elevavit.

CVRRVS IGNEVS.

MARIA SVRSVM ELEVANS.



HVC VENIENS IBIT IN ALTVM.

ARGVMENTVM.

Aqua cum gravis sit sursum ascendere non potest, verum cum defluit in labrum exilit altissime: Quadrat Deipara, qui ad illam de venerit, leuabitur altissime.

DIS.

DISCVRSVS.

OMnes velut aquæ dilabimur, sed deorsum, sursum ascendere non permittunt: Hinc illud: Terrena inhabitatio deprimat sensum. Indigito remedium, ô labilis aqua, ô Homo defluxure. Accurrito ad Deiparam, ad labrum vitæ, non advertes, & ecce te conspicias sublimatum.

Pulcherrima Deiparæ pulchritudo Lunæ comparatur: Pulchra, inquit, ut Luna. Cur Lunæ est similis Deipara, nam utique & fulgido sole est pulchrior. Septies per diem potens Luna mare levat sursum: Hinc Philosophi fluxum & refluxum ejus lunæ attribuunt. Jam suggessi rationem cur lunæ comparatur. Homo fluctivagum mare est inquietum, turbulentum, ventis tentandum expositum. Crassa, gravis, ponderosa est aqua maris hujus, cor nimirum. Sed macete animo Luna est Deipara, non credis? Crede D. Bonav. in Spec. B. V. Sis igitur ô aqua in mari, maneat in Maria, & levabit te luna plena Maria gratiis plenissima. *Cant. 6.*

Suscipiens arca animalia tempore diluvii deposuit illa in monte, Requievit arca super montes Armeniæ, *Gen. 8.*

Armenia. Cur in monte? qui manet in Virgine non in imis sed in sublimibus reponetur. Non enim est possibile, ut à Deipara ab arca animata (ejus enim arca typus fuit teste D. Bern. in Serm. de B. V.) susceptus syderibus ipsis non sit sublimior. Et sanè quàm modo suavissimo arca illa animalia sublimavit, certè ipsa advertere nequiverunt quando & quomodo supra montes ipsa deposuit. Nō etenim solum sublimare Virgo manentes in se annitur, verum etiam modo suavissimo ut ipsi non intelligant quâ ratione in summo confederunt. Benedicta arca tam proficua Rori comparatur Deipara, de illa enim possumus accipere illud: Ego ros & Israël germinabit. Osee 14. Hoc eodem nomine insignivit illam S. Germ. Const. in Encom. Deiparæ. Quare rorem mense Majo, si testæ ovi incluseris, levata à radiis solis ibit sursum. En mysterium, Homo velut ovi testa, imò ipsâ testâ fragilior, sed si in te, ô testa, Ros cælestis Deipara illabatur, subitò sol justitiæ in gratiam roris sursum abripiet: Ergo moneo tam utilem rorem studeas acquirere. Nec dixeris quomodo? Recondidit cor tuum in se cultum Deiparæ, jam inclusit rorem istum.

Volatilia pennata ex mari Deus produxerat dixit enim: Producant aquæ reptile animæ viventis &

S. Bern.

Osee 14.

S. Germ.
Const.

Gen. 1.


tis & volatile. Quare non ex terra? Volebat omnipotens sursum aviculas volitare, & ideo ex mari producuntur, ut mare velut mater imprimeret illis volandi facultatem. Iam scis Deiparam per mare designari, D. Bonav. in spec. B. V. attestâte. S. Bonav.
 Ergo hinc collige omnes qui in altum evolare desiderant mare, Mariam, pro matre recognoscant est necesse, horum enim si Mater extiterit penas volatiles illis providebit.

Fenestra cæli dicitur Deipara: Cur? In quibusdam urbibus Italiæ naves oneratæ tali arte elevantur. Est fenestra sive janua, aperitur illa, & cùm receperit occluditur, aperitur postmodum & alia per quam aqua illabatur, & quoniam prior illa janua non permittit aquam elabi illabentem, crescit aqua & dum crescit sensim navis elevatur dum & aqua elevatur. En mysteriū cur fenestræ & januæ cæli comparetur Virgo Deipara. Cùm vult omnipotens aliquem in sublime elevare, aquam cælestium gratiarum per Virginem Deiparam velut per fenestram demittit, & quoniam hæc fenestra aquam non permittit elabi influentem, hinc fit ut gravatus homo qui antea ob pondus nequibat sursum ascendere, beneficio aquæ per fenestram hanc defluentis sursum usque ad conspectum altissimi idque modo suavi eleveretur.

Sed admoneo, ô navis ponderosa cupis elevari, intra hanc januam te recipe, nam cælestis aqua per ipsam solet defluere, ac proinde naves intra ipsam latitantes sustollere.

Missus à Berengario ad Constantinum Imperatorem Constantinopolim Luitprandus Ticinensis Diaconus, prout ipse annotavit Anno 950. Vidit solium ejus ita fabrefactum ut subito in altum Imperatorem sustolleret, cùm enim prædictus Luitprandus ad Imperatorem devenisset sedentem in Solio in terra collocato conspexit. Vix paululum pronus Imperatoré adoravit, cervice elevata, ecce videt Imperatoris subselliũ usque ad laquearia unà cum Imperatore elevatum. Qua ratione hoc fuerit adinventum se ignorare profitetur. Tu solium tale es ô Deipara Virgo. Abjectus & sordidus miser homo terrenis adhærendo in imo repositus modo cernebatur, vix humi sedere videtur adhærens terrenis, sub tua, ô solium summi Regis, cura ponit ipsum magnus Deus, & subito elevatum in summa suspicimus, ita ut mirabundus orbis obstupescat cernens illum qui non pridem humi repebat jam mente inter sydereas cæli sedes habitare. Suscipe & me, ô Virgo superbenedicta, & eleva cor meum ut ibi fixum sit ubi tu & filius tuus verum meum gaudium commanetis. In

In altum sublimato contemplationi frequenter est vacandum & non solum pro se, verum etiam & aliis precibus efficaciter prospicere. Conferunt vim Orationibus Deipara, sit ergo Stella XIV. Appellemus illam Referendam, ideo, quia ut efficaces sint nostræ preces per Deiparam, tanquam per universalem Referendam sunt transmittendæ.



REFERENDARIA.

MARIA ORATIONES DEO
DEFERENS.



PORRIGE VT PORRIGAM.

ARGVMENTVM.

Quadrat hoc Symbolum Despara, nam continuo demittit manum suam nos excitans ut per ipsam, Altissimo nostras preces transmittamus, scis etenim quàm libenter de manu sua illas accipiat.

DIS.

DISCVRSVS.

PReces fundimus frequenter & prompta Dei misericordia in nos non effunditur: Nec mirum, qui enim nos pusilli ut audiat Dominus inconcinnas preces nostras? Sed do consilium, vis ut audiantur preces tuæ? En demittit manum Referendaria cuncti orbis Deipara, illi porrigito preces tuas, ipsa ferat & deferat in conspectum magni Regis: Elevabis in nebula vocem tuam & impetus aquarum operiet te, scis quid dictum, sed age tantisper ostendamus.

Cum intrabat in sancta sanctorum summus Levit. 16. Sacerdos deprecati pro populo prius sumum incensi præmittibat. Quam ob causam? Incensum Deiparam designat sic Richar. 1. 12. Ergo homo Richard. antequam incipias preces tuas coram Deo effundere sit incensum, advoca Deiparam, ut hæc mediatrix simulque & Referendaria cunctis propitia gratas validasque coram Deo offerendo efficiat.

Daniel ad Orationem accessurus fenestras Dan. 6. aperiebat: Ad quid præmittuntur hæc ceremoniæ? Fenestram aperiebat quasi per fenestram suas preces conaretur ad Deum transmittere. Per

S. August. fenestram enim Deipara signatur, sic Augustus Augustin. Serm. 15. de Tempore. Ergo & per fenestram hanc benedictam postulata tua transmittito, sic etenim grata & valida fuisse deprehendes.

Matth. 26. Oraturus Christus ivit in montem Oliveti. Quare non aliò? Orandi nobis formulam præscribebat, si volumus Orationem nostram fore efficacem montem priùs Oliveti, Deiparam, hanc enim ut author est Richard. l. 8. designat, adeamus & tunc preces nostræ erunt efficaces.

Richard. Nec illud caret mysterio quòd affectuosius exorantes oculos in Cælum solent elevare. Quid igitur in hoc mysterii? an in cælo solùm habitare Deum æstimamus. Quidem ubique Deum intimum esse profiteamur, ac proinde non ideo lumina in cælum attollimus, est alia causa cur Dominus hunc modum hominibus indiderit. Quæ? Cælum Deiparæ typus est, asserente S. Germ. Const. in Psalm. 44. ideo ergo hunc instinctum imprefic Altissimus, ut ostenderet recurrendũ ad Deiparam, dum oramus, ut quoniam de nostrarum dignitate precum diffidimus in Cælo in Maria spem habeamus. Nec falleremur; gratas enim coram Deo efficiet.

Ioan. 19. Patienti in Cruce Salvatori astabat Mater ejus, & corde

& corde gemebundo spectabat dirum illud supplicium. Cur non prohibuit CHRISTVS cernens dolorem gravissimum gravissimè cor Virginis lancinantem? Et præcipuè cùm illam summè diligeret, nos autem si quempiam diligamus ab omnibus ipsum occasionibus luctus & tristitiæ abstrahimus. Pro toto tunc genere CHRISTVS supplicabat, & ideo vult precum Referendam assistere, nos instruens, ut quoties satagimus pro aliquo supplicare vel pro nobis, nunquam hoc facere præsumamus nisi adsit Virgo astrifera, sic etenim gratæ, amabiles Deo & Angelis erunt preces nostræ.

Omitto quòd sacrificia sine altari quod erat umbra Virginis teste Method. Orat. ad Hypop. Method. non offerebantur, per quod innuitur Orationes nostras per Deiparam esse transmittendas ut sint efficaces.

Obsessus Mutinæ D. Brutus teste Plinio, l. 10. cap. 37. per Columbas epistolas ad Consulum Castra dirigebat. Quid aliud ô homo facis fundens preces nisi epistolas ad Deum transmittis præpotentem ex misera obsidione hujus exilii. Sed ô homo si appetis hæc Epistolas securè ad Deum citoque pertingere, habes provisam à Dei bonitate columbam Virginem Deiparam, huic
amabili

amabili Columbæ cōmitte epistolas, ipsa tabellarii munere perfungatur. Mihi crede in momento coram Altissimo locabuntur. Imò benedicta hæc columba Divinam urgebit pietatem, ut annuat preci tuæ & transmittat in hac periculosa obsidione subsidium.

Non solùm procurat Deipara Orationes deferendo beneficia Divina iustis impetrare; verùm etiam & illis qui nequaquam colunt ipsam. Sit ergo Stella XV. Nomen ejus sit Templum. Quare autem? Primus hujus Symboli conceptus aperiet.



TEM-

T E M P L V M.

MARIA INGRATIS ETIAM
BENEFACIENS.



Jean Thomas delin.

Avonians sculp.

NON RESPICIS A QVO ACCIPIS,
ARGVMENTVM.

Si aliquod animal est ingratum certè porcus, nam alia animalia, os ad illum sustollunt à quo cibum accipiunt. Porco quercus glandes dimittit in copia & nequaquam quercum dignatur intueri. Quadrat Deipara, ingrati sunt plurimi quos benigna Virgo pascit, licet nunquam attollant ora sua ad gratias ipsi referendas.

K

DIS-

NVnc colligo ô Deipara, Domina mea dulcissima, quia nimis misericors est cor tuum: Colligo. Nam video te etiam ingratis beneficia multa elargiri, unde video?

Isaiz 45.

Terræ video comparari Deiparam à Propheta. Aperiatur, inquit, terra & germinet Salvatorē. Indignor rei tam vilissimæ Dominam meam imò Cæli & terræ comparari, sed retracto, imò gratias ipsi ago. Cur? Terra ingratis benefacit, nam multis despectibus ipsam multi afficiunt, conculcando, arando, conspuendo, & tamen se terra eviscerat, ad illos fovendos, sustentandos. Ergo bene ô Propheta terræ Deiparam nostram adaptaſti; nam & ingratis beneficia elargitur copiosa.

Hæc eadem causa cur templum appelletur. Tempa multi inhonorant, oculis impudicis garulitate, desidia, tamen templum complectitur nec eiicit veniētes, imò & catellos ipsorum suscipiens! imò omnis oblitum injuriæ gratis aures illorum demulcet psalmodiis, Verbo Dei, ad aliaque plurima læti hilarique vultu se effundit exhibenda. Cùm faciat idem & nostra Deipara jure, jure templum appellatur.

Rogata

Rogata ab Eliezer Rebecca ut potū aquæ tribueret, non solum ipsi, verum etiam offert & camelis. Quod ipsi famulisque ejus obtulerit non admiror, humanitas id dictabat, sed quod se offerat ad camelis quoque propinnandam hoc admiror. Sed mysterium expendite. Typus ingrati est Camelus, nam aqua sitim ejus refrigerat, ipse immemor, miscet illam, turbat, & ex pellucida reddit turbulentam. Iam capitis Mysterium. Deiparam Rebecca significat, sic Richard. l. 2. attestatur. Non solum hominibus Deipara, id est gratis humanitatis contestatione conspicuis beneficia elargitur, verum etiam & Camelis ingratissimam humanitate destitutis. Quam bona ergo &c. Deipara, deauranda esset tam pia Matris Dei benignitas.

Richard.

Non semel sed toties per solem in scriptura designatur Virgo Deipara. Cur? Sol ingratis benefacit, Planetæ exterminant evertuntque cœpta solis, nam cœperat fertilitatem sol alicubi inducere, planetæ malignante influxu dissiparunt, & loco ubertatis effecerunt, ut fieret contra mentem solis sterilitas, & tamen sol velut injuriam dissimulans planetas illuminat & exornat. Rectè ergo per illum Deipara designatur, verè enim verè effusa est ad ingratis beneficia impendenda.

Iosue 22.

Spreverunt Rubenitæ terræ promissionis ubertatem & erigunt altare in terra sua Iosue 22.

S August.
Method.

Per terram promissionis teste August. Serm. 100. de Temp. & per altare juxta Method. orat. ad Hyp. intelligitur Deipara. Si spreverunt Deiparam, terram promissionis, typum ejus contemnendo, quare manet apud illos Deipara, nam manet altare figura Deiparæ? College, ô homo, & vel nunc tandem recognosce quàm bona sit Deipara, quomodoque etiam inter illos non respuat habitare qui eam contempserunt. Et ad quid putas mansionem figit inter illos, nisi ut beneficia effundat copiosa? Benedicta sit verùm ac iterum & millies benedicta tam bona Cælorum Imperatrix.

Persequente pueros Herodis rabiosa feritate fugit Deipara, cum puero Iesv in Ægyptum. Quare in Ægyptum, vel non poterat Hierosolymis puerum occultare? Ingrati existebant Ægyptiï, nam abavos atavosque illorum Ioseph tēpore famis gravissimæ à morte servaverat, ipsi verò successores stirpis ejus, dura opprimebant servitute. Hæc ratio cur Deipara portat puerulū in Ægyptum, ut ostendat suum ingenium & ingratas beneficia summè elargiri. Et sanè quantū Ægyptiis beneficium attulerit Iesvm adferendo,

tot

tot sanctorum millia monachorum inibi morantium postmodum declararunt.

Alexander Severus, ut refert Bererlinet in Theatro Verbo Clementia, Ovinium Camillum post rescita rebellionis ejus meditata molimina adducens in senatum atque ob sceleris tanti factum trepidantem consortem Imperii appellavit. Magna fuit Imperatoris hujus benignitas dum tanto hosti suo tantum beneficium loco exquisiti quo fuerat dignus supplicii impenderit. Sed tua ô Virgo Deipara longè mirabilior est benignitas. Peccator insurgit contra tuum honorem, imò & filium tuum patris impugnat sceleribus, servos clientesque tuos frequenter persequitur, violat festa tua, frangit instituta in honore tuum jejunia, & tamen tu oblita tot enormium despectuum impetras gratiam, conarisque dummodo ipse velit extollere ipsum usque ad filii Dei adoptivi dignitatem. Benedicta sis ô Virgo pro tanta pietate.

Primum quod ista Referendaria procurat tam justis quàm injustis, tam gratis quàm ingratas apud Deum est flamma; nam & eos qui frigidi sunt accendere allaborat, & eos qui ardent sed modicè magis inflammare. Sit ergo Stella XVI. Nomen ejus Focus vel ignitabulum.

STELLA XVI.
FOCVS VEL IGNITABVLVM

CÆLESTE.

MARIA INFLAMMANS.



SVSCITO TV SVSCIPE.

ARGVMENTVM.

Ignem super ignitabulum homo ideo exsuscitat ut in illo residens materia ignem concipiat. Quod verò non sufflāmetur aliquando hoc provenit ex defectu materia, eo, quòd sit humidior non suscitantis. Quadrat Deipara, suis namque precibus continuis ignem in cordibus nostris suscitare allaborat. Omnes hujus ignis velle esse participes, sed in multis humores passionum pravārum non permittunt.

DIS-

DISCVRSVS.

ADsint frigidi, adsint, cadit ignis de cælo ut inflammet universos dummodo ipsi velint. Noctu cadit, interdiu cadit, in Polonia cadit, in Italia, in Germania ubiq; dummodo velint ipsum acceptare. Quis illum exfuscitat? Virgo Deipara, Domina nostra dulcissima. Oculis exhibeo.

Instance extremo Iudicii die & pravitate Antichristi debacchante, accurrent de paradiso Enoch & Elias. Quare tunc emittet illos paradisu? Paradisu Deiparam significat. Hæc est se-
S. Bonav.
 raphici Bonav. in Lau. B. V. sententia. Benè, sed obsecro, cur illos tunc emittet umbra Deiparæ? Refrigescet tunc charitas, quia abundabit iniquitas, & ideo ut mundus obrigescens inflammetur paradisu incolas ad eum accédendum expediet, ut hinc documentum habeamus Deiparam ut accendat esse sollicitam. Hinc infero, qui mūdum inflammare appetitis in paradiso in Maria figite mansionem, ipsa ignem in vobis exfuscitet, quo postmodum ignire mundum rigescentem valeatis.

Iam vitæ Moyfis curriculum abrumpere Do-
Dehnt. 32.
 minus statuerat, sed antequam exequatur, jubet ipsum

ipsum in montem ascendere. Quid? vel pius in alio loco præter montem mori non poterit seniculus! servos intimos solet Deus in morte specialius inflammare, ut nimirum prorumpant in ardentiores flammæ charitatis. Iam palpamus mysterium. Cupiebat Moysen moribundum ferventiùs exarsisse, ergo & in montem educit. Mòs enim typus est Deiparæ, sic S. Bern. Ser. 3. in Sal. Reg. qui autem est sub umbra Deiparæ jam ardeat impensius est necesse. O Virgo, ô Mons magni Dei fac gratiam ut frigida anima mea in tuo decedat incolatu, ac in tuo conspectu corporis deponat exuvias, nam profectò magnam magni Dei flammam te supplicante concipiet.

S. Bernard.

Iosue 3.

Post obtentum principatum Iosue prima vice movens castra ad terram promissionis capiendâ populum adhortatur ut visâ arcâ consurgat & subsequatur. Ad quid monet ut videant arcam priùs, tandem subsequantur? Volebat animos ad occupandam ardentius terram promissionis accendere, & ideo jubet arcam intueri, quasi flammâ essent ea visâ concepturi. Et meritò. Erat enim arca illa typus Deiparæ teste S. Bonav. in spec. B. V. Deiparæ, inquam, quæ ignibus Divinis accendit vel intuentes.

S. Bonav.

Isaiæ 6.

Quando conquerebatur Isaias dicens vir pollutus

pollutus labiis ego sum, tulit Angelus calculum ignitum de altari & tetigit osejus. Quare de altari & non aliunde hunc calculum ignitum accepit? Imò quomodo & unde calculus ille ignitus est manens in altari? Altare Deiparam significat, sic appellat illam Method. Orat. ad Hyp. Method. Iam igitur non admiror altare calculum ignivisse, semper enim vasta flamma charitatis ardet in Virgine Deipara, ac proinde qui altari huic fuerit appositus ignietur & alios igniet fortissimè. Hæc eadem causa est cur calculo accepto de altari os Prophetæ attingitur. Placuerat enim Deo ut affectuose prophetaret. (Lege ejus prophetias & fatebere) & ideo ut os ejus flammam conciperet, de altari accepto calculo inflammatur, ut tandem ostendatur Deiparæ esse proprium inflammare. O si & me dignaretur altare hoc accendere, non ita tepidè scriberem præsens opusculum.

Eduxerat animalia ex arca Noë, sed postmodum illa Domino immolavit. Gen. 8. Mirum quare animalia non fugiunt, nam solent animalia mortem præsentire, & utique poterant bene effugere, nam educta jam erant ex arca veluti è cavea. Non fugiunt, nam manserunt in arca quæ figurat Deiparam, teste Esychio Serm. 2. de S. Deip. & ideo Esychius. libenter se offerunt quasi ab arca inflammata ad

sacrificium Deo vero. Quàm mirabilis Deipara, cujus umbra etiam bruta ignit animalia.

Narfes volens Longobardos, ut refert Causinus Parab. Hist. l. 10. 64. ad invadendam Italiam pellicere, misit illis poma lectissima, quorum specie inflammati Longobardi in Italiam irruerunt. De veritate istius Historiæ aliud censeat Baronius. Fueritne istud an nõ fuerit non curo. Hoc ausculta: Quando Deus omnipotens vult ut invadamus cælestem paradisum illum quem violenti tantum rapiunt, te utitur, ô Virgo Deipara, te mittit & exhibet nobis velut præcipuum illius amœnissimi paradisi pomum. Et profectò sic potens es ad animos nostros inflammandos ut subito magno impetu irruamus ad illam felicissimam regionem capeßendam. Utinam ô Deipara, Virgo & ad me mitti dignareris profectò non oscitarem in aggreßenda patria tam suavissima.

Post inflammationem procurat & exornare. Sit ergo Stella XVII. Nomen ejus sit Monile.

MONILE.
MARIA EXORNANS.



Joan. Thomas delin.

A. Scamius sculp.

QVOS FORMAS, ORNAS.
ARGVMENTVM.

Sol vaporem dum extrahit attollendo in nubem efformat, quam formatam postmodum radiis respiciens ornat pulcherrimis coloribus. Quadrat Deipara: Vapor homo, Sol Deipara, extrahit aliquos homines ex aquis concupiscentiarum, format illos in modum nubis imbriferæ, & statim exornat variis virtutum coloribus.

L 2

DIS.

DISCVRSVS.

IN Mundo quidquid est immundum fœdum est. Nec mirum, mundus enim ipse per antithesim dicitur mundus quasi minimè mundus, quasi clariùs immundus: Si ergo mundus est immundus omne quod est in mundo immundo immundum est, & homo consequenter. Sed macte animo ô homo, veni mecum, ducã te ad mundissimam mundatricẽ, quæ te & facilè & citò tam emundabit quàm ornabit. Ad quam? Ad Matrem mundissimi Virginem Deiparam. Non subscribis dicto meo, Ausculta, en comprobo.

Dan. 1.

Dan. 6.

Pueri in aula Nabuchodonosor Regis nutriebantur cibo Regio, ut postmodum pulchri in conspectu Regis comparerent. Daniel cibum Regium est aspernatus, contentus viliori. Res mira vultus ejus cæteris speciosior apparuit. Unde fuit exornatus? Recordabatur frequentius Daniel Hierosolymæ. Colligo hoc nam de illo refertur cap. 6. quòd oraret frequentius conversa facie ad Hierusalem. Hoc supposito, jam colligo, quid decorem illi contulerit, recordatio nẽpe Hierosolymæ. Per Hierusalem enim adũbratur Deipara, Rupert. 7. de Divin. Offic. attestante.

Rupert.

te.

te. Qui autem recogitat frequenter Deiparam, decore, venustate, vel sola ejus memoria ipsum exornabit.

Omnia astra pulchra sunt & decoris eximii, verumtamen cunctis aurora videtur palmam præripere. Cur & unde? Aurora Soli famulatur, semper enim assistit in publicum prodeunti. Exornatur igitur impensius est necesse, nam qui solis, per quem Deipara, secundum Bern. Serm. 3. in Sal. S. Bernard. Reg. designatur, se famulum profitetur, decore splendet pulchriore. Nam qui cælum exornavit Cunctipotens solet servis Deiparæ, specialiores gratias, ipsâ procurante, largiri.

Flos campi in hortum transportatus pulchriorem & odorem & decorem consequitur. Cur? Hortus est Deipara, sic appellat illam Rupertus, Rupertus. super 4. Cant. Iamne advertisti ô homo ratione? Te admonet hoc exemplo omnipotens, ut si velis multiplicem consequi venustatem, ad Cælestem hortum, ad Deiparam, te transfero, & brevî te decore eximio eoque multiplici miraberis exornatum.

Ex omnibus Filiis Jacobi Ioseph erat pulcherrimus, Patre attestante dum dicebat, Filius accrescens Ioseph, Filius accrescens & decorus aspectu. Gen. 49. Quare pulcherrimus Ioseph? Quia Filius

Richard.

erat Rachelis. Rachel Deiparam adumbrat, sic Rich. l. 4. Vide ergo mysterium & collige, quàm filii cultores nimirum Deiparæ sint pulcherrimi. O verè pulcherrimi, nam Virgo hæc pulcherrima semper formam decoremque illorum multiplicat.

3. Reg. 6.

Quidquid erat in templo Salomonis erat auro tectum, imò mirabilius etiam pavementum domus texit auro ut dicitur 3. Reg. 6. quæst. 30. Quid? Etiam vile pavementum auro pulchro exornatur. Templum Deiparam adumbrabat sic S. Bon. in Lau. B. V. O Homo in hoc templo vel pro vili pavimento te colloca & subitò ornaberis auro pulcherrimo. Hæc enim est causa cur in illo templo & pavementum fuerit decoratum, ut pulchri cupidus ornamentis feruentius ad Deiparam te conferas, cernens vile etiam pavementum tam pulchrè exornari.

S. Bonav.

Teneo piè quod in paradiso omnes nascerentur pulchri, nullaque deformitas inibi viseretur, si protoplastes non deliquisset. Teneo hac fretus ratione, quia omnis defectus (consequenter & deformitas) in ductus est in pœnã Originalis peccati. Suppositâ hac sententiâ inquiri cur in paradiso nullus deiformis extitisset: Non sunt ista compatible, paradisos & deformitas: Nam paradisos
sus

sus Deiparæ imago est, ut asserit S. Bern. Ser. 3. in Sal. Reg. & manenti in ditione Deiparæ deformitas non propinquat, nam ornabit illum pulchrè pulcherrima inter omnes Deipara. S. Bernard.

Secundum Ioannem à S. Geminiano similitudinum L. 9. cap. 47. qui vult gemmam vel simile in pomo aut pyro inveniri, cum cœperit efflorere & aliquantulum excrescere imprimat profundè gemmam ejus præputio. Sed cum considero te, ô arbor pulcherrima Virgo Deipara, video tam magnificè ornata esse quælibet poma tua, poma illa, servos, inquam, tuos, de quibus intulisti, omnia poma nova & vetera dilecte mi servavi tibi. Anniteris enim quemlibet servum tuum exornare, & non decore qualicumque, sed fulgidâ gemmâ illâ cujus pretiû nequit inveniri, **I E S U C H R I S T O**. Hanc gemmam allaboras cujuslibet cordi imprimere. Et quid potest ornamento tali splendidius & sumptuosius inveniri. Obsecro, ô Deipara Virgo, adorna & miserum me gemmâ istâ, nam si illâ fuero exornatus omnis mea turpitudine subitò mirabiliter manebit decorata.

Qui à Deo concessis monilibus abutitur, iram **D E V S** succendit contra ipsum: Neque hic deest Deipara, statim enim aggreditur

tur illam mitigare. Sit ergo Stella XVIII. Nomen ejus sit Incensum. Ideo tale nomen illi indidimus, scimus enim edocti à Scriptura incensum iram Dei toties mitigasse.



INCEN-

INCENSVM.

MARIA MITIGANS IRAM DEI.



IAM ALIVS ECCE.

ARGVMENTVM.

Narrat Aelianus L. 1. de Animal. cap. 38. Elephantum dum furit si formosam aspexerit mulierem mansuescere iramque deponere. Quadrat Deipara: De seruit ira Dei, sed ubi objecerit se conspectui ejus Deipara, supplicando conquiescit, ut de Deo liceret, iam aliusecce, exclamare.

M

DIS-

DISCVRSVS.

[Ra Dei iusti est terribilis, tarda quidem & veniens lento pede, sed vi & cumulo bene compensat tarditatem. Quis sedabit flammam eius? Venite, lætamini commonstrabo. Quid? Incensum, Deiparam.

Iosue 10.

Iosue percupiens Amorrhæorum quinque Reges delere fugitantes exclamavit: Sol contra Gabaon ne movearis & Luna contra vallem Aialon. Iosue 10. Si Iosue diem prolongari desiderat, cur non ait tantummodo, sol subsiste, sed subiecit ut & Luna sistat cursum? Vel solo subsistente sole dies quam optabat protracta non substitisset? Est aliud, est, ô homo, hoc in voto mysteriû, Luna ut asserit D. Bonav. in Spec. B. V. typus est Deiparæ, hanc igitur Iosue adventasse metuebat. Nam si hæc fulgida Luna ad favendum hostibus affulgeret, ira Dei furorque in illos durè defæviens, abruptus illico mutatusque cerneretur. Et ideo Lunam præoccupat, ne favore hostes complectatur. Iam concludite quàm mitiget furorem divinum Deipara.

S. Bonav.

Gen. 3.

Peccato parentes primi perpetrato sub arbore sese absconderunt. Quare sub arbore? Arbor Deipa-

Deiparam significat, & merito; nam protulit nobis dulcem fructum IESVM CHRISTVM. Ecce mysterium. Abscondunt se sub arbore, sub patrocinium umbræ Deiparæ confugiunt, contestando umbram etiam Deiparæ vim habere ad furorem Dei cohibendum. Et sanè cohibuit, nam parvula pro peccato ipsis pœnitentia injungitur. O pauca verè, nam fulmine evibrato æquum erat illos percutere, vel ut terra dehiscens, vivos absorberet efficere: Et ecce hæ pœnæ non erumpunt, nam compressit iram Dei arbor Deipara.

Non miror mirabundum Moysen contendere ut videat visionem grandem ardentis rubi nec combusti. Nam profectò grande hoc fuerat miraculum. Hoc admiror. Cur hoc mirabile Moysi aspectandum Dominus exhibeat: suppono per rubum juxta Gregor. Nyssen. Serm. in Nativit. Deiparam adumbratam. Iam profectò Deus per hanc umbram ostendebat vim futuram Deiparæ in igne iræ Dei mitigando, & quodammo-
Exod. 3.
S. Gregor Nyssen.

do homines hortabatur, ut si vellent vim hujus ignis sine noxa effugere, surculos se esse rubi hujus adnitantur, nam sicut tunc flamma illa læsionem rubi surculis non intulit, sic & ira Dei adhærentibus Deiparæ non inferet, mitigante eum potenti Deipara.

Dan. 3.

Missi in fornacem æstuantem tres pueri ab igne non læduntur. Quam ob causam? Angelus descendens fecit in fornace ventum roris flantis. Quare roris Ventum? Pando mysterium, Ignis furorem iræ Dei, Ros Deiparam, significat, sic appellat illam S. German. Const. in Encom. Deiparæ. Non mirum refrigeratum ignem extitisse, aderat ros ibi umbra Deiparæ, Deiparæ vim habentis furorem comprimendi æstuantem. O Virgo ros Cælestis, ros proficue nec me derelinque. Toties quotidie iram Dei succendo delinquendo, sed tu si aderis mihi temperabis, quid dico temperabis? extinguēs iram Dei iustissime contra me luscitantem.

S. German.
Constan.

Lucæ 2.

Peperit benedicta in æternum Virgo Deipara IESVM. Et ecce ligat eum panniculis. Ad quid ô Domina mea, An ideo ne crescat deformiter? non habet in tuo dulci puerulo locum deformitas, cujus Virginea caro à Spiritu Sancto, est pulcherrimè efformata. Alia, alia proculdubio sit ratio est necesse. Quæ? Ligat illum ut ostendat se irati manus ligaturam. Nec mirere, Mater est autoritate illa quâ subditus fuit ipsi, & irato manus valebit colligare, ne sæviat in homines iusta ira ejus. Liga, liga, ô benedicta, in æternum manus ejus, nam quotidie

tidie illum ad iracundiam nos miseri provocamus.

Omitto quòd Sole amicta apparuit, ut colligas vim habere solis iustitiæ temperandi. Omitto quòd in paradiso hyems & venti non sæviabant, quia ubi est paradysus verus Deipara, ibi temperatus est Cæli furor. *Apocal. 12.*

In urbe Goa teste Acoſta furore correptus Elephas Vinculis abruptis diſcurrebat, unus qui puerum infantem bajulabat viſo illo fugam arripuit infante derelicto. Adeſt Elephas omnes mortem infantis præſtolantur, & ecce Elephas leniter attollit infantulum, & in tecto humili collocatum, circumſpectat conſiderans ſatisne puerulus foret ſine detrimento, hoc conſecto curſum ſuum furibundus proſequitur. Interpretabantur homines hoc ideo feciſſe Elephantum quòd fuerat recordatus ſe antea à matre infantuli tranſeundo panem & aliquos fructus accepiffe. Hoc idem & in mundo contingere aſſevero. Erumpit furor juſtæ iræ Dei, deſtat plurimos, ſed ubi offendent aliquem de pupilis tuis, ô Virgo ſuperbenedicta, remittit ſubito iram ſuã, non effundit ipſam tuũ in famulum, ſed potiùs benignè illũ ſuſcipiens in loco collocat tuſſimo. Recordatur enim quomodo tu filio ejus

lac præbuiti, quomodo cuncta necessaria per tot annorum curricula summo cum effectu ministrabas, ac proinde licet in alios furore desæviat, sed pertransit servos tuos, imò complectitur illos peramanter, recordatione obsequiorum tuorum mitigatus. Sitis ô Homines, sitis servi Deiparæ, quandoquidem etiam ab irato Deo tam benigne suscipiuntur & complectuntur.

Ira Dei cum desævit in aliquem Cælum solet occludere, sed Deipara, furore ejus mitigato sategit aperire, imò impetrat clavem ejus. Sit ergo Stella XIX. Nomen ejus quare Clavis sit aurea argumentum Symboli explicabit.



CLAVIS AVREA.
MARIA APERIENS CÆLVM.



HÆC OSTIA PANDET.
ARGVMENTVM.

Imperator ut auidri dat auream clavem aliquibus (claviculariis tales nuncupantur.) Hanc habenti patet aditus ad Imperatoris aliqua cubacula. Nam excubitores visa ella jam nequeunt ab ingressu prohibere.

DIS-

DISCVRSVS.

Clausum Cælum est imò adeò clausum ut nonnisi Violenti rapiant illud. Sed sælix es, ô Homo, cui Cælestis Imperator clavem auream concesserit. Quam? Deiparam, ipsam portans in pectore ad cæli palatium si perrexeris adapertas ejus portas invenies.

Iturus in paradisum Elias priùs, Iordané pertrās-
 4. Reg. 2. siit. Quod mysterium? Iordané priùs adit ut ab il-
 lo clavé paradisi accipiat: Iordanis enim teste S.
 S. Hieron. Hieron. Epist. ad Fabiol. Deiparam significat.
 Dum igitur priùs adit umbram Deiparæ, te in-
 struit ut in Cælum cupiens proficisci adeas Dei-
 parã, nam sine hac clave si progredi præsumpse-
 ris audies quòd fatuæ Virgines audierunt. Nes-
 cio vos.

Moriente CHRISTO corpora Sanctorum sur-
 Math. 27. gentia iverunt in Civitatem Sanctam Hierusalé.
 Ad quid adeunt sanctam Civitatem? secundum
 aliquorum opinionem illa corpora quæ surrexe-
 runt etiam postea cum Christo in Cælum ascen-
 derunt. Suppositâ hac sententiâ en mysterium.
 Illa corpora in Cælum iter apparabant & ideo
 adeunt umbram Deiparæ, ipsam enim adumbrat
 Rupertus. Hierusalem, Ruper. 7. de Div. Offic. 25. attestan-
 te, ut

te, ut innuant nemini præsumendum iter ad Cælum inchoare nisi adeundo priùs Virginem Deiparam, ut ipsa, velut Clavis Cœli, portas aperiat.

Hæc eadem causa cur Christo morienti adstabat Deipara. Iturus enim erat Spiritus Christi ad limbum ut animabus Sanctis aperiret visionis beatificæ paradysum, & ideo abeunti adstat Deipara, ut videamus, quia si ipsa non aderit, non aperietur paradysus. Ioann. 19.

Ezechiel quando erat iuxta fluvium Chobar cælum apertum intuetur. Cur tunc aperiuntur Cæli iuxta fluvium existenti? Flumen significat Deiparam, sic Richard. l. 9. Cùm adstabit tibi flumen benedictum Deipara & portas Cæli cernes referatas; Clavis enim Cæli est Deipara. Ezech. 1. Richard.

Siccitas cùm tempore Eliæ grassaretur, pluvia non comparuit nisi nubecula è mari descendente. Cur è mari? Clausum erat tunc Cælum ne pluvia demitteret, & ideo è mari, umbra enim mare Deiparæ, juxta D. Bonav. in Spec. B. V. clavis ad Cælum aperiendum transmittitur. Vide ergo quomodo clavem Cæli sortita est Deipara. 3. Reg. 18. S. Bonav.

In aqua marina Cælum non solùm conspici-
tur, verùm etiam videtur quasi asservatum. Dic,
obsecro, cur hoc mari attribuerit Omnipotens?
Mare Deiparam adumbrat, teste S. Bonav. in S. Bonav.

Spec. B. V. Quasi ergo te edocet Altissimus, ut si Cælum invenire desideres in mari, in Deipara, illud inquirito. Non solùm enim claves ejus, verùm etiam & ipsum complectitur.

Apud Romanos ut narrat Beyerlinck in Theatro Litt. P. f. 357. Sponsæ in mariti domum introductæ claves tradebantur. Hæ & tibi ô sponsa Regis æterni Virgo Deipara traditæ sunt. Vix comparuisti in orbem terrarum introducta, & illico contulit tibi Omnipotens claves Cæli, unde & tu cælum clausum reserasti, cælum quod volebat demittere Messiam à tot seculis repromissum, aperuisti, inquam, ut liquidò claves cæli collatas tibi cerneremus. Digneris ergo, ô Domina mea & misero mihi benedictum, hoc Regnum aperire.

Potest hîc servire de Alaodino qui dicebat se claves habere paradisi. Invenies hoc in Symbolo 44.

Allaborat hostis clavem hanc auream homini eripere, sed Deipara succurrit & confert victoriam. Sit ergo Stella XX. Nomen ejus Funda, ideo quòd Davidi funda victoriam de hoste Philistæo contulerit.

MARIA VICTORIAM CONFERENS.



VEL PARVULE VINCITO
VINCIVM.

ARGVMENTVM.

Etiam si nescio quàm ferocissimum sit animal si cornua eius arbor aliqua implicaverit, jam vel parvulus victoriam potest de illo reportare. Quadrat Deipara, nam ista arbor benedicta implicat cornua hostis imperetis efficitque ut facile victoriâ potiâmur etiam si viribus sit noster hostis superior.

DISCVRSVS.

Victoria res pulchra, sed difficilis. Pulchra, nam coronam offert victoribus: Difficilis, nam adversarius noster & terribilis est & robustus. Sed macte animo o homo! Si vis inimicum tuum facile superare, roga ut adsit Deipara, ipsa si aderit, jam tenebis in manibus Victoriā: comprobo quod asserui.

Iudic. 6.

Promittens Deus Gedeoni victoriā in signū ejus rorem in vellus demiserat. Quare in vellus? vellus illud Virginem Deiparam adumbrabat secundum. D. Ambr. Serm. 13. de Nativit. Ecce mysterium. In vellere exhibetur signum victoriæ, ut colligas certius non inveniri signum victoriæ quā Deiparam. Ipsā comparente gloriosa consurget brevī victoria.

S. Ambros.

Iosue 3.

Pergens Iosue ad urbē expugnandā noctu movit castra. Quare noctu? Nocti Luna præest. Luna umbra est Deiparæ secundū Richard. l. 4. Tunc igitur castra movet dum luna consuevit præsidere, nunquam enim fas est hostem aggredi præsumere nisi sub patrocínio Deiparæ, Lunæ animatæ. Si enim sub ejus patrocínio perrexeris victoriā proculdubio reportabis.

Richard.

Perse-

Persequitur induratus Pharao Israelem & ecce Exod. 14.
 operit illum mare. Quare non per aliud instru-
 mentum confert Deus victoriam Israeli, sed per
 mare? Mare Deiparæ typus est, sic D. Bonav. in S. Bonav.
 Spec. B. V. bene ergo per mare confert Israeli
 victoriam: nam Deipara, Virgo ipsa est quæ
 reddit nostros hostes enervatos victos & extin-
 ctos.

Eliseus Propheta Regi Israel mandaverat ut 4. Reg. 13.
 sagittas, per fenestram orientalem contra Sy-
 riam dirigeret. Quare per fenestram, vel non po-
 terat victoriam reportare nisi fenestram aperiret?
 Ita sanè prophetabat Eliseus missionem illam
 sagittarum victoriam de Syris portendere: Ergo
 ideo per fenestram dirigendæ. Non aliter ô Ho-
 mo, non aliter. Nam fenestra Deiparæ typus est S. August.
 juxta S. August. 15. de Temp. & meritò, nam per
 illam ad nos ingressa est lux vera de Cælo CHRIS-
 TVS DEVS. Qui autem vult reportare victoriam
 dirigat sagittas suas per Virginem Deiparam est
 necesse, hoc enim si fecerit proculdubio victor de
 hoste triumphabit.

David cupiens victoriam de Philistæo reporta- 1. Reg. 17.
 re, fundam arripuit. Quare non gladium non alia
 arma magis metuenda? Per fundam Deiparam
 interpretari si conabor non errabo, ex illa nam-

que lapis ille exivit Christus, qui gigantem prostravit infernalem, ergo ideo arripuit fundam typum Deiparæ, nam si totum terrarum orbem lustrando percurreres, arma invenire non posses tam valida, sicuti est valida terribilis ut castrorum acies Deipara, ad fundendos fugandosque hostes fortissimos. Ac proinde cum adversus hostes progredieris prima sint arma tua Deiparam, obsecrando assumere.

Cn. Pompeius adversum Mithridatem pugnaturus aciem sic instruxit teste Fron. lib. 2. cap. 1. ut Ponticorum quidem oculos adversa Luna perstringeret, suis autem illustrem præberet hostem & conspicuum. Suadeo & ego tibi, ô Homo, dum ad pugnam cum tuo capitali procedis inimico, annitaris prius adversam hostibus reddere Deiparam, Lunâ pulchriorem, si enim hæc Luna tibi propitia, & adversa fuerit hosti tuo, proculdubio victoriam de hoste tuo solennem, idque facile reporta-
bis.

Homini non sufficit ut ira Dei, quæ adversus ipsum exarserat mitigetur non sufficit ut clavem Cæli, recuperet non sufficit ut victoriam de hoste clavem eripere satagente consequatur: Indiget quoque ut peccata quæ quondam patra-
verat

verat à Divino intuitu abscondantur. Abscondit
Deipara, & abscondit, remissionem impetrando.
Sit igitur Stella XXI. Nomen ejus Nebula sit,
nam nebula res abscondit.



NEBU-



VT PVLCHRIS FOEDA TEGANTVR.

ARGVMENTVM.

Cum aliquis vel offert vel vendere vult poma in canistro, solet in fundo viliora, in proparulo pulchra & grandia collocare. Hoc ideo ut vilia pulchris obtegantur aliàs nihil aestimanda. Quadrat Deipara; cum etenim animam peccatoris offert Deo ejus abscondit seditatem pulchris intercessionibus ipsam obtegendo.

DIS.

DISCVRSVS.

Libenter Dominus poma sumit, unde Sponsa *Cant. 5.*
 Cant. 5. Veniat dilectus meus, & comedat
 fructus pomorum suorum: Et iterum Cant. 7. *Cant. 7.*
 Omnia poma nova & vetera dilecte mi servavi ti-
 bi Quæ sunt ista poma? Homines. Verum dixi,
 nam mors uncinus pomorum appellatur juxta il-
 lud Prophetæ, uncinum pomorū ego video. Po-
 ma igitur sunt homines, sed heu turpia sunt hæc
 poma & putrida, nam quis sine peccati putredine
 invenitur? ac proinde nec digna sunt ut à mundis-
 simo & pulcherrimo Deo acceptentur: Sed ma-
 cte animo, Virginem invenio sapientem, ô verè
 sapientem, incarnatam enim sapientiam proge-
 nuit. Hæc inventiosa Virgo modum adinvenit
 fœditates pomorum obtegendī, nam vel illa con-
 decorat suis intercessionibus speciosis vel pomis
 paradisi cælestis gratiæ impetratæ admiscet. Age
 non confingo, en comprobo.

In principio terra aquis circumcincta tegeba- *Gen. 1.*
 tur. Si Deus decreverat ut terra appareret aquis
 denudata cur à principio aperta nō extitit? Inanis
 erat & vacua adhuc terra, inanitatem, vanitatem
 peccatoris repræsentans & ideo aqua per quam
 O signa-

Richard.

signatur Deipara, Rich. l. 9. afferente, tegit ejus & veluti abscondit nuditatem, ut jam tum ab initio homini peccatori Deus ostenderet, Virginem Deiparam libenter vilitatem ejus obtegere. Et sanè feliciter obtegebat. Nam spiritus Domini super aquam volitando, volitabat consequenter super terram aquis tectam, ac si turpem terræ inanis nuditatem non adverteret.

Levit. 16.

Summus sacerdos in sancta sanctorum perreturus fumum incensi præmittebat. Quam ob causam? Sacerdotibus dictum erat: Sancti estote, quia ego sanctus sum. Et quia metuebat ne aliqua in ipso inveniretur labecula ideo fumum præmittit incensi, quod juxta Rich. l. 12. typus erat Deiparæ. Ipsa enim est mediatrix summo studio allaborans, ut peccati labes contegantur.

Richard.

Hoc addo & bene expendito, ex mandato Domini incensum præmittebat, fortè jam nos Dominus admonebat, ut in Dei conspectum prodituri, Deiparam invocemus. Ut veniens nostram tegat pravitatem, ne nauseam provocet Deo nostro.

Lucæ 23.

Dignum magno stupore est illud Salvatoris in Cruce positi alloquium: Hodie mecum eris in paradiso, nam vix justissimus talibus esset verbis compellendus, non latro, qui peccata patravit innumera: sed in promptu respõsio. Adstabat huic latroni Deipara & ideo peccata ejus absconsa

sunt, nè quasi à Domino videantur, cuncta in gratiam matris suæ latroni condonante prava facinora. O Virgo Domina mea digneris & mihi peccatori in hora mortis meæ assistere, profectò hoc eodem, & solabitur tuus natus alloquio, Hodie mecum eris in paradiso.

Moriens Ioseph posteros obtestatur ut in terram Gen. 50. promissionis perrecturi asportent secum ossa ejus. Cur exoptabat in terra promissionis sepeliri? per terram promissionis signatur Deipara teste S. Aug. Ser. 100. de Temp. Et quoniam August. Ægyptum gubernabat & gubernando res est difficilis ut macula peccati nō adhæreat, ideo in terram promissionis cupit deportari, ut si quidpiam in ipso inveniretur laberculæ terra promissionis tegetet & absconderet.

Dilectus Deo & hominibus Moyses Dent. 33. moriturus faustas benedictiones omnibus tribubus impertitur: stupeo quòd etiam benedictionem dat faustam Rubenitis. Stupeo, nam quomodo peccati Ruben à quo Rubenitæ velut à stipite descendebant non recordatur? Et præcipuè cùm & ipse progenitor ejus Iacob dixerit Ruben moribundus, Effusus es sicut aqua? Aperio mysterium. Sed Dominum laudibus extolite quod nobis tam benignam providerit Deiparam.

S.Hieron.

param . Rubenitæ mansionem circa Iordanem elegerant, per quem designabatur Virgo Deipara, juxta S. Hieron. Epist. ad Fabiol. Non miremur ergo Moysen patris illorum peccati non recordari, nam Jordanis circa quem mansionem defixerant abscondit scelus illud. Et hæc quoque causa cur omnibus tribubus effuse benedicat, licet ipse progenitor illorum Iacob fecerit contrarium, nam ad terram promissionis jam accedebant ad figuram Deiparæ, juxta S. August. Serm. 100. de Temp. Qui enim ad colendam accedit Deiparam, jam scelera ejus nititur abscondere.

Narrat Lucianus adversus indoctum quendam opulentum in Asia cum per nivem iter suscipiens pedes amisisset infelicitatem solari cupientem ligneos pedes sibi adaptasse, crepidisque pulcherrimis ac semper recentibus investisse, atque ita inter famulorum manus ambulasse. Tegebat iste industrius pedes ridiculos. Sed tua, ô Virgo Deipara, longè ingeniosior est inventio. Decoquit animæ nostræ pedes frigus peccati tyrannicum, ac efficit ut anima omnium gratiâ abscedente non vivi sed lignei appareant. Sed tu accurris sollicitè, erumpentem obtegis fœditatem & efficis ut non solum fœda lateat turpitude, verum
etiam

etiam ut pedes compareant redivivi, gratiâ iterum impetratâ quam perdiderant.

Plura ultra prædicta sunt homini necessaria, providet illa Deipara, sit ergo Stella XXII. Nomen ejus Procuratrix.



PROCVRATRIX.

MARIA PROVIDENS NECESSARIA.

*Joan. Thomas delin.**Asomans sculp.*

EST PROVIDO CVRA COMMISSA.

ARGVMENTVM.

Arbores foliis fructibusque in hyeme licet se cernerent destitutus, si pollerent intellectu, minimè tristarentur, nam tempore opportuno scirent solem cuncta provisurum, unde & responderent obiiicienti inopiam, sat provido cura commissa Quadrat Deiparae, ipsa Sol, Nos arbores, sed gaudeamus & exultemus, cuncta nobis hic Sol necessaria providebis, dummodo in nobis oriatur.

DIS-

Proprietas hominis est inanitas & vacuitas, Gen. I.
nec mirum, de illa enim est plasmatus, de qua
dicitur: Terra autem erat inanis & vacua. Vis o
terra necessariis abundare, porrigo consilium. So-
lem Deiparam, in tui cordis cælum advocato.
Ipsi tui cura si fuerit demandata cuncta necessaria
idque suo tempore, tibi providebit. Addubitas? ad
sensum manifesto.

Volens vitæ mortisque dominator Isaacum Gen. 22.
unicas patris delicias suæ majestati à parente im-
molari, mandat super unum montium hoc per-
agi. Cur super unum montium non alibi? sta-
tuerat optimus Dominator ut loco Isaaci aries
offerretur, & ideo locum in monte designavit. Et
quid inde? Sanè multum, nam ad liberationem
Isaaci & ad sacrificium loco ejus peragendū aries
opus erat, & ideo in montem Abraham dirigitur,
ut mons rem, qua indigebat, provideret. Per illum
namque montem secundum Richar. lib. 8. senten- Richard.
tiar. Deipara signabatur. Cui certè proprium est,
ut necessaria cuncta convenientibus se provideat.
Et videte quòd Abraham non solùm arietem in
illo monte necessarium invenerit, verùm & hære-
tem cornibus, ut laborem non susciperet capien-
do fugientem. O mira Deiparæ providentia, quo-
modo & necessaria subministrans, & quasi sine
ullo labore capienda. Expo.

4. Reg. 5.

Exposcebat Naaman suam ab Eliseo lepram emundari. Quid Propheta? jubet ut pergat & abluat se in Iordane: Ad quid illum dirigit ad Iordanem, an Apotheca vel Medicinæ morbo depellendo proficuæ latitant in Iordane? Ita sanè, omnia necessaria inveniri in Iordane est necesse.

S. Hieron.

Nam per illum adumbratur Deipara, D. Hieronymo Epist. ad Fabiol. attestante. Ad Deiparam, qui se contulerit, si infirmus medicinam, si trepidus auxilium, si tristis lætitiā, si indigus cuncta necessaria provisā inveniet: Sic cuncta providere nititur Virgo adeunti.

Gen. 6.

Injunxerat Noëmo Omnipotens in arcam cibos tam pro suo quàm pro animantium usu comportare: Annoto & colligo latitare in hoc aliquod mysterium, nam quamobrem expressè ciborum comportandorum admonuit? vel tam rudis aggressisque Noë erat, ut nesciret cibaria in tam longum tempus comportanda. Omnino, omnino, in hoc latitare mysterium est necesse.

Efychius.

Quod igitur? Volebat Dominus ostendere Arcam per quam Deipara, juxta Hesychiū Serm. 2. de S. Deip. designatur, sic providam existere, ut etiamsi cerneret necessaria gubernatorem provisorum, tamen adhuc ad providendum instigaret. Nec mirandum, cujus enim cordi est aliquid impressum

impressum impensius, etiam diligentem imò apparentem perurgeat ne rei obliviscatur apparandæ. Benedicta sit providentia ejus tam sedula & sollicita.

Suadens mulier Sunamitis viro suo ut Elisæo Prophetæ hospitium præpararet, sic ait 4. Reg. 4. 4. Reg. 4. Faciamus ergo ei cænaculum parvum & apponamus ei in eo lectulum & mensam & sellam & candelabrum &c. Ad quid ista expressè, etiam minutula apparanda, exempli causâ candelabrum enumerat? nam dixisse certè satis esset: Præparemus ei hospitium seu cubiculum? Per illam Sunamitidem designatur, Deipara, sic Richar. l. 5. Richard. Iam igitur non admiror ita circa minutula sollicitam, Virgo enim Deipara, nimis est sollicita ut nobis minima etiam necessaria magno cum effectu provideat.

Tempore grandis illius famis quæ Israellem presserat diutiùs, mittit Deus Eliam ad viduam. 3. Reg. 17. Quare, obsecro, ad viduam pauperulam, nam potiùs ad divitem cibariis abundantem erat transmittendus. Per viduam illam possumus intelligere Virginem Deiparam, ita Richar. de S. Laurentio lib. 6. de Laud. Virgin. Richard. Ergo bene ad viduam Prophetæ dirigitur, ut vidua illi victum necessarium ad vitam sustentandam provideat, nam

ad hoc deputata est Virgo Deipara, ut omnia necessaria recurrentibus ad se provideat solite.

In insula Zebut arbor cui nomen Coccus velut promptuarium quoddam invenitur, nam ex ejus trunco navigia, ex ramis funes & vela, ex aliis partibus malum, clavos, ac remos conficiunt, ut narrat Majolus Colloq. 21. ex variis authoribus. Imò ex eadem quoque arbore Saccharum colligitur & oleum secundum Ludov. Barth. rerum Indiar. l. 2. cap. 15. Imò ex ipsius stipite, teste Petro Hesp. in Sylva p. 5. c. 17. stillat humor aqueus ad bibendū suavissimus; in fructu ejus, qui similis est peponibus, succus est butyro persimilis, qui postea vertitur in oleum, aquæ superfusus videtur Saccharum, soli expositus fit acetum. Tot res utiles & necessarias hominibus unica hæc arbor subministrat. Sed video ego adhuc arborem magis mirabilem. Te video, ô Deipara Virgo, tu verè una innumera suppeditas. Quidquid enim homini est necessarium in spiritualibus, in temporalibus, tu pia universitatis procuratrix provides & provides in magnâ ubertate, studeamus igitur dilectissimi, ut hanc arborem benedictam in nobis plantatam habeamus. Nam profectò quidquid necessarium possumus concipere totum nobis suis

suis precibus benedicta hæc arbor providebit.

Dum abutitur homo necessarijs iterum quærit illum flagellum iræ Dei. Abscondit ab illo Deipara, sit ergo Stella XXIII. Nomen ejus sit Latibulum.



LA TIBVLVM.
 MARIA ABSCONDENS
 A FLAGELLIS.



Joan. Thomas delin.

A. Loomans sculp.

SVB TVVM PRÆSIDIVM.
 ARGVMENTVM.

Mergulus cum adesse rapaces aves adverterit cursu perceleri in aqua se abscondit, sicque mortem evadit incolumis. Quadrat Deiparæ, dum flagellum adesse suspicamur in illa abscondamur & plagas evademus.

DIS.

DISCVRSVS.

Homini, nam & ipse homo sum, condoleo. In quo? semper video. Flagella congregantur in eum iuxta illud: Multa flagella peccatoris. *Psal. 31.* 31. Do consilium, si vides adventare flagellum confugito ad illud tabernaculum, de quo dicit idem Psalmista *Psal. 26.* Quoniam abscondit me in tabernaculo suo, in die malorum protexit me in abscondito tabernaculi sui. Dico clarius sed simul tabernaculum hoc benedico, confugito ad Virginem Deiparam ipsa te abscondet à flagello.

Cùm Dominus extulisset flagellum, flagellum siccitatis & famis contra Israelem ait ad Eliam *3. Reg. 17.* abscondere in torrente Carith, qui est contra Iordanem &c. Cur non in alium locum dirigitur ad latitandum? Volebat Dominus abscondere Eliam ne flagellum famis duræ cunctos tunc feriens & ipsum invaderet, & ideo deducitur ad locum tutissimum, ad locum in quo homines à flagellis absconduntur ad torrentem quem Iordanis respectabat. Non enim potest contingere ut Iordanis aliquem respiciat & à duro flagello non abscondat, per Iordanem namque Deipara signatur, ut toties ex S. Hieronym. *Epi-*

S. Hieron.

ftol.

stol. ad Fabiol. retulimus. ô Homo, mihi crede, si flagellum in cunctos desæviat, si orbem peste, fame, vastitate, morbis populetur, ad te in medio illorum habitantem non accedet, si te Iordanis benedictus, Virgo Deipara, respiciet. Imo etiam si te inquirat flagellum diligenter, non inveniet, nam benignum hoc latibulum suis intercessionibus te abscondet.

Iosue 2.

Miserat exploratores Iosue ut urbem Iericho perlustrarent **Quid** tum? Res mira, diligenter illos incolæ investigant ad supplicium, imò mirabilius mulier infamis illos occultavit: certè hoc ruminans obstupesco, nam mulieres garrulæ sunt secretum nequeunt abscondere. Quomodo igitur incolumes conservantur? Sed causam incolumitatis invenio. Erat in Iericho Rosa umbra Deiparæ, & ideo non mirum à flagello mortis evidentis absconditos, devenerunt enim in illum locum in quo umbra fuit Deiparæ, ô utinam & me abscondas, ô Domina mea misericors.

Eccles. 24.

Multa habet nomina Deipara, inter alia etiam Nebula appellatur juxta illud: Et sicut nebula texi omnem terram. Cur rei tam vili comparatur preciosior cunctis Virgo? Cùm nebula con-surgit animalia sunt secura, nam à venatorum tendiculis absconduntur. En mysterium. Flagella velut

la velut venatores hominem peccatorem insequuntur, sed es fortunatus, ô peccator, si exurgat tunc temporis nebula Virgo Deipara, abscondet te neab horum conatu venatu capiaris.

Fugiens David Absalonem 2. Reg. 15. ascen-^{2. Reg. 15.} debat in montem Olivarum. Quare non ad aliud refugit præsidium? Evibraverat Dominus flagellum contra David, persecutionem dilecti filij permittendo, & ideo abscondi desiderans, montem adit Olivarum. Mons. enim Olivarum umbra est Deiparæ juxta Rich. l. 8. Deiparæ à flagellis homines abscondentis. Et videte quàm efficaciter abscondat Deipara. Dabat Achitophel consilium nervosum Absaloni contra David, sed & consilium extinctum est, & flagellum omne Absalone fugato ac occiso brevî evanuit. Quàm igitur potens in abscondendo Deipara. Richard

Denuntiabat Dominus per Eliam Achabo 3. ^{3. Reg. 21.} Reg. 21. flagella durissima, eò quòd vineam Naboth abstulisset. Quid Achab? Demisso capite ambulavit. Et ecce Dominus ad Eliam nō inducā malū in diebus ejus sed in diebus filij sui. quomodo? adeonè efficax est illa capitis demissio, ut cohibeat flagella Dei jam denuntiata per Prophetā & transferat illa in posteros? Qui ambulat capite demisso terrā respicit, en ergo mysteriū. Terra
Deipara

Deipara dicitur, juxta illud: Aperiatur terra & germinet Salvatorem. Et insuper sic appellat illam

S. August. August. in Psal. 64. Non admiremur ergo flagella in eum non deservire qui respicit Deiparam. Nam hæc terra benedicta vim accepit à flagellis abscondendi.

Iob 1. Hæc eadem causa cur S. Iobo dura illa flagella non nocuerunt (nam de illo dicitur, in omnibus his non peccavit. Iob. 1. quia adoravit quasi confugiens sub patrociniis terræ umbræ Deiparæ, ut spiritum ejus à læsione duri sanè flagelli absconderet.

Hæc eadem causa cur tempore affligentis flagelli cujuscumque ad Cælum & oculos & manus attollimus, ut Cælum typus Deiparæ ab illorum impetu nos subducatur.

Glaucus piscis teste Æliano l. 1. cap. 16. de animal. sic diligit fœtum suum, ut ubi conspexerit quempiam ex illo trepidantem statim ore hiante parvulum excipiat nec revomet nisi timore recedente, sed major tuus affectus resplendens in famulos ô Deipara Virgo, simulatque enim aliquem advertis formidantem, eò quòd flagellum Dei cernat adventare, illico occultas absconditum, nec à tuo dimittis patrociniis donec timor omnis evanescat flagello recedente.

Sunt

Sunt aliqui ita duri, ut nec flagellis ad DEVM pertrahantur, neque tales negligit Deipara, sed conatur illos precibus suis allicere, sit ergo Stella XXIV. Nomen illi demus Annulus: Quare autem? Vide Symboli argumentum.



Q

ANNV:

STELLA XXIV.
ANNVLVS.

MARIA TRAHENS AD DEVM
ANIMAS.



Jean Thomas delin.

Arcmanni sculp.

VEL TOTVM ATTRAHET ORBEM.
ARGVMENTVM.

Narrat Petrus Berchorius Reduct. Moral. l. 10. cap. 29. Gemmam Lipaream ita gratam animalibus existere, ut consueant ad eam inuendam, unde venatores cum aliquam feram capere non sufficiunt illi ostendunt gemmam lipaream, & subito accurrunt qua nuper fugitabat. Quadrat Deipara, nam per illam multae ferae, peccatores nimirum, ad Deum attrahuntur.

DIS-

DISCVRSVS.

DElectatur Dominus venatione ferarū, hominum nempè peccatorum, sed feræ insensatæ diffugiunt ab illo, à quo qui fugerit ad mortem currit ad laqueum. Et quidem varias artes ad capiendas has feras excogitat, nunc flagellis, nunc interiori dulcedine instillata attrahendo, sed per sæpe his potius obdurantur quàm mollescunt. Sed benedicta sit omniscia sapientia ejus, modum efficacissimum ad capiendum adinvenit. Quem? Gemmam Lipaream, Virginem Deiparam, illa exhibita, feram nescio quam sylvestrem brevî adductam captivabit. Tantisper aperio.

Ad natum Salvatorem Stella Magos traxit. Matth. 2.
 Quare non Angelus sed Stella? Stella illa Deiparā significat, ita S. Bonav. in Spec. B. V. Stellæ ergo cōpetebat Magos adducere ut Deiparam, ad trahendum destinatā cerneremus. Imò neque illud prætereo Magos primitias gentiū per typum attractos Deiparæ, ut cūcta recognoscat Ecclesia se nimiū obligatā esse Deiparæ, cujus ductu subdidit se Salvatori morum gentiliū feritate depositā. S. Bonav.

Tanto cum labore à diluvio præservata Noë animalia, jam educta Domino immolavit. Gen. 8. Res hæc certè provocat ad stuporem, nam hominem rem quampiam cum labore ab interitu præserva-

tam diligunt impensius. Quomodo igitur cor Noë non scinditur animalia recenter conservata immolando, & præcipuè cum ab illo id Dominus non exigat? Fateor in aliis hominibus multis vim hanc effectum habituram, sed non in Noëmo, mansit enim in arca quæ typus erat Deiparæ, ut testatur D. Bonav. in Laud. B. V. & ideo affectus ejus, à transitoriis est abstractus. Non enim est possibile ut aliquis maneat in umbra Deiparæ & effectus ejus avulsus ab omnibus soli Deo non adhæreat, tam potenter trahit feras affectuum Deipara.

Exod. 35.

Exodi 35. prompto animo mulieres annulos, inaures & alia pro arcæ fabrica obtulerat. Quomodo prompto animo? Nam notum est cuilibet mulieres ornamenta sua ægrè distrahere, dicant cultui Divino pecunias, sed propria ornamenta sic diligunt, ut in pauperiem inducant, viros suos, extorquendo indies nova ornamenta. Ita fateor mulierum affectum in ornamentis mersum esse, sed mentio arcæ, quæ, teste Ildefon. Serm. 1. de Assumpt. omni tractu est fortior. Tantæ enim efficacix est vel mentio Deiparæ, ut effectus tenaciter adhærens rebus vanis, subito se permittat captivari, & omnibus spretis abjectisque soli Deo colla subdat. Benedicta sit tam potens in attrahendo arca viva Deipara. Si

Ildefon.

Si aliquando somnus est gratissimus certe dum incipit luceferi, & tamen tunc præcipuè cōsurgunt aviculæ, & somno derelicto modulantur. Quid tam validum tunc comparet, vt avulsus à sopore suavissimo ad cantum auspicandum exsuscitet? Aurora tunc exoritur typus Deiparæ, teste D. Bernar. Serm. 33. in Cant. & ideo gratum aviculæ soporem derelinquunt. Nam ubi comparuerit aurora, aurora Deipara, jam affectus linquunt sua latibula, & egressi Deoque adhærentes in laudem Dei effunduntur. Hanc eandem quoque causam assignarem, cur seduli literarum cultores mane surgant soporemque intermittant, ac abrumpant, sapientia namque typus Deiparæ, illorum Cor avellit à sopore, ut hinc colligamus, vim habere Deiparam ad effectus à quocunque dulci avellendos.

S. Bernar.

Redeuntes Rubenitæ Gaditæ, & dimidia tribus Manasse ad terram promissionis Iosux 22. ædificant Altare miræ magnitudinis. Cur primū quod aggrediuntur venientes in terram suæ possessioni attributam est altaris extructio, potius enim ad rem familiarem propagandam, ad agros impensius excolendos se conferant, postmodum construendi altaris fabricam ordiantur? Videte mysterium simul vim Deiparæ. Ita est confiteor,

Iosux 22.

S. Hieron.

affectus humanus prius se contulisset ad rem familiarem propagandam. Sed Iordanis visus, umbra Deiparæ, ipsa enim per Iordanem, S. Hieron. Epist. ad Fabiol. attestante, designatur, avulsit à terrenis sicque traxit ad Deum, ut cultum ejus omnibus cæteris præponeret. O Domine Virginis hujus sanctissimæ quomodo felicem vim exeret, ut discolos affectus istos, feras trahat ad te.

Lutra in Suecia teste Olao l. 8. c. 12. adeo fuit obediens ut ad nutum coqui piscatum proficisceretur, ejusq; magnitudinis ferret pisces quales coquus insinuaverat. Imago tua, ô Virgo Deipara, circumfert hoc animal. nam profectò Deus omnipotens te elegit ut capias & portes homines velut pisces in his vitæ præsentis undis fluitantes. Et sanè feliciter obis injunctum hoc officium; nequit enim inveniri homo tam discolus quem subito non adducas, à Deo ad capiendum illum expedita. Obsecro ad me quoque egredire capiendum, profectò non manebit cor meum ita à Domino elongatum.

Et attracti ad Deum permittuntur nonnunquam in morbos incidere. Alleviat illorum dolores Deipara. Sit ergo Stella XXV. Nomen ejus sit Cataplasma.

CATA-

CATAPLASMA.

MARIA DOLORES ALLEVIANS.



ALLEVIABIT.

ARGUMENTVM.

Innatum est homini ut ictu accepto manum admoveat, nec in vanum; nam alleviamentum experitur. Hoc facit statim quoque dum patitur, vel capitis dolorem, vel stomachi, vel torsionum cruciatu. Quadrat Deipara, nam manus est, Bernard. de Busto attestante, hanc si Deus applicat patienti proculdubio dolor ejus levabitur.

DIS.

DISCVRSVS.

MVndus iste hospitale est redundans infirmis, & graviter dolentibus: Nam & malos cruciat conscientia sauciata, & iustos durum vitæ præsentis torquet exilium. Sed mactæ animo providit Deus manum medicam velut Cataplasma Virginem Deiparam: Et jure Virginem Deiparam manum appellavi, manum, nam per illam dona cælestia porrigit Omnipotens, per illam protegit ab hostibus, per illam attollit in sublime. Iure ergo manus est. Sed quod sit etiam manus medica dolores allevians cognoscite.

1. Reg. 16.

Quando malus spiritus Deo permittente per melancholiam Saul cruciabat, veniebat David & Cytharam pulsans dolorem mitigabat. Duo discutio. Primum. Cur non alius Cytharædus requiritur sed David? Patulum est, patulum mysterium, de Davidis styrpe proditura erat Virgo Deipara, Virgo vim ad compescendos dolores sortitura, & ideo ut hoc præsignetur, vis etiam collata patri ejus. Alterum est, cur non alio dolor ille instrumento musico delinitur, sed cytharâ? Per Cytharam piè poterimus asserere Deiparam designatam, erat enim & concava ob humilitatem

militatē admirandam & fidibus ordinatis, nempe virtutibus, conspicua suavem Harmoniam cientibus, & ideo Cythara dolores alleviat, ut videamus Deiparam, lenituram torquentes nos dolorum cruciatus.

Curiosius investigo: Cur dolentes & afflicti, in terram sese jactitabant; Per istud ostendebat Dominus remedium ad dolores mitigandos, ut nimirum homo pressus cruciatu confugiat ad Deiparam, illa enim per terram, utpote quam sic Isaia 45. Spiritus Sanctus nuncupavit per Prophetam, aperiat, dicens, terra & germinet Salvatorem, designatur.

Et durior paupertas & charorum amissio liberorum cor Noëmi vehementi cruciabatur dolore: alleuiatur attamen non modicè, propterea quòd Ruth Moabitis ipsi adhæserit. Ruth quem adumbrat? Te ô suavissima Virgo Deipara, non ego sed tuus ardens Bonaventura in Spec. B. V. M. S. Bonav. sic te appellavit. O felix cui tu per pietatem adhæseris, doloribus undequaque illatis torqueatur, minuentur profectò & alleviabuntur per te ô Ruth superbenedicta.

Premebatur dolore gravissimo Isaac Gen. 24. Gen. 24. mortem Saræ parentis suæ conspiciens, vadit ad meditandum in agro. Cur egreditur, nam potius

R

sumet

sumet ex solitaria deambulatione incrementum
mœstitudo ? sumet sed mitescet, iuit enim ad agrū
ad typum Deiparæ, ipsa enim est ager benedictus,
qui genuit nobis panem de Cælo verum Chri-
stum super omnia benedictum. Et insuper sic ip-
sam Richard. Cultor eximius nuncupavit. l. 8.
Ergo dolor minuetur viso tātummodo hoc agro
benedicto.

Isaiæ 28.

Ægrotanti graviter Ezechiæ Isaias Propheta
massam de ficis cataplasmatam ulceri applicuit.
Quare non alterius speciei cataplasma ? Per ficus
adumbratur Virgo Deipara teste Richardo à S.


Richard. l. 2.

Laur. l. 2. bene ergo, bene massa hæc applicatur,
vim enim sortita est Deipara comprimendi cun-
ctos dolorum cruciatus.

Apud Indos vigere hanc superstitionem te-
statur Ramusius l. 3. Hist. ut in ægrotantium fa-
ciem insufflent simulantes se eos à malo liberatu-
ros. Vanum istud est & frivolum, nam halitus ille
nec tollendi, nec minuendi doloris vim retinet.
Tuus favor ô Virgo superbenedieta vim istam
obtinuit, tu enim infirmos servos tuos visitas &
dolores illorum tanquam pia Mater benignè al-
levias. Non ex me habeo quod assero, legi enim
quod Maria Ogniacensis, ut est apud Surium
23. Iunii, viderit te ô Virgo sanctæ cuidam viduæ
assistentem

assistentem decumbenti & quasi flabello quodam
caloris æstum, quo torquebatur, humanissimè
temperantem. Allevia & in me ô Deipara, Virgo
& Domina mea morbum illum, quem concupi-
sentiæ pravæ exsuscitant, ut semper gratissimum
gratissimæ protectionis tuæ refrigerium experiar.

Incidunt attracti ad Deum non solum in do-
lores, incidunt & in febres animi æstuantes, urun-
tur enim aliquando æstu concupiscentiarum,
alleviat & talem morbum Deipara. Sit ergo
Stella XXVI. Nomen ejus sit Vmbraculum.



VMBRACVLVM.

MARIA REFRIGERANS AB ÆSTV.



HVC FESSA MEMBRA
RECVRRENT.

ARGVMENTVM.

*In hortis edificat homines umbracula, sub quo, æstu adurente,
membra refocillent. Quadrat Deipara, ad hoc enim provisã
est hominibus ut sub umbra ejus ab æstu refrigerentur.*

DIS.

DISCVRSVS.

Hortus pulcher & artificiosus est mundus iste, in se mundus, immundus ob immundos, sed heu æstus in illo continuus, æstus concupiscentiæ, æstus omni æstu molestior; sed erigite animos, construxit Deus pulchrum umbraculum Virginem Deiparam ad illam recurrite omnes fetsi, vos sentietis ab æstu relevatos. Rem aperio.

Sub diluculum etiam æstivis diebus tempus est frigidius. Quam ob causam? Tunc temporis exoritur aurora. Et quare hoc privilegium aurora obtinuit ut ad ejus exortum refrigerium oriatur? Aurora typus est Deiparæ, sic D. Bern. Serm. S. Bernard. 33. in Cant. ideo ergo conlurgente aurorâ refrigerium confurgit, ut inde colligas Virgini Deiparæ competere refrigerium fetsis apportare. Si igitur & tu æstu pressus cupis respirare, aspira ad auream auroram Deiparam, hanc invoca, hac confurgente, confurget alleviamentum salutare.

Nec illud caret mysterio quod in templo cernamus vicens refrigerium gratissimum. Cur igitur? Ildefon. Templum Deiparæ typus est. Sic appellat illam Ildefon. Serm. 7. de Assumpt. ubi est templum hoc benedictum ibi necesse est esse refrigerium gratissimum.

Inter alia Cæli officia, etiam hoc deprehendo vapores extrahere. Quam ob causam hæc qualitas cælo est indita? Vapores extracti atque ad mediam aëris evecti regionem, in nubes, in pluvias concrefcunt, quæ postmodum ferventis æstus Solis refrigerant. Iam dissolutionem teneo quæstionis, Cælum Deiparæ imago est. Sic appellat illam S. Germ. Const. in Psal. 44. Non desistit hoc sacratum Cælum grata refrigeria efformare, & anniti, ut ferè emortua facies uesti orbis releve-
tur & recreetur.

S. German.
Const.

In montibus præaltis, nives etiam nescio quàm ferventissimo tempore perseverāt. Philosophicā hujus rei non indago rationē, sed curiosiùs forsan inquirō, quare providentia Divina, cujus nutu & ordinatione hæc peraguntur, in mōtibus nives fecerit permanentes? Nix refrigeriū designat; Mons
verò juxta S. Greg. in 1. Reg. 1. Deiparam adumbrat. Hæc igitur est ratio cur nives in montibus, Deo disponente, perenniter asservantur, quia mons Domini benedictus, Virgo Deipara tenet semper refrigerium gratissimum, quod ab æstu mundi hujus conquassatos refocillet.

S. Gregor.

Exod. 16.

Quando cadebat manna Exodi 16. cadebat in similitudinem pruinae. Quare in similitudinem pruinae? Manna secundum S. Ambrosium in Ps.

S. Ambros.

21. Signi-

21. significat Deiparam. Pruina verò secundum S. Aug. super Psal. 118. significat refrigerationem concupiscentiæ. Manna ergo in similitudinē pruinæ delabitur, ut cognoscas Deiparam refrigerium secum apportare.

S. August.

Refert Plinius lib. 31. c. 3. Neronis inventum fuisse aquam decoquere vitroque demissam in nives refrigerare. Continuo tu ô Virgo superbenedicta præstas idem. Vivimus miseri in hoc mundo lassati æstu ejus assiduo, urunt enim nos concupiscentiæ pravæ, sed ades tu servis tuis & gratâ nivem patrocinii tui efformâs lassos refrigeras, & ne periculosum incurrât deliquium, porrecta hac nive succurris, efficiisque ut fessa illorum membra respirent, vires resumant, & vegeti ac firmi iterum permaneant. Noli ergo ô Virgo, noli manū tuam benignam, & à me subtrahere, porrigat mihi obsecro hanc nivem, ut illa refocillata mens mea, integra & robusta unigenito tuo Domino meo tota fortitudine semper inserviat.

Qui infirmantur & laborant prædictis febribus aliquando occulto Dei judicio, semper tamen justo, mori & à gratia excidere permittuntur. Procurat illos suscitare Deipara, sit ergo Stella XXVII. Nomen ejus sit Sepulchrum vivificum. Quare autem? vide in Symboli argumento.

SEPVL-

SEPVLCHRVM VIVIFICVM.
MARIA A MORTE RESVSCITANS.



IN TE REVIXI.

ARGVMENTVM.

Musca teste Isidoro lib. 12. Cap. 8. Quando suffocatur in aqua si reponatur in cineribus reviviscit: Quadrat Deipara, nam homo suffocatus in peccatis, ubi illi commissus fuerit reviviscit resurgens à peccato. Quadrat & vas plenum Cineribus Deipara, tota enim erat plena humilitate, cujus cinis typus est.

DIS-

DISCVRSVS.

Sepulchra extruunt multi magnifica in terra, in aëre, quæ tegunt quidem cadavera, verùm à corruptione non præservant. Sed invenio ego locum quendam, in quo si mortuum sepelias non solum corruptionis vim evasisse, verùm etiam vitæ cernes restitutum. Hic locus benedicta est Virgo Deipara, non enim mentitus est ille, qui in persona ejus dixit: Qui me inveniet, inveniet vitam. Sed ostendo.

Quando mors improba puerum Sunamitidi 4. Reg. 4. surripuit, Elisæus Propheta tunc in monte Carmeli morabatur. Quare & utique providentiâ ordinante tunc Propheta futurus parvuli suscitator debebat in Carmelo? Possumus asserere, hoc ideo ordinatû, ut mater filii suscitandi gratiâ, Carmelû, qui typus erat Capitis Deiparæ, adiret, juxta illud Cant. 7. Caput tuum ut Carmelus. Et Richar. 1. 3. Nam quicumque mortuum cupit cernere re- Richad. divivum, Carmelum Deiparam adeat, & optatis potietur. Addimus & alteram rationem; hæc ideo disposita, ut Prophætæ ad mortuum suscitandum perrecturo vim conferret Carmelus, umbra Deiparæ. Hinc collige quam potens sit Deipara, in omiſsa vita iterum conferenda.

Ut Aaronis Virga geminaret Domino inti- Num. 17.
 S mante

mante in tabernaculo fœderis deponitur. Quare omnipotens Deus non alio in loco vult efflorescere emortuum illud lignum sed in tabernaculo fœderis? Virga reflorescens resurrectionis typus est secundum Laurentum in Syl. All. Tabernaculum verò, fœderis Deiparæ, Richard. l. 10. attestante. In tabernaculo fœderis efflorescere vult Virgam emortuam, te instruens, ut agnoscas vim habere Deiparam ad mortuos vitæ restituendos, dummodo in patrocínio ejus deponantur. Nec immeritò. Nam quæ mundo vitam verè vitalem progenuit, nempe Christum, qui via est, veritas & vita, conferet & illis veram vitam, gratiam impetrando.

Lauretus.

Richard.

Gen. 28.

S. Bonav.

Post visam Scalam Iacobum evigilasse subjungitur. Cur subjungitur? ergòne conspectus Scalæ & evigilatio sunt connexa? Ita sanè. Evigilatio designat resurrectionem, juxta Laurentum in Syl. Alleg. Scala Deiparæ, ut asserit D. Bon. in Laud. B. V. Non igitur admireris evigilationem necti cum salutaris Scalæ visione, ubi enim benedicta Scala, Deipara, comparuerit, sancta resurrectio subsequatur est necesse.

CHRISTVS surrecturus à mortuis tempore plenilunii resurrexit. Quare sub tempus plenilunii? Admònet te ô peccator homo demortue ad

ad Lunam plenam confugere, si vitæ restitui desideras, ad Virginem, inquam, Deiparam, (verè Deipara, luna plena, nam immutabilis splendor ejus, alii autem homunculi lunæ sunt mutabiles.) Si aderit hæc plena luna, aderit & resurrectio exoptata. Confugito ergo ad Deiparam, nam ipsa est illa aqua benedicta, de quâ Iob 14. ad odorem Iob 14. aquæ germinabit (nempe homo emortuus, qui verè est succisum lignum) & faciet comam &c.

Frumentum in granario asservatum putrescit, in terra sepultum resurgit, imò resurgit cum fœnore & decore, quare non resurgit sepultum in granario sed in terra? Terra Deiparæ typus est: sic Beda in 2. Gen. Felix es ac millies felix ô granum si te Omnipotens in hac terra benedicta sepeliat, omnes mirabuntur tuæ resurrectionis splendorem contuentes. Nam ideo terræ hoc concessum, ut vim Deiparæ in resuscitando præsentet. Beda.

Aristoteles in admirandis cap. 28. scribit in Sicilia fontem esse vorticis forma, in quo aves à quopiam suffocatae & reliqua animantia ubi fuerint mersa reviviscunt. Talem fontem te, ô Virgo Deipara, profiteor. Suffocat peccati lues miserum hominem, sed felix est, si ad te, ô Fons vitalis, deducatur, subitò profectò vita redibit deperdita,

subitò mors stupens vitæ illum restituet, ubi aqua tuæ intercessionis piissimæ benignè illum susceperit.

Suscitatus homo à morte peccati multis intricatur persæpe erroribus, scrupulorum, vel desperationis recogitans se nuper à gratia excidisse, aliisque similibus. Adest & hic Opitulatrix Dei para extricans ab omnibus quæ implicant. Sit ergo Stella XXVIII. Nomen ejus Hortulana. re autem, vide in Symboli argumento.



HORTVLANA.

MARIA EXTRICANS AB
ERRORIBVS.



RECTIFICABO.

ARGVMENTVM.

In horto herba inutiles si flores ambiant & complectantur à sedulo hortulano evelluntur. Nam si neglexerit hortum reddunt deturpatum. flores suffocatos. Quadras Deiparae, est enim sollicita circa errores extirpandos sicutorem ejus velut florem Hortuli pradilecti praesumant implicare,

DISCVRSVS.

Flos decorus Homo Christianus est plantatus in Horto Deiparæ odorifer, medicinalis, exornans. Sed errorum herbæ viciosa aliquando conantur ipsum suffocare. Herbæ istæ noxiæ scrupuli sunt, rationes politica, minus fundatæ opiniones prava exempla & similia; sed maeste animo, non diu te prement herbæ istæ, lustrant continuò Hortulum suum oculi Deiparæ, solliciti investigant an aliquæ errorum herbæ flores completantur, & si quaspiam adverterit, subitò eradicat. En ostendo.

Gen. 35.

Rachelis non in alio loco terræ mandatur corpusculum, sed juxta viam quæ ducit in Ephrata, quare nõ alibi, exempli causâ, in loco remoto vel excelso sepelitur? Rachel interpretatur ovicula, & idè designat Deiparam, quæ genuit nobis agnum Dei tollentem peccata mundi. Sic insuper appellat illam Richard. l. 4. via ducens in Ephrata, significat præcepta, quæ sunt via ad Cælum deducens, per Ephrata idè designatum. Nam Ephrata ubertatem sonat, quæ verè in solius Cæli incolatu felici invenitur. Iam credo capitis mysterium.

Richard.

Secus

Secus istam viam, juxta nimirum præcepta, errores demorantur, illo Psal. 139. attestante, juxta *Psal. 139.* iter scandalum posuerunt mihi. Ergò juxta viam reconditur Rachelis corpusculum. Nam Virgo Deipara, sollicitè invigilat & attendit, ne in hoc salutari itinere directo in Ephrata errores filios ejus comprehendant, sed simulac aliquem emergentem conspexerit evulsum necat Mater perbenigna: Non permittit enim ut sui cultores revo-centur ab observantia & decursu præceptorum, vel Hæreticorum discipulis, vel rationibus politicorum insensatis, vel subdola prudentiæ carnis astutia nocituram præceptorum observantiam valetudini affirmante.

Faciebant magi in Ægypto serpentes Moysè *Exod. 7.* & Aaron præsentibus, sed Aaron virgam applicuit quæ cunctos magorum devoravit serpentulos. Quare non alio modo placuit Altissimo serpentes extinguere sed per virgam? Virga præfigurabat Deiparam, sic Bernar. Hom. 2. super missus *S. Bernard.* est: serpentes cum sint astutæ bestiolæ errores astutos adumbrabant: ô Homo sedulam bonitatem Deiparæ admirare. Dum Virga devorat serpentulos quid aliud signabatur quàm sollicita cura Deiparæ, quam adhibet in callidis erroribus submovendis. Ergo si te quopiam implicatum errore

errore conspicias ad virgam hanc recurrito, ipsa brevî rediget illos in nihilum.

Dan. 4.

Inter multa quæ Daniel Nabuchodonosor Regi nuntiabat, & hoc subintulit, futuram nempe conversationem ejus cum bestiis, roreque cæli irrigandum. Quare specialiter rore cæli perfundendus prædicitur? Nabuchodonosor in magno & stulto errore versabatur putans non dominari altissimum, & ideo ut ab isto pessimo errore extricetur, rore cæli perfundendus. Ros enim Deiparæ imago est. Sic appellat illam S. German. Constan. in Encom. Deip. quæ sedulò est invocanda ut illabens liberet ab erroribus.

S. Germ.
const.

4. Reg. 5.

Ablutus Naaman in Iordane Deumque verum recognoscens, tollit secum partem terræ sanctæ. Ad quid obsecro? Reversurus erat in patriam idololatriæ plenissimam, & ideo ne amplius erroribus implicetur gentilium, tollit secum partem terræ sanctæ, quæ typus erat Deiparæ. Sic enim appellat illam D. Arnobius in Psalm. 54. Habet enim vim hæc Domini terra benedicta præservandi ab astutis errorum decipulis.

Arnohius.

Psal. 126.

Qui ad illa verba Psalmistæ, Ps. 126. dicentis vanum est vobis ante lucem surgere, attenderit, stomachabitur: Nam per illa videtur fovere juvenum desidiam, surgere ante lucem refugientium ad studia

studia perdiscenda: Sed absit, optima est ejus sententia, docet enim studia non esse pertractanda. antequam affulgeat non ista materialis sed cælestis Aurora; illa, inquam, quæ peperit nobis diem, per quem factus est omnis dies, Virgo Deipara, vanum ergo ante hujus adventum lucis scientiis incumbere, nam in scientiis plurimæ errorum latitant insidiæ, quæ proculdubio animum addiscentis implicabunt, si decrit lux extricans & præservans Deipara.

Possẽm adducere & illud Iob 24. Fur & adulter (errores nimirum, qui furari & adulterare veritatem adnituntur) perfodiunt in tenebris domos (intellige Sapientiæ) sicut in die condixerant. Si subitò apparuerit aurora (Deipara nimirum) arbitrantur umbram mortis (fugat namque illos subitò aurea ista aurora.) Iob 24.

Elephas si aliquem deprehenderit aberrantem ad tramitem recti itineris studet reducere, tam pia humanitate est conspicuus: Major in te, ô Virgo Benedicta, aberrant frequenter homines & seducti à via veritatis deflectunt: sed accurris tu Mater perbenigna, manum apprehendis erratici, efficisque ut ad sinceræ veritatis tramitem per te reducatur à cunctis errorum involucris expeditus. Lauda illam ô universa

T

creatura

creatura pro tam effusa in homines pietate.

Non solum ab erroribus extricare conatur homines Deipara, procurat insuper edocere, abstrusam veritatem detegendo. Sit ergo Stella XXIX. Nomen ejus quare sit Fistula Dioptrica Symbolum explicabit.



FISTV-

FISTVLA DIOPTICA.

MARIA ERVDIENS.



HAC ASSVMPTA SCIAM.

ARGVMENTVM.

Qui assumit fistulam Dioptricam qualem non pridem quidam Batavus adinvenit, & per illam sydera intuetur, ferè illa cognoscer ad amussim, videbitque circa solem apparere quasdam Stellas, sicum variantes, cernet Stellam Veneris instar Luna crescere & decrescere & alia admiranda, quæ solius obtutum oculi effugiunt. Quadræ Deiparæ, ipsa enim demonstrat multa abscondita suis cultoribus, res docens humanum excedentes ingenium.

T 2

DIS-

DISCVRSVS.

SVdat homo in occultis mundi dignoscendis, sed dignoscere illa difficile, nam abscondit illa Deus absconditus. Hinc illud Sapientis: Et quæ in prospectu sunt invenimus cum labore, quæ autem sunt in Cælis quis investigabit. Sed adest modus abscondita cognoscendi. Quis? Fistula Dioptrica, Virgo Deipara, hac assumptâ deprehendes. Totum aperio.

Ioan. 4.

Mirabile certè est quòd Dominus vili & infami mulieri Samaritanæ aperiat sublimia mysteria & Trinitatis, nã inibi facit mentionem & Patris & Filii & Spiritus sancti, pandit & mysterium incarnationis, pandit & gratiæ, lectita historiam, & quod dico verũ deprehendes. Addo mirabilius & seipsũ per eandem Samaritanis annuntiat. Quid impulit Salvatorẽ ad tam abscondita illi propalanda? In ipsa Historia annotavi mulierẽ ad aquam è puteo hauriendam accurisse, & ex isto jam mysterium concipio. Puteus Deiparæ typus est, juxta illud Cant. 4. Puteus aquarum viventium. Et

Rupertus.

Ruper. similiter in 4. Cant. Quia ergo mulier illa ad puteum accedebat, jam desino admirari tot miranda illi à Salvatore propalata. Nam qui per-

git

git ad puteum hunc benedictum, Virginem Deiparam, abtrusa recognoscet. Ergo & tu si abtrusa cupis penetrare, ad puteum hunc accedito, mihi crede sapientiam copiosam apud Matrem sapientiæ incarnatæ invenies.

Volens deprehendere Eliezer quænam Virgo Gen. 24.
à Deo esset destinata ut filio Domini sui jungeretur, stetit ad fontem aquæ. Quid? ergo sperat se abstrusam rem illam deprehensurum ad fontem aquæ consistendo? Imò non se coniciat in periculum, potius in civitate moretur tempore longiori considerans mores puellarum, diversosque homines de diversis virgunculis examinet. Sed melius adinvenit Eliezer consilium deprehendendæ rei tam abstrusæ ad fontem consistendo. Nam fons Deiparam adumbrat, ut Richar. l. 9. attestatur. Richard. Non est autem medium securius, crede mihi, ad pervestiganda abscondita quàm adire fontem Virginem Deiparam.

Formaturus Dominus consortem primo Gen. 2.
omnium parenti mortalium immisit soporem in illum, vel ut alii ecstasim (de quo vide Cornel. à Lap. in 2. Gen.) Quare antea mentis ecstasim passus non scribitur, sed tunc demum cùm Eva formaretur? Secundum aliquos Theologos tunc Adamo fuit revelatum magnum incarnationis

mysterium. Ecce propositæ resolutio quæstionis. Tunc panditur abstrusum illud Incarnationis Sacramentum cum Eva de lateris ejus costa efformatur, ut homo vel hinc recognoscat abstrusa fore sibi revelanda cum illi adstiterit Deipara, per Evam juxta D. Ephiha. adver. hæres. sententiam præsignata. Quam producit ergo in lucem res abstrusas fistula nostra Dioptrica Virgo Deipara.

D. Ephiha.

Gen. 16.

Missus Angelus ad ejectam ancillam Agar futura illi manifestat, nimirum quod Ismaël faciens esset in gentem magnam; sed observo hoc manifestatum Agar non longè à puteo commoranti. Quare ad puteum commoranti non alibi? Puteus viventis aquæ, ut diximus, Deipara est, si ad hunc puteum te conferas jam aperientur tibi

Gen. 21.

abditæ scientiæ. Imò nec illud Gen. 21. sine mysterio. Antequam illi puteum aquæ demonstraret dicitur Angelus vocasse de Cælo Agar? Cur etenim additum est de Cælo? Cælum Deiparæ typus est. Sic appellat illam S. Germ. Const. in Ps.

S. Germ.
Const.

44. Aqua sapientiæ: Frequenter aquam hanc sitibundi inquirimus, sed discernere illam etiam positam in prospectu non possumus: sed Cælum, Deipara Virgo, efficiet ut illam tandem agnoscamus.

Canti-

Canticorum 5. dicitur, Messui myrrham meam cum aromatibus? Quare myrrha metitur cum aromatibus? myrrha sapientiam abstrusam significat. Et meritò, nam à corruptione quidem præservat, verùm investigatio ejus amara est & torquens ingenium: Aromata verò Deiparam designant, ipsa enim est, Richardo libro 12. attestante, areola aromatum: si igitur vis feliciter metere myrrham, colligere scientiam abstrusam, colligas illam cum aromatibus, cum Deipara, ipsa namque pandet tibi secreta ejus mysteria.

Lucianus veræ Hist. l. 1. speculum dicit esse maximum puteo appositum in insulis Fortunatis in quod qui oculos defixerit, omnes gentes, provincias, urbes cernet, ac si cunctis præsens interesset. Non disputo, utrū vera an deceptorica sit hæc Luciani traditio, hoc præsumo, & præsumo confidenter asserere te, speculum tale esse ô Domina mea Deipara. O verè mirabilia multa intuetur, qui tibi ô superbenedicta intenderit. Tu enim ô sapientiæ Mater & dispensatrix pãdis abscondita, & quæ nec ingenium, nec labor, nec sedula inquisitio indagare sufficeret, detegis & aperis in momento sedulis tui cultoribus. Pande & mihi ô Domina mea absconditum illud arcanum quod oculus non

non vidit nec auris audivit, ut terrena vanitas non decipiat mentem meam, sed totus mentis meæ conatus illi tantùm intendat, illud legat, illud intelligat quod diligentibus se Deus præparavit.

Quibus Deus dat uberiores scientiam injungit grandiora juxta illud: Qui addit scientiam addit & laborem, unde Moyfi, Abrahamo, & aliis, quia dabat copiosiores scientiam, grandiora quoque demandabat exequenda. Adest & hic Deipara facilitare præcepta ne dura videantur al-laborans. Sit ergo Stella XXX. Nomen ejus sit, Geometrista. Quare autem, cognosces ex illo quod in fine Symboli apponetur.



GEOME-

GEOMETRISSA.

MARIA PRÆCEPTA FACILITANS.



GRAVIA HIC LEVITANT.

ARGUMENTVM.

Nescio quam onustam navem in flumine consistentem huc & illuc aliquot solummodo homines attrahere, quæ si in sicco poneretur, etiam tot centenorum vires ad illam attrahendam non sufficerent. Quadræ Deipara, nam ipsa flumen, præcepta navis gratius & meritis onusta, qui Virgine Deipara adjuvante illa trahit, experietur facilitia, nam facilitabit illa Deipara.

V

DIS-

DISCVRSVS.

GEmunt multi, conqueruntur præcepta gravia & ad supportandum difficilia dictitantes, sed falluntur. In rei enim veritate levia sunt, nam optimus illorum lator DEVS non imponeret jugum durum homini imbecillo. Hinc potius dicerem pigritiam illorum non præcepta gravitare, sunt etenim præcordia illorum sicut rota carri, cui vel levius fœnum si injeceris, gemit, & velut sub pondere gravi lamentatur, sed dato non concesso, præcepta esse graviora, modum ut sint levia indigito, venite ad Deiparam, ad flumē donis cælestibus exuberans, ipsa præcepta nescio quàm gravissima faciliat. Quod dixi aperio.

3. Reg. 7.

Richar.

Mare æneum in Templo Salomonis resticula triginta cubitorum cingebatur. Quare resticula illa mare potius cingit quàm aliud? Resticula secundum Gregorium 25. Moral. 8. & Bernardum Serm. de triplici vinculo, præcepta significat, Mare verò fusile virginem Deiparam, juxta Richard. l. 1. Senten. Hinc patet propositæ resolutionis quæstionis, si præcepta experiri cupis facilia & levia, alliga illa mari Deiparæ, reddet enim præcepta facilia suis cultoribus.

Mater

Mater filiorum Zebedæi non solum Maria vocabatur, verum etiam Mariæ Virginis Deiparæ cognata existerat. Quid mysterii? Mater filiorum Zebedæi secundum Origenem Hom. 35. *Origenes.* super Matth. legem significat, jure ergo cognata est Mariæ, nam ut lex divina tibi grata facilisque videatur, sis cognatus Mariæ colendo illam impensius & te in servorum ejus catalogum inferendo.

Egresso equiti Apocal. 6. & habenti arcum *Apocal. 6.* in manu data est corona. Quid deinde subinfertur? Et exivit veniens ut vinceret. Quare, obsecro, habenti arcum datur corona, detur illi potius galea, vel gladius, vel aliud genus militaris armaturæ? Magis illud discutio, cur corona confertur egresso ad vincendum, nam potius post agonem superatum tanquam triumphanti erat conferenda. Signate mysterium. Arcus præcepta significat? juxta August. in Psal. 17. Corona autem Deiparam, sic appellat illam S. Bonav. in Spec. B. V. *S. August. S. Bonav.* Ergo bene arcum deferenti corona tribuitur, ut inflexionem hujus arcus faciliat. Nam præcepta bajulanti si assistat Deipara proculdubio facilia illi videbuntur. Bene quoque subjunctum est. Et exivit veniens, quem enim durum hostem non superaret arcus præceptorum, quando

quando adest facilitans illum Deipara?

Exod. 10.

Mandaverat Deus Moyſi populo latum intimare legis Decalogum, ſed ſubjunxit, ut ſimul conſtruendi altaris idque ſtatim populum admoneret. Obſecro, Quare in promulgatione Decalogi conſtructio altaris quoque injungitur? Nam duriusculum forte apparebit tot ſubito mandatis populum onerare? Imò Decalogus nullatenus promulgetur niſi & altare appareat. Nam altare Deiparæ, imago eſt, ſic appellat illam Method. Orat. ad Hyp. præcepta autem ut facilius obſerventur a deſſe opitulatricem Mariam eſt neceſſe.

Method.

3. Reg. 8.

Ildefonſ.

Tabulæ in quibus Lex erat exarata in Arca ſervabantur. Quam ob cauſam non in alio loco ſed in arca? Arca Deiparæ typus fuit, atteſtante Ildefonſ. Serm. 1. de Aſſumpt. Iam igitur facile intelligo rationem legis in Arca aſſervatæ: ut enim legem ad amuſſim cuſtodias in arca, in Deipara, illam collocato. Nam ſi ſuis precibus ipſam complectetur illæſam & immunem à transgreſſione conſervabis. Imò & illud libet expendere, cur in arca Lex non ſola ſed cum manna juncta erat? ut colligas te legē cum ſuavitate reperturum, ſi in arcæ, in Deiparæ, patrociniſio illam locaveris, non ſolum etenim legem tibi facilem verum & jucundam dulcemque efficiet. Nam dulcedo per manna poteſt intelligi.

Geo-

Geometriæ opè teste Athenæo l. 5. c. 7. navem Regiam in siccum littus eductam & gravius onerata solus machinis suis Geometricis ad se pertraxit Archimedes. Res mirabilis, sed nihil est in comparatione potentia quam confers servis tuis ô Virgo Deipara. Navis Regia præcepta sunt, nam per illa ad cælestis Regni portum deportamur, onerosa & gravia videntur homini lubrico & tepido, sed non servis tuis, ita enim facilitas illa, ut levi negotio etiam in periculosis occasionibus portent illa. Benedictus sit omnipotens pro collata hac tibi & gratia & pietate.

Dum hominem videt Deipara, duriora promptè exequentem præcepta, varias ipsi benedictiones conatur procurare: Sit ergo Stella XXXI. Nomē ejus Vncinus aureus, Quare Vncinus explicabit Symbolū, Aureus ideo, quia ex pura charitate (per aurum enim charitas designatur juxta illud Apocal. 3. Suadeo tibi emere à me aurum) hoc exequitur. Nam qui sumus ut talia præstet nobis?

VNCINVS AVREVS.
 MARIA ATTRAHENS.
 BENEDICTIONES.



FERT QVODCVNQVE PETO
 ARGVMENTVM.

*Vncinum si teneas, quodcumq; tollere pomum poposceris, tibi porriget.
 Quadrat Deiparae. Nam ex arbore illa magna partum toti orbi
 terrarum ministrante, Deo nimirum benedicto, quodcumque bene-
 dictionis pomum appetieris, porriget tibi precibus gloriosus uncinus
 hic aureus.*

DISCVRSVS.

Hortus ille Cælestis innumeris benedictionum pomis est refertus. Gignit poma Solis & Lunæ amorem Dei & proximi, gignit poma punica patientiæ salutaris, gignit poma aliarum virtutum & gratiarum pulcherrima. Hæc poma exoptanda dantur hominibus, sed non omnia cuilibet, nam divisiones gratiarum sunt: vis plurima tamen obtinere? Vncinum aureum assumpto, Virginem Deiparam, ipsa feret quodcunque petieris. Hoc tantisper aperio.

Simulatque pius David in Regem oleo est inunctus, Spiritus Domini in eum est directus. 1. Reg. 16. Non dubito per Spiritum sanctum omnem benedictionem Dei posse intelligi. Nam est fons & principium omnis benedictionis effusæ in homines. Hoc examino cur à die unctionis est directus in eum, nam & ante unctionem justus cum fuerit, consequenter jam Spiritus sanctus in illo morabatur, cur igitur velut singulare adnotatur, directus est in eum à die unctionis? vel oleum quo unctus est Spiritum Domini trahit secum? Ita sane. Nam per oleum Deiparam possumus accipere, sic appellat illam S. Ambros. 13. de Instit. Ambros.
Virg.

Virg. Cujus autem caput fovet Deipara, jam Spiritus Domini portans innumera charismatum dona in ipsum delabatur. Sit igitur oleum istud ô homo in tuo capite per frequentem Deiparæ recordationem, & benedictiones Domini affluenter illud cumulabunt.

Gen. 15.

Abrahamo antequam benedictionem promittat Omnipotens, prius foras educit Cælum jubet suspicere. Ad quid, obsecro, Cæli præcedit intuitus benedictionem promittendam? Cælum Deiparæ typus est S. Germ. Const. in Psalm. 44. attestante. Noli ô homo, noli à Domino benedictionem expectare, si hoc Cælum negligis suspicere, erige prius oculos ad Cælum istud, petendo, invocando, & tunc conferet tibi omnipotens benedictiones largissimas in gratiam precum ejus.

*S. Germ.
Const.*

Psal. 71.

Incarnatio Dominica pluvia nuncupatur à David. Descendet, inquit, sicut pluvia in vellus. Suppono incarnationem verbi omnes benedictiones Dei attraxisse, juxta illud Apostoli Rom. 8. quomodo non etiam cum illo omnia nobis donavit. Hoc supposito jam inquiri, quare incarnatio omnium benedictionum apportatrix pluvia nuncupatur? Pluviam nubes adfert. Ecce intelligentia quæstionis. Pluvia incarnationem, fontem

Rom. 8.

S. Ambros.

omnium benedictionum, nubes teste S. Ambrosio

sio

sio Exhort. ad viduas, Deiparam adumbrat. Non accipies, ô homo benedictiones per incarnationem inventas nisi nubes Deipara ipsas perbenignè demiserit.

Cogitare David de templo extruendo vix cœperat, & eadem nocte omnipotens Nathan prophetæ apparuit, præcepitque ut largas benedictiones à Deo conferendas ipsi prænuntiet. Quare subito benedictio non promissio cogitatione illam subsequitur? Templum illud Deiparæ typus fuit, ut asserit S. Bonav. in Laud. B. V. Iam non miror benedictiones Davidi intimari, simulatque enim homo inducit in animum Deiparæ memoriam subito benedictiones Dei cum eadem memoria inducuntur, tam potens est in benedictionibus attrahendis Deipara.

Pergenti in Mesopotamiam Iacobo scala in somniis apparuit. Quare potius non apparuit redeunti, sed eunti, statuerat Dominus in Mesopotamia benedictionibus Iacobum cumulare, sed antequam illas conferre incipiat prius monstrat scalam, quæ juxta D. Bernard. Sermon. in Nativitat. B. V. typus erat Deiparæ, ut discamus prius illam advocandam si volumus benedictionibus Divinis cumulari.

Imò neque caret mysterio non Iacobo sed matris eius


Richar.

tri ejus Rebeccæ inspiratum ut filius benedictionem paternam reciperet. Rebecca enim Deiparam designat. Teste Richard. l. 2. Ipsa ergo, ipsa est, quæ Divinas benedictiones trahit ad nos. Imò si bene Scripturam evolvimus, Jacob ditatum non legemus nisi postquam Racheli sociatus describitur, ut vel hinc colligamus Deiparam, cujus Rachel, juxta Richard. l. 4. imago est, divitias benedictionum secum apportare.

Indi habent piscem nomine Reversum, teste Oviedo. Hunc ad navem tenent fune alligatum, & cum piscem quempiam capere desiderant, Reversum ad capiendum illum expediunt, qui subito ad instar sagittæ excurrentis velociter piscem assecutū implicat pelle sua, quam in modū magnæ crumenæ natura apposuit in ejus occipite, sicque implicat tenaciter ut nulla ratione elabatur. Celerior tua est promptitudo ad capiendas benedictiones Dei ô Virgo Deipara, efficaciorque vis ad detinendas. O verè felix qui te tenuerit ô Beata, profectò obsecrabit te tantum ut hanc vel illam benedictionem Dei obtineat; & subito tu evolans apprehendes & deferes, & non invenitur quæpiam tam ab homine elongata quam excurrentis non assequaris. Adsis, obsecro, & mihi ô Virgo benedicta, & attrahens apporta benedictiones
magni

magni Dei, illas nempe benedictiones quæ dilatant animum & promovent ad ultimam illam consequendam, quam sitibundi expectamus, cum dicetur nobis. Venite benedicti patris mei percipite regnum quod paratum est vobis à constitutione mundi.

Benedictiones Divinas dum homo consequitur ruinam extimescat, eamque non ab hoste solum struente insidias verum etiam imò præcipue à superba gloriola, quæ ex bonis præcipue gigni solet. Studet Deipara ab hac ruina præservare, sit ergo Stella XXXII. Nomen ejus Cinis salvificus. Quare? Vide Symbolum.



CINIS SALVIFICVS.

MARIA A RVINA PRÆSERVANS.



FIRMABIT GRESSVM.

ARGVMENTVM.

Per glaciem ut sine prolapsione queas incedere ipsam cineribus sparsis contegito, hi etenim efficiunt ne officiat ejus lubricatus. Quadræ Deiparæ, nam cinerem merito Deiparam nuncupabo propter profundam humilitatem, ejus enim typus Cinis est. Hic igitur Cinis benedictus firmat gressus nostros ne labamur in lubrico mundi bujus.

DIS-

DISCVRSVS.

Nihil firmum in terra, omnia sunt lubrica: Nec mirum, totus mundus fundatus est in aquis, ac proinde totus est lubricus. Lubricus & propterea quia glacies texit illum, nam refrigerante in ipso charitate quid aliud subsequi est necesse, nisi gelu glaciemque peccati. Addo & tertiam lubricitatis ejus causam. Quam? Crocodilus dicitur aquam in vias evomere, & hoc ideo facit astuta bestia, ut homines feritatem suam fugientes dum labuntur capiantur. Quod molitur Crocodilus, molitur & infernalis crocodilus dæmon improbus, effundit aquam voluptatum concupiscentiæ, ut omnia per quæ homines gradiuntur, itinera, sint lubrica, ex quo mundum lubricum esse jam apparet. Sed sit providentia Dei benedicta, Cinem nobis concessit gressus confirmantem. Quem? Virginem Deiparam: Hoc ostendo.

Ante judicium quamdiu Sol & Luna non dicuntur obscurari, nec stellarum de Cælo casus, Matth. 24. nec virtutum cælestium commotiones asseruntur. Quare non cadunt Stellæ, simulatque pronuntiantur obscurati & ruina Stellarum subinfertur. Obsecro quare Stellæ non decidunt ante so-

S. Bernar.

lem & Lunam obscuratos ? Sol & Luna juxta S. Bernard. Serm. 3. in Salve Regina, Deiparam adumbrat. Noli, ô homo ! noli ruinam metuere, quamdiu lucet in te, quamdiu non obscuratur in te Deipara, sed simulatque abscondere incipit à te vivificum lumen suum, jam exhorresce, non est enim qui teneat lubricos gressus tuos.

Gen. 17.

Promittit DEVS Abrahamo filium in senectute, simulque cum illo benedictiones singulares. Quid Abraham ? Cadit in terram. Quare cadit ? & quare in terram cadit ? Dum Omnipotens alicui gratias elargitur speciales confurgit vana gloria ut struat insidias, conaturque in discrimen per illa adducere quæ homini ad salutem collata sunt. Vis prolapsionem evadere ? Abrahamum imitare, cade in terram, confugito ad Deiparam, ipsius enim terra imago est, S. August. in Psalm. 64. attestante : Ad illam si confugeris, vanæ gloriæ ruinam aliamque quamlibet effugies.

S. August.

ipsius enim terra imago est, S. August. in Psalm. 64. attestante : Ad illam si confugeris, vanæ gloriæ ruinam aliamque quamlibet effugies.

LUCASIO.

Misericordiâ motus misericors Samaritanus vulneribus infudit oleum à latronibus sauciati : Quam ob causam oleum infundit, nam quid oleo cum vulneribus ? Graviter vulneratus in lubrico valde est constitutus, nam in continuo vita ejus versatur discrimine : Ecce olei vulneribus infusionem. Cupiebat Samaritanus misericors vulneratum

neratum passum mortis lubricum sine prolapsione pertransire, & ideo oleo firmat vitam ejus: Nam oleum designat Deiparam (sic appellat illam S. Ambros. 13. Instit. Virgin.) Hæc enim in lubrico positis si adjungatur, omnem periculorum prolapsionem evitabunt, à benigna hac matre obfirmati.

S. Ambros.

Colligo ex sacro textu Noëmum tempore diluvii in arca latitantem ad fenestram ejusdem arcæ constitisse. Quid in hoc mysterii? Suppono grandis ruinæ periculum tunc Noëmo impendisse: Nam pereuntes amicos, cognatos, suamque substantiam intuendo periculum erat contra DEVM murmurandi, eò quòd non concesserit amicos intra arcam recipere, intra quam & bruta animantia sunt admissa. Hoc supposito jam agnosco mysterium. Fenestra Deiparæ typus est, nam per illam Lux cælestis, ad nostram hujus exilii domunculam introivit, nempe Christus. Et insuper asserit Richard. l. 10. Non igitur, non frustra justus Noë constitit ad fenestram in lubrico tentationis constitutus. Qui enim ad Deiparam accurrerit ruinã pertimescēs, etiamsi nescio quàm sit lubrica, vim ejus & insidias evadet feliciter.

Richard.

Mariã demortuã ad aquas contradictionis peccat Moyses. Quare non permisit labi Moysen
Maria

Num. 20.

Sylva
Allegor.

Maria in vivis existente, sed post ejus ex hac vita discessum? Quare non permisit Deus illum peccare? Maria illa figura fuit Virgîn. Deiparæ juxta Lauretum in Sylva allegor. Non scribitur ergo Moyses deliquisse Maria superstite licet in gravioribus tentationibus versaretur, ut hinc colligamus Mariam suis precibus à ruina illos præservare cum quibus ad terram promissionis progreditur. Ergo & tu ne in hoc lubrico labaris itinere, sine Maria firmatrice progredi non præsumas.

Apuscidamus lacus est in Africa, in quo omnia extant & nihil mergi potest teste Plinio l. 31. cap. 2. Typus tuus est ô Virgo superbenedicta lacus iste. Omnes enim ad te venientes naufragium non timeant, contentur quantum vis suscitare sævos fluctus, inimici ruinas intentent varias, etiam violenter contentur illos submergere non permittes tu sed semper attoles, ac ab omni ruina reddes immunes ac tutissimos. Utinam ô Virgo omnes ad te confugiant, profectò nullum ruinæ experientur periculum.

Venit hic etiam mihi in mentem illa Historia quam recitat Ælianus l. 12. cap. 21. de animalibus. Ejectus est ab arcis custodibus puellus, quem in ergastulo filia Sacchoræ Babyloniorum Regis furtivè

furtivè pepererat. Et ecce aquila prætervolans, viso infantuli casu, priusquam terræ allideretur subvolat, dorsoque exceptum incolumem in quendam hortum deportavit. Dubitat de hujus veritate Ælianus: Sed hoc in dubium quod dicam, tu Virgo superbenedicta talis es aquila, jam lapsui frequenter homo miser appropinquat, jam graviter collidendus quasi ruit, advolas tu subitò, alas tuæ protectionis supponis, & ecce ille qui gravi lapsu jam ruere videbatur sine prolapsione manet incolumis, & quem extinguendum brevî putassemus, cernimus integrum, & nec ullû imminentis ruinæ in ipso deprehendimus periculum. Non cessa, non cessa, ô Virgo, tam piam erga omnes monstrare curam tuam, omnes enim currimus in lubrico, & continuò inter imminentes ruinas incedimus.

Non solùm bonis, verùm etiam & magnis peccatoribus Deipara, firmamentum hoc benedictum exhibet influxus beneficiorum suorum, inter quos primus est induratum cor illorum ad pœnitentiam emollire. Sit ergo Stella XXXIII. Nomē illius quare Cæleste sit Mortarium Symbolum explicabit.

CÆLESTE MORTARIUM.

MARIA COR DVRVM

EMOLLIENS.



DVRA MOLLESCENT.

ARGVMENTVM.

*Res durissima lapis est, quando tamen concunditur in mortario mol-
lis erit ejus pulvisculus. Quadrat Deiparæ, durum cor hominis
peccatoris si assumpserit in suam tutelam mollissimum efficiet.*

DIS-

DISCVRSVS.

INter difficilia maximè puto difficile induratum cor peccatoris emollire: Nec mirum, video namque Apostolicos concionatores tot mediis ad illud emolliendum adhibere, nil tamen efficiunt, jam imbribus eloquii Divini alluunt, jam minis, jam futuræ beatitudinis promissis quantiunt: tamen illud velut saxum in medio fluctuū quò magis percutitur magis induratur. Sed invenio ego modum ut duritiæ depositâ molliantur. Est mortarium unum in quo nescio quæ durissima evadunt mollia. Istud mortarium est Deipara, ubi enim illa assumpserit cor durissimi quamvis peccatoris, molle & tractabile nimis reddet. Ostendo.

In tabulis lapideis quas ad Israëlem Moyses deferebat scripta erat Lex digito Dei vivi. *Exod. 31.* Miror & nimium miror quare in lapide digito scripta lex asseratur. Quis enim adeò mollem vidit lapidem ut in eo digito literæ valeant exarari? Durus erat ille lapis, sed mollem se exhibuit scribenti. Et non mirum, nam portatus erat in montem ad typum Deiparæ, sic appellat illam S. Gregor.

1. Reg. 1. ubi enim duratus ad Deiparam ap- *S. Gregor.*

portatur jam ilico emollitus comparebit.

Ezech. 1.

In curru, quem vidit Ezechiel, facies leonis erat facies hominis. Quomodo? res enim sunt pugnantes leo & homo? Noli admirari leonem velut hominem apparere, nam currui junctus erat, currui gloriam Domini apportanti, & ideo leonem durum licet, currus emollivit, effecitq; ut ex fero & implacabili fiat homo humanus nempe & benignus. Per currum namque illum Deipara signatur, & merito, nam incarnationem Dominicam, quæ gloria est Domini, apportavit. Felix ergo induratus si huic currui benedicto inserviat.

1. Reg. 24.

Persequabatur Saul Davidem innoxium, verum ad speluncam Engaddi adveniens cor sentit emollitum, benignè enim Davidem alloquitur. Quare dum venit in Engaddi emollitum est cor ejus? In Engaddi erant vineæ umbræ Deiparæ, nam ex illa prodiit botrus ille Cypri in vineis Engaddi Cant. 1. CHRISTVS nimirum Salvator. Iam tenemus mysterium, quare in Engaddi cor Saulis emollitur, ubi namque durus ad Deiparam devenerit omnino duritiæ depositâ cor ipsius fiet mollissimum.

Cant. 1.

Gen. 28.

Post visam in somniis scalam pius Iacob effundit oleum in lapidem. Quare post inspectam scalam

scalam non antea? Lapis peccatorem designare potest, nam cor ejus lapideum est. Sed felix es ô lapis durissime, si scala benedicta Deipara, (per hanc enim teste S. Bonav. in Laud. B. V. designatur) te laviserit, profectò sacrosancto compunctionis oleo à Domino perfunderis.

S. Bonav.

Inter alia Canalis Deipara appellatur. Quare? Sub canali lapis depositus etiamsi durissimus cavatur & emollitur: Ecce ergo quàm meritò Deipara canalis nuncupetur, verè namque duritiem deponit cor lapideum, si Virgo Deipara influxu suæ misericordiæ illum petierit.

Gregorius 9. Pont. teste Fulgoso l. 8. cap. 10. assumens Capita SS. Petri & Pauli Apostolorum, & voce lachrymabili reliquias sanctorum populo commendans, ita illos emollivit, ut qui ante rebelles hostesque existebant contra Fridericum arma arriperent. Magnam vim impresserat Deus verbis istius Pontificis, sed majorem impressit tibi ô Virgo benedicta. Non est enim inveniri peccatorem ita induratum ut subitò non molestat simulatque tu cor ejus saxeam assumpseris. Non desine rogamus, ô Virgo, in emolliendis illis laborare, sed lustra totum orbem & si quempiam hostem Dei conspexeris, urge illum ut resipiscat, quandoquidem vim obtines ad emol-

liendum cor nescio quàm maximè induratum.

Cùm emolliverit cor peccatoris Deipara , suis
intercessionibus , jam procurat in illud Deum
attrahere; sit ergo Stella XXXIV. Nomen ejus
Magnes.



MAGNES.

MARIA DEVM AD NOS
TRAHENS.

ADDVCO PVLCHRVM.

ARGVMENTVM.

Prodromus Solis est aurora, simul ac comparuerit, comparebit & Sol, quasi enim trahit illum secum aurora, & ideo quasi dicit aurora, adducopulchrum Solem. Quadrat Deipare, nam in illam animam in quam advenerit introducet & solem justitiæ verum Deum.

DIS-

DISCVRSVS.

Nemo putet Deum facilè inveniri, sollicitè ipsum sponsa per plateas & vicos civitatis inquisivit & invenit cum labore. Si sponsa vix invenit quantò magis vilis servus? Sed medium invenio Deum facilè attrahendi. Magnetem assumo Virginem Deiparam: Hunc magnetem in corde reponito & Deum attractum quoque invenies.

Gen. 81. Ad Abrahamum in convalle Mambre commemorantem venit Omnipotens. Quare, obsecro, sacer textus tunc mansisse Abrahamum in còvalle adnotavit? Per convallem Deiparam interpretari possumus, in ipsa namque enatum est amabile illud lilium convalliurn Christus Iesus. Sic insuper appellat illam Richar. 1. 8. Ergo jam agnosco, cur tunc advenisse Dominum signatum sit, qui etenim in convalle, in Virgine Deipara, commemoratur, jam Dominum adventantem præstoletur, nam attrahet illum Deipara.

Richard.

Gen. 32. Dum redibat Iacob de Mesopotamia venit Dominus ut cum illo colluctetur. Quid adeo placuit tunc Domino in Iacobo ut dignetur amplecti ipsum colluctando? Redibat tunc temporis Iacob

cob cum Rachele quæ fuit typus Deiparæ secundum Richar. l.4. Sententiarum. Hocpellexit Dominum, hoc attraxit, ut colligas felicem illum esse cum quo Deipara progreditur, nam accurret & Dominus precibus ejus advocatus, & non solum accurret, verum etiam benedictionem dabit copiosam ut cernere est in Iacobo.

Richard.

Exod. 3.

Moyfi oves in deserto pascenti Dominus in rubo apparuit, dixitque: Descende &c. Quare non descendit ad Moysen alibi commorantem, sed dum est in deserto? Desertum Deiparæ imago est, sic S. Bonav. in Spec. B. V. Ergo ideo ad Moysen morantem in deserto accessit Omnipotens, ut ostenderet benedictum desertum, Deiparam, vim habere ipsum attrahendi. Quam beatus ergo est homo morans in hoc deserto salutari.

S. Bonav.

S. Patriarcha noster Elias 3. Reg. 19. perrexit in montem Dei Horeb. Perrexerat & Dominum videt in sibilo auræ tenuis gradientem. Quare non alibi adventat Altissimus ut Eliæ visendum se exhibeat cum cuilibet loco sit intimus ac proinde in quolibet possit apparere? Mons juxta S. Gregor. 1. Reg. 1. Deiparæ imago est, ac proinde dum Eliam in monte visitat constitutum nos admonet ut ad Deiparam properemus si in hoc

S. Gregor.

Z

monte

monte sanctissimo morabimur, venientem Dominum videbimus nam attrahet illum potens Deipara.

Exod. 34.

Ascenderat Moyses ad Dominum in montem Sinai. Quid Dominus? descendit per nubem.

Richard.

Quare obsecro per nubem? Nubes Deiparam designat, sic appellat illam Richard. lib. 7. Et merito, nam ex hac nube pluviam illam accepimus,

Psal. 71.

nempe Christum, de quo dicitur: Descendet sicut pluvia in vellus Psal. 71. En ergo mysterium. In nube descendit Altissimus, ut ostenderet se nolle ad nos devenire nisi nubes Virgo Deipara trahat illum.

Nec illud caret mysterio, Spiritum sanctum in discipulos descendisse in die Pentecostes manentes cum Maria, quasi insinuans Deiparam Deum ad nos attracturam.

*Psal. 143.
S. Germ.
Const.*

Omitto & illud Psalmistæ Psalm. 143. Domine inclina cælos tuos & descende, quasi aliter nolit ad nos descendere Dominus nisi prius Cælum ad nos declinet Virgo Deipara, quæ Cælum est, S. Herman. Const. in Ps. 44. attestante.

Omitto & illud non in alium locum descendere solitum Omnipotentem ad colloquendum cum Moyse nisi in monte, responsaque non dare nisi in tabernaculo, quod utrumq; typus est Deiparæ,

paræ, quasi nolit accedere nisi ad Mariæ assistentiam.

Alexander Magnus teste Strabone l. 16. volens experiri an genus bituminis, cui naphtha nomen est, & nascitur juxta Babylonem, ignem ad se, si homo illo liniatur, attraheret, puerum quendam illo obliniri jussit. Ros mirabilis, subito puerum flamma complexa est, & proculdubio consumpsisset nisi alumine flammæ vis sisteretur. Quorsum hæc? scimus, ô Domina, Deum nostrum ignem esse consumentem quidem, sed vitalis ista est consumptio, verùm rarus invenitur ad quem currat ignis hic salutaris: Verumtamen secretum didicimus, ad ignem hunc attrahendum tuus favor, ô Domina nostra, nos obliniat, simulatque enim conspexerit quempiam illo oblinitum accurret illico, complectetur amabili flammâ suâ, & quamdiu tui favoris litura perdurabit, tãdiu non recedet. Eja ergo ô Virgo benediçta oblinias & me miserum desideratissimo favore tuo, ut etiam ignis iste cælestis Hierusalem, me invadat & suo complexu salutari ambiat circumdatum.

Attractio ad hominem Deo, salutis ejus causam agit ne pereat, patrata ob peccata satagendo: sit ergo Stella XXXV. Nomen ejus sit Rupes subveniens. Rationem symbolum ministrabit.

RVPES SVBVENIENS.
 MARIA SALVTEM
 PROCVRANS.



NON PEREO SI PERGO.
 ARGVMENTVM.

*Homo naufragans in mari non peribit si rupem ad quam confugiat
 invenerit. Quadrat Deiparæ, nam in mundi hujus mari naufrago
 homo non peribit si ad hanc rupem saluiferam recurrerit.*

DIS.

DISCURSUS.

Salus hominis semper est naufraga. Nec mirum, intra illum peccati fomes est continuè, turbulentam suscitans cupiditatum tempestatem, quæ salutem nititur submergere, vis ô homo ex hac tempestate incolumis emergere? Rupem tibi salvificam indigito? Quam? Virginem Deiparam. Ad hanc recurrere allabora & in tuto salutem tuam collocabit. Ausculta.

Volebat Dominus interficere Moysis filiolum Exod. 4. sed obviat Sephora iræ ejus puerulum circumcidens. Quare Sephora circumcidit puerum non Moyses sicut & Abraham suum circumciderat, suppono circumcisionem illam puerulo salutem peperisse: hoc supposito jam in promptu resolutio quæstionis, Sephora puerulo salutem procuravit; nam Sephoram typum fuisse Deiparæ possumus asserere. Et meritò nam filius ejus sponsus sanguinum appellatur. Quem autem Deipara sub suam protectionem susceperit, in tuto salus ejus remanebit.

Mœstæ Agar ob filium Ismael penè morientem præ siti Angelus aquam demonstravit. Gen. 21. Quare, obsecro, non Angelus ipse potum ministrat

puerulo, quandoquidem Deus ipsum misit ne mori puerulum siti permetteret? quare ergo relinquit hoc Agar Matri ejus, Agar Saræ ancilla erat, illius Saræ quæ D. Bonavent. in Spec. B. V. attestante typum gessit Deiparæ, & ideo Agar pueruli vita procuranda per aquæ ministerium committitur, ut colligas etiam servos Deiparæ frequenter hominibus salutem procurare. Argumentor. Si servis Mariæ hoc collatum, quanto magis Dominæ illorum Virgini Deiparæ.

1. Reg. 4.

Heli tunc cadit & moritur, cùm arcam Philistæi Israelitis abstulerunt. Quare non moritur Arca in Israel habitante sed ablata? Arca Deiparæ typus fuit secundum S. Bernard. in Serm. B. V. Non igitur admiremur vitam Heli conservatam quando Arca degebat in Israël, etiamsi domus Heli extinguenda prædiceretur per Samuelem. Quamdiu enim adest alicui arca ista benedicta Virgo Deipara vivet incolumis, nam salutem ejus detinebit. Sed ubi recesserit jam mortem, jam salutis ô homo dispendium præstolare.

S. Bernard.

Dan. 6.

Os lacu in quem Danielem scelesti conjecerant Rex annulo suo obsignavit? Cur obsecro sacer textus annulo os lacu obsignatum velut rem specialem adnotavit. Per Annulum Virginem Deiparam designatam piè possumus asserere,
nam

nam in hoc Regali annulo inclusa erat gemma illa pulcherrima Christus Deus. Et amplius, quia sicut annulus est veluti digito desponsatus, sic illa Spiritu sancto qui digitus Dei appellatur: Ergo annulus os laci obsignans salutē gignit Danieli, cujus discrimen magis ab infensis Danieli Chaldæis quàm à Leonibus imminebat, ut hinc discas Deiparæ protectionem æstimare. Nam si tuam salutem tutandam susceperit, nec Leones infernales, nec diræ passiones poterunt illam in discrimen adducere.

Exod. 14.

Persequatur Pharaon Israelitas, & ecce dum adest vigilia matutina Castra Ægyptiorum Dominus interfecit. Quare affulgente Vigilia matutina? Dum affulget vigilia matutina aurora appropinquat. Cernisne mysterium? Aurora Deiparæ typus est, Bernard. Serm. 33. in Cantic. attestante: ô Homo quàm felix es si benigna hæc Aurora tibi in subsidium appropinquet. Egrediatur cum tota potestate Pharaon infernalis, persequatur, spolia detrahere meditetur, adventante huc benignâ aurorâ salus tua in tuto mirabiliter resplendet, hoste suffocato: urgebit namque Altissimum ut consurgat & adversarios te insequentes durè percutiat.

S. Bernard.

Valeria Luperca teste Aristide l. 9. Italic. ex Oraculo erat Iunoni immolanda, ad pestem averrun-


averruncandam. Et ecce devolat aquila, cultrumque victimarium abripiens, buclæ juxta templum pascenti infigit. Attulit salutem miseræ huic benigna hæc aquila, sed & tu ô Virgo superbenedicta in hoc munere, occuparis, ut salutem procures, ô quot ad mortem subeundam deputati per te aquila misericors salutem obtinuerunt fere desperatam, quot è facie Barathri per te incolumes evaserunt? Miserere mei ô Virgo piissima & meæ salutis piam curam suscipito: Nam & ego culpa mea toties in discrimen illam coniicio.

Vt salutem peccatoris efficaciter procuret Virgo Deipara, è carcere pravarum consuetudinum fatagit illum educere, sit ergo Stella XXXVI. Nomen ejus Fenestra? Quam ob causam. Symbolum consulito.



F E N E S T R A.

MARIA CAPTIVOS ELIBERANS.



I P S A D I M I S I T.

A R G V M E N T V M.

Conclusa in quopiam cubiculo aricula exultat si fenestram conspexerit adaperitam. Nam fenestra adaperita dimittit captivaram. Quadrat Deipara, nam ipsa est quæ dimittit oclusos in consuetudinis peccandi ergastulo.

A a

DIS-

DISCVRSVS.

Avicula homo est ut ad cælum volitet efformata, sed frequenter misera hæc avicula capitur, & in carcerem reconditur. Captivat ipsam peccandi occasio, captivat prava alicujus delicti consuetudo, sed consurge ô avicula, & respice fenestram, Virginem Deiparam, roga ut dominus misericordiam ejus erga te aperiat. Nam ubi illa aperuerit solvit ilico vincula colli tui. Et vide.

Dan. 6. Coniectus in carcerem Daniel primo diluculo ex illo educitur. Quare primo diluculo? Diluculo veniente exoritur aurora quæ typus est *S. Bernard.* Deiparæ, juxta S. Bernard. Serm. 33. in Cant. Bene ergo Daniel educitur è carcere ad exortum Auroræ, ubi enim affulserit aurora, Virgo Deipara, jam carceres stant aperti, jam captivi ad libertatem educuntur.

Gen. 41. Vidit Pharaon in somno fluvium. Quid postmodum? Ioseph è carcere educitur. Inquiro quare fluvii intuitumeductio Iosephi subsequitur? vel fluvio apparente ergastulum conclusos nequit amplius detinere? Ita sanè. Nam fluvius Deiparæ *S. Bernard.* imago est S. Bernard. Ser. 3. in Sal. Regin. attestante, ô verè hoc fluvio apparente carceres non subsistunt, sed coguntur vinctos gratæ reddere libertati.

libertati. Nam Virgo superbenedicta conterit illorum vectes, educitque ligatos, pravâ consuetudine precibus suis profligatâ.

Orationem Ionæ quam fundebat in ventre ceti velut in carcere existens dum expendo, video quia simulac protulit illa verba: Ut veniat ad te oratio mea ad templum sanctum tuum, Ionæ 2. eiicitur in aridam. Quare mentione templi facta, subito è carnosio carcere piscis educitur. Templum illud Deiparam designabat, ut author est S. Bonav. in Lau. B. V. Hæc ratio est igitur, cur subito exeat Ionas de carcere. Nequit enim tam validus carcer inveniri, qui subito vincitum non dimittat, ubi ad Templum hoc sanctissimum pia fuderit suspiria. Nam subito accurrit benedictum hoc templum & vinculis disruptis educit absolutum.

Indignatus tam Holofernes quàm Magnæ Iudith 6. res ejus contra Achior dissuadentem ne temere pugnare contra Israëlitas præsumerent, mandat ipsum in Bethuliam deducere, si stomachum illis movit, quare non occidit ipsum feritas Barbarica, sed alligat arbori solummodo? Imò hoc magis examino, quomodo Bethulienses audent ad solvendum Achiosem descendere, nam poterant suspicari in hoc aliquas latitare callidi hostis insi-

S. Bonav.

dias? Suppono in Bethulia fuisse castam Iudith figuram Deiparæ, D. Bona. in Lau. B. V. attestante: Ecce jam apertum cerno mysterium. Non jam diutiùs Achior colligatur, nam ad locum, in quo fuit umbra Deiparæ, devenerat, si igitur & tu durissimis gemis sub vinculis, ad Iudith, ad Deiparam, deducitor, & vincula cuncta, te dimisso, confracta diffugient.

Richard.

Hierosolymis Paschate veniente dimittebatur vincetus sacrosancto Evangelio attestante. Quare alibi hoc non legimus factitatum, sed tantùm in Hierusalem? Hierusalem typus est Deiparæ secundum Richard. de S. Laur. l. II. ubi autem adest Deipara, ibi necesse est captivos liberari: Nam captivos dimittere cõmissum est Deiparæ.

Conjecerat Basilius Macedo Imperator Leonem filium in carcerem, teste Zonara in Basilio Macedone, & ecce dum cum senatoribus accumbit mensæ, psittacus cœpit exclamare, ô Leo, Leo! audiverat enim psittacus prædicta verba à servo quodam, qui Leonis deplorans vicem ingeminabat, ô Leo, ô Leo! Tum senatores arrepta occasione ex gemitu aviculæ pro salute filii deprecantur & impetrant. Quid aliud tu facis ô Deipara Virgo, coniicitur miser homo in carcerem, vel pœnæ vel pravæ consuetudinis inolitæ eò quòd fuerit ausus

ausus contra DEVM parentem suum peccando, insurgere. Sed tu ubi emittis deprecantem vocem tuam, statim misericors pater ignoscit delinquenti, solvit eum à peccati vel pœnæ ergastulo, & amoto squalore carceris grata filiorum donat libertate. Sis in sæculum pro tanta pietate benedicta.

Passiones quæ hominem peccatorem in carcerem pravarum consuetudinum coniecerant, ad bonum Deipara convertit moderando, efficitque, ut quæ illi nocumentum adferebant, adferant postmodum magnum bonum nempè meritum, sit ergo Stella XXXVII. Nomen ejus quare Theriaca Symbolum vide.



THERIACA.

MARIA MALA TRANSMVTANS
IN BONA.



NOXIA PROSINT.

ARGVMENTVM.

Serpentes & alia venenata sunt noxia, attamen humana industria cum ex illis theriacam confecerit, efficiet ut prosint venenata aliàs nocitura. Quadrat Deipara, mala enim precibus suis in bona vertit efficietque ut non solum non noceant verùm etiam sint proficua.

DIS-

DISCVRSVS.

MAla innumera conspirant ad hominem disperdendum. Mala ista sunt occasiones peccandi, morbi, ærumnæ, passiones, & alia his similia, sed noli metuere ô homo invoca Virginem Deiparam ipsa veniens mala in bonum tuum trasmutabit. Ostendo.

Legimus Apoc. 4. de Throno fulgura & tonitrua processisse, & non legimus aliquod nocumentum intulisse, imò post fulgura & tonitura animalia Deo dant gloriam, si fulgura & tonitrua sunt nociva, quare inibi non subsequitur illa aliquod nocumentum? Erat ibi mare vitreum quod Virginem Deiparam designat. Nam mare erat, sic appellat illam S. Bonav. in Spec. B. V. vitreum erat mare, nam tota pura & pellucida fuit. Non igitur admiremur fulgura & tonitrua nocumentum non intulisse, sed potius laudem Deo animalia deferre. Nam mutat mala in bona Virgo Deipara.

Postquam filium Sephora circumcidit illum sponsum sanguinum appellavit. Quomodo tam subito puer ille fit sponsus, & sanguinum sponsus, quem non ita pridem velut abominabilem interficere

ficere volebat omnipotens? Sed facilis resolutio quæstionis. Sephora per quam Deiparam possumus asserere adumbratam, nam filius quoque ejus sponsus sanguinum appellatur, Sephora, inquam, in manus eum assumpserat. Non enim est possibile, ut malum in bonum non transeat ubi Sephora adfuerit Virgo Deipara.

Exod. 14.

Dum insequeretur Pharaon Israellem jubet Deus virgam contra mare extendere. Quare virgam jubet extendere? Imminebat Israëlitis grande malum, nempe mare transitum præpediens, & ideo jubet adhibere virgam, quæ typus erat Deiparæ, secundum S. Ambros. ad Siric. Pap. ut malum illud in bonum convertatur. Et sanè feliciter transmutavit: nam non præpedivit illos vastum mare sed adjuvit, operuit enim illorum inimicos & submersit.

S. Ambros.

1. Reg. 4.

Pergens Israël contra Philistæos accepit secum Arcam, Sed proh dolor, non solum fugatur exercitus, verum etiam & Arca captivatur. Vehementer obstupesco quare Dominus permittit capi Arcam illam, quam tantis honoribus præceperat cumulandam? Sed desinamus admirari, mysterium videamus & fateamur, optimum hoc fuisse optimi Dei adinventum. Attendite: Magnum tunc in Israëlitas malum ir-

ruerat

ruerat, dum non solum militem amiserunt, verum etiam grandem ignominiam reportarunt, & ideo ut grandia illa mala in bonum commutentur, vadit Arca ad Philistæos, capi se permittit, ut & plagam illatam recompenset, & ignominiam convertat in gloriam. Et profecto illatam cladem egregie compensavit, nam inflixit plagas multas Philistæis, vertit & ignominiam in gloriam, nam quanta gloria in Israelitas redundavit dum illorum Arca Dagon Deum Philistæorum destruxit, dum muneribus & honore captam vel inviti restitunt. Sed, obsecro, quare per Arcam omnipotentem allubuit mala illa in bonum transmutare: Arca Deiparam designat, sic S. Bonav. in Spec. B. V. Bene ergo, bene arca ad mala in bonum transmutanda destinatur, ut videamus hoc esse officium Deiparæ.

S. Bonav.

Benadad Rex Syriæ irruens cum horribili exercitu ad obsidendam Samariam, castra posuit in montibus. Quare Deus, sine cujus nutu nihil geritur, ordinavit ut in montibus exercitus ille locaretur? Decreverat Dominus ut exercitus ille gloriose ab Israelitis fugaretur; malum quod superbus Benadad minabatur in bonum & gloriam transiret, & ideo collocandum ordinavit in montibus, ut ostenderet montem vim habere ad mala

3. Reg. 20.

in bona transmutanda. Quem montem? Mons
 S. Gregor. Deiparam adumbrat juxta S. Greg. 1. Reg. 1. Huic
 monti sanctissimo cum contulit omnipotens
 mala in bonum convertendi. Hoc & ipsi adver-
 sarii confessi sunt dum dixerunt: Dii montium
 sunt Dii eorum.

Psal. 134.

Adfero & illud Psalmistæ Psal. 134. Fulgura
 in pluviam fecit adfero, sed inquirō, cur fulgura in
 pluviam fecit, & non in aliud? Fulgura rem terrifi-
 cam significant, pluvia salutiferam & terræ profi-
 cuam. Ecce commutati fulguris in pluviam my-
 sterium. In nube ista peraquatur; nubes autem
 S. Ambros. imago est Deiparæ, juxta S. Ambros. 15. Instit.
 Virg. ubi autem adstiterit nubes hæc benedicta,
 jam nociva, jam terrificam in salutaria transeant
 est necesse.

Onesillo Regis Cypri caput, supra urbis portam
 ludibrii causâ Anathusii suspenderant. Sed ve-
 niens examen apum, in illud mella veluti in fa-
 vum congestis. Hoc factō permoti incolæ, insuper
 & moniti oraculo illud honorificæ mandarunt
 sepulturæ, ac quotannis Onesillo ut heroi sacra
 decreverunt. Hoc testatur Pierius lib. 26. cap. 3.
 Malum illud ludibrii in honorem verterunt api-
 culæ. Sed & tu ô Cælestis apicula! ô superbenedi-
 cta Virgo, quod aliud quoque facis? Conantur ir-

ruentia

ruentia mala hominem confundere & ferè in nihilum redigere. Sed quando tu ô apicula Cælestis affulseris & fovere miserum illum inceperis, subito mala illa in bona, & ignominia ex illis proveniens in summum honorem commutantur. Benedictus sit Omnipotens qui tuam potentiam adeo sicut mirabilem ut ex malis magna bona faciat pullulare.

Conversis ad bonum malis passionibus Dei para jam inducit sensim in cor hominis fastidium quoddam, non solum illicitarum voluptatum, quibus ante homo tam avidè inhiabat, verùm etiam & licitarum, imò & omnium terrenorum. Sic ergo Stella XXXVIII. Nomen ejus sit Poculum abstemium. Rationem ejus vide in Symbolo.



POCVLVM ABSTEMIVM.
 MARIA TERRENORVM FASTIDIVM
 INDVCENS.



NON BIBES AMPLIVS.
 ARGVMENTVM.

*Teste Majolo Colloq. 9. de Piscibus, vinum in quo anguilla fuit suffo-
 cata bibens, vini tedium concipiet. Quod et Desparæ, ipsa enim
 res terrenas sic condit, ut fastidium illarum inducat in animam.*

DIS.

DISCVRSVS.

REs terrenæ humanum alliciunt affectum & quidem adeo, ut vesanus homo præferat illas ipsi Deo, sed adest remedium, invoca Virginem Deiparam, ipsa ubi curam tui susceperit terrenorum subito inducet fastidium. Attendito.

Dum horrida illa signa antecedentia diem Iudicii grassabuntur, mandat Christus suos tunc electos capita elevare, dicens: Levate capita vestra. Imò Domine demissis capitibus obambulent ruinam mundi tam pulchri deplorantes: sed merito terrenis rebus ruentibus capita IESVS mandat elevanda, nam si caput attollent cælum aspectabunt, qui autem cælum (quod imago est Deiparæ, S. Germ. Const. in Psal. 44. attestante) aspectabit, non tristabitur cernens terrena corruiere, nam Cælum istud benedictum inducet in animū ejus fastidium terrenorum, quod illa tempestate erit necessarium summopere.

LUCA 21.
S. Germ.
Const.

David 2. Reg. 7. coram Nathan Propheta conqueritur, dolens se in domo cedrinâ habitare. Quare conqueritur, imò tripudiet cernens Regiam ita magnificam? An ideo Regiam illam pulchram aspernatur, res quæpiam in ipsa deposita

2. Reg. 7.

fastidium ejus gignit in animo? Conceperat fa-
 teor pulchræ domus fastidium, sed unde? Subin-
 tulit sacer textus, vidésne quòd ego habitem in
 domo cedrina & Arca Dei posita sit in medio pel-
 liū. Istud, istud fastidium instillat cordi ejus mag-
 nificentix temporalis, Arcæ nimirum memoria.
 Nam Arca adumbrat Deiparam juxta S. Bonav.
 in Spec. B. V. non autem est possibile ut in ani-
 mum veniente Deipara terrenorum quoque non
 veniat fastidium. Non, inquam, est possibile, nam
 qui recordatus fuerit in quanta paupertate vixit
 Arca ista benediéta, ut subito ad aspernanda cun-
 cta mundi bona non exardescat.

S. Bonav.

2 Reg. 6.

Idem David cur deducens Arcam saltat, nam
 est contra Regiam majestatem? Arca, typus Dei-
 paræ, fecit illum fastidire regalem dignitatem &
 præferre illi exhibitum Arcæ obsequium.

Matth. 2.

Stella Magos ad Christum ducens duxit ad
 stabulum. Quomodo ad stabulum. Ergone in
 stabulo chlamyde pulchrâ conspicui procumbent
 adoraturi puerulum? Stella illa Deiparæ typus
 fuit, ut asserit Seraphicus Bonav. in Spec. B. V. ad
 stabulum deducit Reges Stella ista, ut ipsis Chri-
 sti Regis Regum paupertate exhibitâ ingerat fa-
 stidium terrenorum. Et profectò ingessit sælici-
 ter, nam obliti & sapientix & regix dignitatis,
 procedentes

S. Bonav.

procidentes adorant degentem in stabulo vili puerulum. O vim inæstimabilem Deiparæ.

Videmus aves non libenter in terra demorari, Gen. 1. sed in aëre in arboribus, terram verò attingunt cibum necessarium accepturæ. Obsecro, quare aves terram adeo aspernâtur? Ex Genesi didicimus volatilia ex aquis processisse. Aqua autem imago est Deiparæ, sic Richard. Richard. l. 9. Hoc habito jam patet cur terrena fastidiant. Aqua hoc impressit illis fastidium, cujuscunque enim aqua hæc benedicta Virgo Deipara, Mater extiterit, jam terrena aspernetur est necesse.

Cùm appropinquaverat finis vitæ David non legimus ipsum à Domino vitæ prolongationem petiisse. Sed tantùm præscribit Salomoni aliqua in gubernando exequenda. Quare non supplicat ut aliquod tempusculum curriculo vitæ suæ adii-
ciatur cùm homini sit naturale id expetere. Imò hoc magis expendendum, neque contristatum sacer textus commemorat. Duxerat David Abisag Sunamitidem per quam figurabatur Virgo Deipara, secundum Richard. Richard. de S. Laur. lib. 5. & ideo non debet vitæ suæ advenisse periodum, ubi enim vel umbra astiterit Virginis Deiparæ, jam necesse est omnium rerum temporalium inibi fastidium consurgere. Tam valida est vis Deiparæ.

Apud


Apud Indos tractus est Phalacra sive calvus appellatus, ex illo si aliquod animal herbam degustarit & pilos & cornua amittit, teste Æliano lib. 8. cap. 15. de Animal. Talis ager tu ô Virgo superbenedicta, ubi enim tu pastum homini porrexeris animali, statim ejus pili, affectus nimirum terreni, depereunt, superinducis etenim subito in animum ejus sanctum vanitatum terrenarum fastidium. Obsecro & ego & supplico humilimè, pasce & me animalem pastu tuo, ut etiam in me pili pravorum ad terrena affectuum ope ejus evanescant.

Si iterum hostis conetur impugnare hominem terrena fastidientem aliquo ipsorum desiderio insufflato, ad debellandum hostem præbet arma Deipara, sit ergo Stella XXXIX. Nomen ejus sit Armamentarium.



ARMA-

ARMAMENTARIUM.
MARIA ARMA MINISTRANS.



TV TAMEN TOLLE.
ARGUMENTVM.

In armamentario arma plurima sunt & varia, arma ad aggrediendum hostem, ad tutandas Civitates, & ideo Reges ad bellum non exeunt nisi ex armamentario arma varia acceperint. Quadrat Deipara, nam in ipsa mille Clypei pendens & omnis armatura fortium tam ad aggrediendum quam ad retundendum hostem proficua.

DISCVRSVS.

Bellum est vita præsens, & bellum cum hoste armis terribilibus obarmato, quibus resistere quàm sit difficile multorum interitus & vulnera attestantur, sed jam non metuimus arma tua, ô hostis improbe! apparuit armamentarium singulare. Quod? Virgo Deipara, ipsa arma valida subministrabit ad improba arma tua destruenda. Et videto.

4 Reg. 6.

Videns puer Elisei exercitum circumdedisse civitatē extimuit. Volens autē Eliseus illū à timore liberare, supplicavit ut Dominus oculos pueri aperiret. Annuit, qui justorum debite fusas preces non renuit, & conspicit puer montē plenū equorum & curruum igneorum, sciscitari fert animus, cur in monte apparent arma illa cælestia? Mons

S. Gregor.

Virginem Deiparam designat, sic D. Greg. 1. Reg. 1. Ideo ergo mons ministrat arma illa ad defensionem Prophetæ præparata, ut cognoscamus Virginem Deiparam, armamentarium esse arma subministrans, quibus servi sui & protegantur & vincant inimicos.

Iosue 10.

Insequebatur Iosue quinque Reges fugitantes, & subditur, quòd Dominus miserit super eos lapides

pides magnos de Cælo. Quòd miserit lapides, non admiror, nam Dominus pugnat pro famulis, sed expendo, cur additum de Cælo? Cælum representat Deiparam, asserente S. Germ. Const. in Psal. 44. Ergo bene sub illatum de Cælo arma illa, quibus hostes compressi sunt fugitantes, defluxisse: nam Deipara Virgo benedictum hoc Cælum velut armamentarium plenissimum, arma hominibus subministrat, quibus hostes validissimos concutiant.

S. Germ.
Const.

David Philistæum gigantem aggressurus, accepit quinque limpidissimos lapides de torrente. Quare non ex alio loco, sed ex torrente? Torrens Deiparam designare potest, sic Richard. l. 9. Et meritò, nam sicut torrens coalescit solùm ex aquarum defluxu cælestium, nivalium nempe vel pluvialium, sic in Deipara, non aliud invenisses nisi aquas cælestium gratiarum. Ecce ergo mysterium, ut superet parvus David grandem illam turrim carneam, recurrit ad torrentem, ad umbram Deiparæ, ipsa namque insuperabilia arma suis subministrat.

1. Reg. 17.

Richard.

Idem David 1. Reg. 21. fugiens à facie Saul venit ad Achimelech & accepit gladium ab illo è tabernaculo. Quomodo præsumit justus gladium è tabernaculo accipere? Tabernaculum Deiparæ

1. Reg. 21.

Richard.

umbra est teste Rich. lib. 10. Laudo ergo Davidem quòd in tabernaculo isto arma poscit, nam ad hoc est constitutum ut sit armamentariū, dans arma ad vitam propugnandam fortissima, unde & intulit David de gladio illo : Non est huic alter similis.

S. Gregor.

Curiosius propono quare de montibus metalla eruantur? Mons Deiparæ typus est, sic D. Greg. 1. Reg. 1. metalla autem sunt materia ad arma fabricanda deserviens. Dum igitur mons metalla subministrat, instrueris Deiparam suppeditare armaturam, quâ superes hostem & conatus ejus concidas pestiferos.

Cùm Kemetus Rex Scotorum Fenellæ filium è vita sustulisset referente Cardano de rerum variet. l. 12. c. 56. statuam arte mira fabricari Tenella jussit, in cujus manu pomum aureum gemmisque refertum deposuit, quod quicumque tetigisset statim multis jaculis foderetur, hocque astu invitatum Kemetum, nilque mali suspicantem interfecit. Providit & te nobis ô Virgo DEVS Omnipotens, ut arma invisibilia contineas, quibus hostem nostrum adductum ad te perimamus, ô quàm feliciter his armis superamus, quàm sine labore & sudore celebrem de illo reportamus victoriam, volo igitur & ego hostes meos ad te, ô Domina

mina! adducere, tu arma invisibilis adjutorii subministra, quibus hostes mei cadant interempti.

Post hostem superatum armis ministratis ad magna promovere illum incipit utpote victorem Deipara: sit ergo Stella 40. Nomen ejus sit Cornu olei. Quare autem, ex tertio conceptu hujus Symboli deprehendes.



CORNIV OLEI.

MARIA AD MAGNA
PROMOVENS.



FERET IPSA SVRSVM.

ARGVMENTVM.

*Beneficio Scale admota in altum excurrit homo. Quadrat
Deiparæ, nam viles erexit ad sublimia.*

DIS.

DISCVRSVS.

ALta homo desiderat, sed obtutu sunt difficultia, nam pluribus præpedita, verum unicum inuenio, quo adhibito, magna assequeris. Quod? Cornu Olei, Deiparam. Hoc si te perunxerit ad summa promovebit. Rem ostendo.

Lectitans obstupui Mardocheum derepente ad tantam evectum dignitatem, ut sublimis princeps Aman equum ejus tenens per plateam circumducat, sed desino admirari. Ad januam enim Regis tum temporis morabatur. Et quid inde? Sane multum, Janua palatii designare potest Virginem Deiparam, juxta illud Ecclesiæ: Tu Regis alti janua. Merito ergo sublimatio subsequitur manentem ad januam. Nam qui coluerit hanc januam, benedictam Deiparam; ad summa, promovente prece ejus, evehetur.

Dum tribus Israël terra sorte dividitur sorte primam lego Benjamin ascendisse, Benjamin postrema tribus erat, quomodo ergo sortem primam obtinuit, & utique illo disponente, in cujus manu sortes nostræ. Suppono tribus Benjamin Matrem fuisse Rachel, illam Rachel, quæ juxta Rich. l. 4. adumbrat Deiparam. Ex hoc intelligentiam

Esther 2.

Ecclesiæ.

Iosua 18.

Richard.

gentiam tenemus mysterii. Postrema tribus ad primatū sortis evehitur, nam Deipara annicitur ad magna suos filios promovere etiamsi mundo despecti & postremi appareant.

Ad Regiam dignitatem ut quispiam evehatur oleo inungatur est necesse. Quare Omnipotenti non aliud medium assumpsisse ad constituendos Reges allubuit, sed oleum? Oleum secundum *S. Ambros.* Ambros. c. 13. Instit. Virg. Virginem Deiparam adumbrat. Quicumque igitur ad Regiā dignitatem est evehendus, oleum evehet illum, nimirum Virgo superbenedicta.

Post obitum Moysis in locum ejus Iosue subrogatur. Res admiratione dignissima, famulum in Domini succedere dignitatē: Nam populus quanti hunc Principē reputabit quem principis famulum nuper agnoscebat, & præcipuè eum tot principes egregios in Israël & dignos imperio conspiciat? De Iosue hæc narrat sacer textus *Exod. 33.* Minister ejus Iosue filius Nun puer non recedebat de Tabernaculo. Non igitur admiremur cultorem Tabernaculi singularem ad summā dignitatem assumptum; Tabernaculum enim typus est Deiparæ, ut asserit *Rich. l. 10.* Qui autem speculius colit Deiparam summa obtineat est necesse, nam cultores suos ad magna promovet magna Deipara.

Aquila

Aquila rex omnium avium nuncupatur. Quare non alia avis vel vastior vel pulchrior hunc obtinuit principatum? Aquila habet quandam cum sole sympathiam, hinc & pullos ad solem adigit contuendum, & si quempiam oculos ab obtutu solis conspexerit avertentem tanquam adulterinum averfatur. Hinc propositæ patet resolutio quæstionis. Sol Deiparæ imago est, S. Bonav. in Spec. B. V. attestante. Iure merito ergo aquilæ defertur avium principatus, solem impensius diligenti. Nam Deiparam diligentes, summæ obtinebunt dignitatis fastigium.

Omitto quòd Moyses dum est in deserto promoteatur ad principatum populi educendi ex *Exod. 3.* Ægypto. Quòd Eliseus ad Iordanem ad Propheti- *4. Reg. 2.* cam dignitatem sustollitur. Quòd Salomoni *3. Reg. 1.* Regnum à Davide ad instantiã Bethsabæ collatum sit. Quòd Ioseph fiat Ægypti præpositus, eò quòd Solem Lunamque conspexerit. Quòd *Genes. 37.* Iacob apparente aurora ad sublime nomen Israelis, id est, videntis Deum, evehatur, qua dignitate quid sublimius? Nam & desertum & Iordanis & Bethsabæ & Sol cum Luna, & aurora Deiparam designant, cum ipsius sint tituli. *Genes. 32.*

Vrbs Osacci in Orbe novo, teste Ferdinando Mendez & Majolo Colloq. 23. est ideò opulenta,


ut in ipsa cives Reges, fæminæ Regina, filii ipsorum Principes nuncupentur: magnæ profectò dignitatis hi tituli. Sed multò ampliores cõsequuntur per se servi tui ô Maria! Omnis enim cultor tuus, ô urbs beatissima Hierusalem, Virgo Deipara, Princeps est. Rex est, Imperator est, tu enim ô Virgo, dum discolas ipsi subdis passiones, an non ad Regiam ipsum promotes dignitatem, an, non dum impetras illi gratiam sanctificantem, an, inquam, non evehis ipsum ad Imperatoriam majestatem, ut nimirum verus sit Cæli terræque Imperator, utpote qui filius Dei adoptivus efficitur? Desidero & ego honores, sed æternos non caducos: illos, inquam, honores, pro quibus gratiarum laudes illi ingeminant qui dicunt, & fecisti nos Deo nostro regnum & Sacerdotes: Ad honores istos promove & me, ô Domina mea dulcissima, nam & ego tuus cultor impensus esse desidero.

Apocal. 5.

Qui ad magna à Deipara promoti sunt, non consueverunt filiis divitias temporales congregare, unde hæreditatis loco aliquando illis relinquunt egestatem, sed non deserit illorum pupillos Deipara, accipit ipsos & benignè complectitur: sit ergo Stella XLI. Nomen ejus sit Fiscella. Quare autem? ex tertio conceptu hujus Symboli intelleges.

FISCCEL-

FISCELLA.
 MARIA PUPILLORVM
 CVRAM GERENS.



SIT TIBI CVRA MEI.

ARGVMENTVM.

Non potest melius adumbrare pupillum quàm avicula inclusa in cavea, nam & progenitoribus manet elongata, & sui non habet potestatem, & quocunque indigeat, totum illud de manu respicit curatoris. Et ideo si rationis compos esset, compellaret his verbis curatorem, sit tibi cura mei. Quadrat Deipara Symbolum, nam ad ipsam pupillus vocem studeat sustollere, ebservando sit tibi cura mei. Est enim universalis sed provida tuatrix pupillorum.

DISCVRSVS.

OMnes sumus pupilli tam senes quàm iuvenes: Pater enim noster in cælis, Mater terra quidem in prospectu, sed post scelus in paradiso perpetratum, ex Matre versa est in novercam, spinas enim & tribulos progerminat: Imò & illa Hierusalem altera & melior Mater nostra sursum est. Sed providit Altissimus pupillis patronam summè bonam. Quam? Virginem Deiparam. Et videte quam sedulam pupillorum curam gerat, hæc patrona.

Corvus nequissimus deserit pullos suos. Quid Dominus? Præbet escam derelictis, non admiror, nam ille est qui aperit manum suam, & implet omne animal benedictione, sed quòd rorem præbeat loco edulii, hoc examino, nam latitans in hoc cerno mysterium. Cur igitur rore pascit? Ros Deiparam adumbrat, sic asserit S. Germ. Const. in Encom. Deip. Iam in promptu ratio, cur porrigat pullis derelictis tale edulium, vult enim ostendere Virginem Deiparam gerere curam sedulam pupillorum. Et ideo simulac conspexerit aliquem orbatum parentibus, accurrit Ros iste benedictus, fovet, nutrit, sustentat & cunctis satagit necessariis cumulare.

Sequens

Sequens messorum vestigia Ruth Moabitibus Ruth 2.
 spicas colligebat derelictas: Obsecro, quare Ruth
 ad alium laborem se non contulerit, quo victum
 uberiores acquireret? Nunquid enim spicis de-
 relictis Ruth poterit sustentari? Ruth figura erat
 Virginis Deiparæ secundum Bonav. in Spec. B. S. Bonav.
 V. per spicas autem derelictas possumus pupillos
 interpretari, nam improba falx mortis abripit ab
 eis fratres, consanguineos, velut ex eodem grano
 vel radice comprodeutes spicas. Hoc viso cerni-
 mus & rationem mysterii, quare Ruth contulerit
 sese ad spicas derelictas. Iam enim tunc à longè
 affectus Deiparæ erga derelictos signabatur, quo-
 modo nimirum foret egressura, ut pupillos be-
 nignè colligat derelictos, & conculcari non sinat,
 quos humana inhumanitas velut abjectos & ipre-
 tos derelinquit. O summam Deiparæ pietatem!

Compulsa mœsta Mater Moysen infantulum Exod. 2.
 suum demittere in flumen, fiscellæ inclusum scir-
 pæ posuit in carecto. Quare in fiscella ipsum de-
 posuit. Per fiscellam possumus piè asserere Dei-
 param adumbrari, nam in ipsa repositus erat de-
 missus in hujus mundi flumen CHRISTVS, qui per
 Moysen juxta Greg. Nyssen. de vita Moysis fi-
 gurabatur: Ergo advertite cur fiscellæ pupillus
 Moyses committatur, omnes enim pupilli Vir-

Gregor.
Nyssen.

gini Deiparæ sunt committendi, nam ad suspi-
ciendos illos excubat continuò, sed felix es ò pu-
pille, si huic fiscellæ committaris, nam non solùm
curam tui suscipiet, verùm etiam te in Regali fo-
vebit palatio: Hoc enim in Moysè cernis adum-
bratum.

Ruth 1.

Orbata & marito & duobus filiis Noëmi cu-
piens redire in Bethleem duas nurus suas ad re-
manendum hortabatur, verùm ipsæ abnuunt, ip-
samque nituntur comitari. Quid faciunt, obsecro,
hæ viduæ, itâne potiùs eligunt patriam relinquere
charissimã, cognatos deserere, in terram peregri-
nari alienam, quàm à Noëmi separari? Noëmi
Deiparam Virginem adumbrat juxta S. Bonav. in
spec. B. V. & meritò, nam verè fuit pulchra. Be-
ne ergo viduæ illæ nolunt recedere à Noëmi;
nam nequeunt orbari patronum invenire melio-
rem quàm omnium Matrem pupillorū Virginem
Deiparam. Et profectò non sunt defraudatæ; nam
postmodum Ruth Booz potenti magnarumque
opum matrimonio est copulata.

S. Bonav.

S. Ambros. II.

Populo Israel moranti in deserto manna de-
mittitur, in deserto cadit manna? Quare manna
& non alius cibus datur ipsi? Manna Deiparæ ima-
go est secundū S. Ambros. in Ps. 21. populus autem
ille pupillos repræsentat, nam positus in deserto,

S. Ambros.

nec

nec domū, nec patriā adhuc possidebat destinatā. Quā convenienter ergo illi manna demittitur. Nam Virgo Deipara, simulatque aliquem pupillū conspexerit subitò ad nutriendum illum delabitur. Sed expendite quā pupilli illi fortunati, quamdiu manna illos nutriebat, simulatque autē illam sunt aspernati, erumpens ira Dei durè illos devastavit: Ergo ô pupille hanc nutricem, nutricemque simul piissimam non floccipendas, nam omne malum desertores ejus apprehendit.

Nec illud absque mysterio, quòd Noemi ducat ad Bethleem nurus suas, nēpe ad domū panis, pupillos enim Virgo Deipara non solū aufert secum, verū etiam nutrit pane abundantanti. Nec & illud, tunc Rebeckā ad Isaac appulisse, cū mors genitrice illum orbaverat, ad Orbatos enim accurrit statim Deipara, cujus typus Rebecca erat, S. Bernard. Sermon. de B. V. attestante.

In insula Ombrio, quam nostri Ferream appellarunt, teste Ovet. Hist. l. 2. cap. 9. nec pluvia, nec flumina, nec aliquod aquarum genus invenitur; attamen mira & benigna providentia Dei, quondam ibi arborem est elargita, quæ ante solis ortum quotidie tum à stipite, tum à ramis velut fontes quosdam aquam emittit ita copiosam, ut & hominibus & jumentis abunde sufficiat. Typus tui ô Virgo superbenedicta est arbor ista: Per sæpe
 contin-

contingit ut pupilli nec pluviam favoris nec alia ad sustentationem vitæ necessaria queant invenire, velutque ferream & implacabilem fortunam experiantur. Sed tu ô Arbor pulcherrima, arbor quæ fructum benedictum genuisti ades subito & abundantiam rerum omnium illis provides, & non solum opitulatur illorum indigentia miræ pietas tua semel ac iterum, sed simulatque aliquem ex illis sub tuam assumpseris curam, nunquam cessas omnem abundantiam illi providere. Suscipe & me, ô provida patrona, nam & ego pupillus sum, exulo namque à Patre meo, qui in cælis est, tu ergo mihi sis Mater, sis patrona, sis in omnibus curam mei suscipiens.

Illi, quos ad magna promovit, quia non sunt adhuc extra periculum, summos enim feriunt fulmina, procurat Deipara ut securi persistant in culmine: sit ergo Stella XLII. Nomen ejus sit Nidus Alcyonis. Rationem vide in Symbolo.



NIDVS ALCYONIS.
 MARIA SECVRITATEM
 GIGNENS.



Jean Thomar delin.

Asseman's Sculp.

SILEAT NVNC TVRBIDVM.
 ARGVMENTVM.

Quando Alcyon in mari nidificat tunc magna est in mari securitas, est enim quietissimum toto tempore quo Alcyon pullos fovet. Quadrat Deipara, illâ enim adstante adest & summa serenitas.

E c

DIS.

DISCVRSVS.

N Vllibi invenio securitatem veram, nam & amici plurimis necem intulerunt, & parentes multi suos filios occiderunt, & præcipuè confirmat illud Apostoli I. Thessal. 5. cum dixerint, pax & securitas, tunc repentinus eis superveniet interitus. Sed maeste animo, aderit vera securitas, tantùm adsit Virgo Deipara, ipsa namque imperturbabilem securitatem progignit. Ostendamus.

Gen. 27.

Cupiens pia Mater Rebecca filiũ suum Iacob ab ira in dignantis Esau reddere securũ mittit illũ in Mesopotamiam. Quare non ad alium locum? vel Mesopotamia non est locus securior? Ita profectò, nam in Mesopotamia erat Rachel adumbrans Deiparam secundum Richard. l. 4. ubi autem adstiterit vel umbra Deiparæ, jam omnis inibi vigebit securitas.

I. Reg. 24.

David persequentis declinans furorem Saulis fugit in Engaddi, si metuit quare non præoccupat aliquod fortalitium benè præmunitum, intra quod sese recipiens, hostem eludat vitæ suæ inhiantē? Engaddi loca securiora erant quolibet fortalitio inaccessiblei; nam in ipsis vineæ erant Deiparam adumbrantes (ô verè adumbrantes, nam ex ipsa processit

processit botrus Cypri dilectus noster Christus IESVS) laudo igitur & applaudo illuc Davidem sese recepisse fugitantem, nam sub umbra Deiparæ imperturbabilis gignitur securitas.

Ut aromatibus ungant sepultum Salvatorem egrediuntur ad monumentum valdè mane tres Mariæ. Si aliquid stuporem exigit, certè hic ausus Mariarum. Nam quomodo meticulosæ naturaliter mulierculæ præsumunt tendere ad Sepulchrū, cū & militem sciant excubantem, & implacabile odium Iudæorum contra Christum durans adhuc? Quid si spoliabuntur vestimentis à milite, quid si à rabie Iudaica in carcerem detrudentur? Grandis certè ausus, grandis fiducia, grandis in aggreudiendis tot impendentibus periculis securitas. Quid igitur illas tam securas reddiderat? Sed facile causam securitatis coniicio; Cognatæ erant Deiparæ, igitur securitas illos comitatur, nam cognatos suos Deipara cumulat securitate singulari. Coniicio autem ex nomine, nam vel nomen Mariæ securitatem progignit.

Demittendus Daniel in lacum Leonum non lego quòd aliàs amicissimo sibi Regi supplicaverit, ut decretum illud moderari dignaretur. Vnde, obsecro, tanta illi securitas, ut sibi non timeat à rabidis leonibus & adhuc famelicis. Præmiserat

Daniel. 6.

facet textus Daniele fenestris apertis orationē coram Deo effudisse: Ecce securitatis ejus rationem. Fenestram Deiparæ typum esse piè possumus asserere. Sic appellat illam S. August. 15. de Temp. Fenestra ergo adapertha securum Danielem reddiderat, & ideo feros Leones non metuit, nam cùm aperuerit vim suam fenestra, benedicta Virgo Deipara, securitatem magnam confert suis cultoribus.


Moyſes tot plagis durissimis Ægyptum affligebat, & tamen non metuit. Imò quomodo non consurgunt Ægyptii vel Rex ipse ut ipsum exquisitis torqueant suppliciis, cùm videant ipsum tot patriæ suæ damna inferentem? Habebat in manu S. Ambros. Virgam Moyſes, quæ secundum S. Ambrosium ad Siricium Papam Deiparam adumbrabat, & ideo cor ejus est securum, immuneque ab omnibus periculis. Nam cui adstat Virgo Deipara Virgo debellans Ægyptum infernalem, summâ talis securitate vallabitur.

In Australi Momonia referente Eusebio Nierembergio l. 2. cap. 12. de miraculosis naturis in Europa, locus quidam est, ad quem consueverunt feræ confugere, dum à canibus venaticis infestantur. Res miranda simulatque feræ intra locum illum sese receperint ilico canes cursum sistunt, nec
feras

feras insequuntur. Longè adhuc securius asylum tu es ô Virgo Deipara; ausim enim dicere, simulatque quispiam ad te confugerit, jam venatici canes infernales attingere ipsum non præsumunt, sed cursum suum sistunt mirabundi, cernentes tam immensam protectionis tuæ virtutem, ô Virgo & ego sub, umbram alarum tuarum ex toto corde confugio. Suscipe me ô superbenedicta & suscipe donec tota canum quæ me insequitur transeat iniquitas.

Non solum securitatem illis procurat Virgo superbenedicta, verumetiam & debita illorum tam antiqua quàm nova, si quæ fortè superfuerint, studet abolere; sit ergo Stella XLIII. Nomen ejus quare Spongia sit loquitur Symbolum.





PRÆSTOLOR VT DELEAM.

ARGUMENTVM.

Consueverunt homines tabulam in cubiculo appendere, in qua inter alia & debita annotantur. Huic appendunt & spongiam, ut abstergat scripseram, & ideo spongia, cum ad abolendum sit instituta, semper desiderat abolere. Quadrat Deipara, nam continuò inuigilat, ut debita nostra aboleat, remissionem impetrando.

DIS-

DISCVRSVS.

Multa homo contrahit debita quotidie quæ Dominus annotat diligenter. Hinc B. Iob scribis enim contra me amaritudines, & consumere me vis peccatis adolescentiæ meæ. Vis ô homo quantocyus aboleri, ut debita tua aboleat bonus sed & iustus Dominus? Ad Spongiam recurrere ad Virginem Deiparam, sic enim nuncupatur à Rich. de S. Lau. l. 12. Hæc sponsia benedicta tua debita velociter abolebit. Rem comprobo.

Quando increverat malitia hominum super terram venit aqua diluvii. Quare non alio modo mundum castigare voluit omnipotens, sed per aquam? contraxerat multa debita tunc orbis propter malitiam inhabitantium in eo, & ideo ad debita illa abolenda aqua adducitur. Aqua enim Deiparam adumbrat juxta Rich. l. 9. & ideo si debita sentis te contraxisse, aquæ hujus illapsum implorato, nam illapsa cuncta etiam gravissima debita abolebit.

Genes. 7.

Richard.

Exercebant negotiationem in templo Hierosolymitano ementes & vendentes, sed adveniens Christus, utrosque durè increpavit & ejecit. Quare, obsecro, negotiationem in templo non permisit cum

Matth. 21.

S. Bonav.

cùm ex se non sit mala. Vbi negotiatio ibi & debita contrahuntur, in Templo autem nequeunt debita perdurare, nam Templum Deiparæ typus fuit, ut asserit S. Bonav. in Laud. B. V. Deipara autem non patitur debita in sua præsentia perdurare, sed precibus delere illa allaborat. Ob eandem rationem nec judicia licet actus sint justitiæ exercentur in Templo, nam & in judiciis aliqui se obligant.

Beda.

Commune istud fuit ut pœnitentes Dominum pro peccatis deprecantes in terra se prosternant. Quare? Terra Virginem Deiparam adumbrat teste Beda in 2. Genes. Bene ergo, bene remissionem peccati exposcentes ad terram ruunt, ubi enim aderit Virgo benedicta, jam durare debita non poterunt, procurabit namque terra ista sanctissima illa abolere.

Iosue 7.

Fugatis tribus millibus pugnatorum à viris urbis Hai, Iosue pronus cecidit coram arca Domini. Quare coram arca se prosternens Dominum deprecatur, vel ubique non est Omnipotens? Arca Deiparæ typus est. Sic S. Bernard. in Serm. B. M. Non igitur absque mysterio coram Arca provolutus Iosue describitur, jam tunc edocere nos placuit Altissimo quomodo ad Deiparam sit illi recurrendum, qui debitum aliquod petit condonari.

S. Bernard.

Contra-

Contraxerat enim debitum tunc populus propter Achan, qui aliqua de anathemate Hiericho abstulerat.

Quando Christus sanitatem aliquibus conferebat tangebatur illos manu. Quare manu, vel nequibat solo verbo ipsam impertiri? Suppono, persæpe infirmitates & alia mala ex debito peccati contracti; provenire suppono insuper manum Christi Deiparam designare, nam per illam porrigit nobis beneficia sua, est enim mediatrix ad filium. Et insuper, sic appellatur illam cultor ejus Bernard. de Busto in suo Mariali. Hinc jam colligite, cur sanandos manu contingat Salvator beneficis, ut nimitum abstersis debitis infirmitas propter illa contracta abstergetur: hoc enim est commissum Deiparæ, huic manui benedictæ, ut procuret contracta debita abstergere.

Bernard.
de Busto.

Molina Gallæciæ descriptor narrat in portu Mongiæ fluctum maris rupem dum percutit, cruces in ipsâ & balistas perfectè efformare. Res mirabilior adhuc, venit postmodum alius fluctus & omnia illa delet. Hoc idem video in te, ô Virgo Deipara, fluctus concupiscentiæ dum nos ad peccatum inducunt statim efformant in nobis cruces & balistas, nam subito justo Dei judicio, cruces variarum pœnarum velut debitum contrahimus,


sed felix ille, ô nimium felix debitor, si te habuerit propitiam, nam tu precibus tuis sanctissimis, velut impetu grandis aquæ, delebis cruces illas, efficiesque ut debitum illarum misero & infelici nuper sed felici ob tuum patrocinium dimittatur. O Virgo & ego sum miser de numero illorum qui contrahunt debita hæc infelicia, sed sim, obsecro, ô superbenedicta de numero illorum quibus per tuas preces debita condonantur.

Non solùm debita abolere procurat Deipara, verumetiam & spiritualibus deliciis nititur pascere illas impetrando. Sit ergo Stella 44. Nomen ejus sit Alveare.



ALVEA-

ALVEARE.
 MARIA DELICIAS
 MINISTRANS.



SI VENIES
 INVENIES.
 ARGUMENTVM.

*Alveare ministrat hominibus mel cibum deliciosum. Quadrat
 Deipare, nam & ipsa procurat delicias sanctas subministrare
 servis suis.*

Ff 2

DIS.

DISCVRSVS.

A Marus valde mundus iste est plenusque colocynthidis, unde bene possumus dicere de his quæ ministrat nobis eduliis: Mors in olla. Sed maeste animo: providit Dominus Virginem Deiparā mundo insipido, ad illam confugiamus, ipsa veras delicias nobis ministrabit. Et videte.

Numer. II.

*S. Germ.
Const.*

Manna ad Israelem delabente & ros simul delabitur. Quare absque rore non decidit? Ros Deiparam adumbrat teste S. Germ. Const. in Encom. Deipar. Manna autem deliciosissimus cibus fuit includens omnis saporis suavitatem. Quam convenienter ergo cum rore manna delabitur, nam ros benedictus, Virgo Deipara, apportat nobis cælestes delicias.

Cant. 8.

Desiderat sponsa Cant. 8. sponsum ducere in domum matris suæ, & promittit se inibi daturam vinum conditum. Quare in domo matris suæ vinum conditum pollicetur, vel alibi non est inveniri vinum delicatum nisi in domo matris ejus? Mater sponsæ animæ electæ est Virgo Deipara, bene ergo in domo hujus matris vinum conditum pollicetur. Nam delicias quæ per vinum conditum designantur summopere procurat hæc Mater suis cultoribus ministrare. Co-

Columbæ quibus comparantur oculi sponſi *Cant. 5.*
Cant. 5. dicuntur lacte lotæ. Quare lacte lotæ?
 Columbæ illæ dicuntur super rivulos aquarum
 demorari. Quandoquidem igitur super rivulos
 aquarum demorantur non mirum illas lacte lotas,
 idque abundantes deliciis (nam lac cum sit dulce
 delicias designat) rivuli enim aquarum Virgo
 Deipara. Verè enim rivulos aquarum ipsam pos-
 ſumus appellare, nam multis redundabat rivulis
 gratiarum: Virgo, inquam, Deipara abluit lacte
 illos, qui penes ipsam demorantur, nam his qui
 sibi inserviunt abundantes providet delicias.

Iudic. 14. Samson in vineis oppidi mel in *Iudic. 14.*
 ore leonis occisi invenerat. Quare in vineis oppi-
 di non autem in alio loco. Vineæ Deiparæ imago
 est ut asserit S. Bernard. Serm. 3. in Salve Regina. *S. Bernard.*
 Ecce mellis in vineis inventi rationem. Nun-
 quam enim potest contingere ut vineam hanc
 benedictam invisens delicias melle dulciores non
 invenias ab ipsa præparatas.


Veniens Regina Sabba ad Salomonem attulit *3. Reg. 10.*
 plurima aromata. Quare attulit aromata, nam po-
 tiùs decet mercatores illa advehere non Reginam?
 Per Sabbam Reginam Virgo Deipara designatur
 secundum S. Bonav. in Spec. B. M. Per aromata *S. Bonav.*
 autem delicias interpretari poterimus, nam dum

aromatibus cibi debite condiuntur delicioſi apparebunt. Iam quilibet puto agnoſcit myſterium. Quotieſcunque ad te venerit inviſendum Deipara, vacua non veniet, portabit plurima aromata, cæleſtes nimirum delicias, quibus inſpida cuncta ſi condiverit, nectare & ſaccharo experieris dulciora.

Alaëdinus referente Paulo Veneto lib. 1. cap. 28. Hiſt. Orient. ædificaverat in valle amœniſſima paradifum omni deliciarum genere inſtructum, & arcem in aditu munitiſſimam extruxit, ne alicui illuc aditus niſi ſolis conſciis panderetur. Sparſerat deinde famam ſe à Mahumeto claves obtinuiſſe paradifi, poſſeque illuc introducere illos qui ad omne imperium ſuum eſſent promptiſſimi, & ut magis confirmaret famam illam aliquos potionem ſoporifera oblata illuc dormientes deferebat. Quibus expergefactis dabantur omnis generis deliciæ. Ac tandem potionem iterum ſoporifera ſoporatos educi curabat dormientes. Quo factò ita ad omnia juſſa ſua promptiſſimos reddiderat Aſſaſinos ut multos illorum inſidiis Chriſtianorum principes oppreſſerit. Subminiſtrabat ſubdolus iſte delicias ſibi promptè obedientibus, ſed tempore breviſſimo. Sed tu ô Virgo ſuperbenedicta lōgè majores inſervientibus tibi miniſtras delicias

delicias Nescit mundus pretium illarum, nescit suavitatem, nescit quantum salubres sint animabus, soli illi sciunt qui degustant illas dante manu tua. Et quod amplius est, non brevi tempusculo sed frequenter & diutius illis perfruuntur. Benedic̃ta sis ô Virgo superbenedic̃ta, quia adeò tractans delicatè servos tuos.

Deliciæ spirituales quas Deipara precibus suis subministrat ducunt ad Cælum, nam in ordine ad hoc conferuntur. Sed quia nititur in hac via hostis præpedientia ponere obstacula, Deipara aufert illa, sit ergo Stella XLV. Cui nomen via Regia. Quare? ex fine Symboli intelliges.



VIA REGIA.

MARIA AVFERENS
OBSTACVLA.



Joan. Thomas delin.

Assenans sculp.

VEL NUDO PERGE PEDE.

ARGVMENTVM.

Dolabrum asserem levigando omni asperitate expoliat ac in eo efformat, gratam ac tersam planitiem. Hinc qui per asserem hujusmodi vel nudo pede incesserit non experietur offendiculum. Quadrat Deipara, nam ad omne bonum levigat iter nobis cuncta auferens obstacula.

DIS-

DISCVRSVS.

Nescio si vel ad unicam virtutem via complanata queat inveniri. Hinc fit ut rarum invenias qui ad illum currens non offendat, saltem aliquam circumstantiam ejus non servando, sed, ô homo, potes dummodo velis curriculum hujus itineris sine offendiculo decurrere. Quomodo? Recurre ad Virginem Deiparam, ipsa levigabit & complanabit iter tuum, obstacula cuncta auferendo. Attendito.

Conqueruntur mulieres ad monumentum profectæ. *Marci 16.* Quis revolvat nobis lapidem ab ostio monumenti? Hæc dum meditantur: Respicientes lapidem revolutum inveniunt. Quare, obsecro, inveniunt lapidem revolutum, non autem in præsentia illarum revolvitur. Annotavi, has Marias ad monumentum perrexisse orto jam sole. Non igitur est mirabile illas jam invenisse amotum lapidis obstaculum. Nam sol Deiparæ imago est, teste S. Bonav. in Spec. B. V. cum autem sol splendidus iste exoritur jam omnia ruunt obstacula, nec famulos ejus ab incæpto præsumunt virtutis decursu præpedire ne dicam demorari: Ergo & tu cum aliquod obstaculum iter tuum præpediens

S. Bonav.

conspexeris, ad illud te decurrendum non conferas nisi orto sole, nisi invocata Virgine superbenedicta. Possem & alteram dare rationem quare illæ mulieres expectatum non inveniunt obstaculum, nam Mariæ nomen habuere, obstaculum autem vel audito solo nomine adventantis Mariæ statim fugit, statim collabitur.

Oleaster. Ad Civitates Refugii via complanata erat teste Oleastro. Quare ubi consistit civitas Refugii, non inveniuntur obstacula? Civitas Refugii Deiparæ typus est, secundum Richard. à S. Laur. 1.2.

Richard. Deipara autem non sinit perdurare obstacula, sed subito illa exterminat.

Exodi 14. Ibat populus Israel ad terram promissionis ex Ægypto, & ecce mare rubrum, quod obsistere videbatur dividitur & per siccum suum cunctum transmittit exercitum. Quare constituit omnipotens, ut aquæ secedentes fundum suum ad transitum populi detegerent? quare non potius ordinavit, ut super undas ejus gradientes sicco pede abyssum calcando pertransirent, nam æquè hoc miraculum potuit exhiberi. Ibat tunc temporis Moyses portans virgam illam, virgam quæ virginem adumbrat Deiparam, teste S. Ambros. ad

S. Ambros. Syricium Papam, & ideo potius mare cedit, ut videamus vim Deiparæ, quæ non solum deducere potest

potest substernendo pedibus cuncta obstacula, verumetiam efficit ut recedant penitus iter relinquendo expeditum.

Et illud quoque esse fateor mirabile cur permittat omnipotens tot populos Israeli ad terram promissionis iussu ejus contendenti obsistere? an enim non poterat ille, in cujus manu cor hominis, efficere, ut sponte colla subderent Israeli, sicut & Gabaonitæ sese subdiderunt? Sed expendite mysteriū, Arca quæ imago Deiparæ est, asserente S. Bernar. in Serm. B. M. tunc populum ad capefendam promissionis terram deducebat, & ideo vi potius obsistentes hostes auferuntur, quàm cedat spontaneè; ut videamus, quia quem deducit ad terram promissionis arca superbenedicta Virgo Deipara, ita vim suæ exerit potentiaë ut cuncta submoveat præpedientia obstacula. Quàm igitur fortunatus quem deducit Deipara!

S. Bernard.

Iudicum 12. Occupaverant Galaaditæ vada Iordanis & omnem non valentem exprimere Scibboleth, quod interpretatur spica, jugulabant. Quare non solum inveniunt obstaculum transcundi, nequeunt spicam exprimere verum etiam occiduntur. Per spicam intelligere possumus Virginem Deiparam, nam ex illa processit granum frumenti, quod in terram cadens pro no-

Iudic. 12.

stra salute mortuum est, sed cum foenore mortuū, Christus nimirum Deus benedictus in secula. Væ igitur illi qui nequiverit nominare hanc spicam benedictam, profectò summopere illi metuumdum, ne non solum in transitu vitæ inveniat obstacula, verumetiam & mortem omni morte duriorum. Ille autem qui sciverit hanc spicam nominare, fortunatus, nam auferet cuncta felici transitui obstantia. Igitur ô homo nunc assuesce hanc spicam frequentius corde, ore, & opere exprimere, ut in mortis vado passum liberum invenias.

Eusebius Nierembergicus refert in Peruanorū Regno duas vias Regias unam per planitiem, alteram per montana exticille, manu factas, protensas per quingentas Leucas, labore incredibili profundas valles complanante, rupesque editissimas adæquante. Hæc refert author prædictus l. 8. Hist. Natur. cap. 16. Sed iter quod tu continuò servis tuis, ô Virgo Deipara, accomodas longè deliciosius est, magisque mirabile, complanas profectò illud cuncta præpedientia cursum, auferendo obstacula, efficisque ut vel nudo pede decursum non offendat. Et quod cuncta exuperat, manu tua deducis illos, ita ut quilibet ex illis posset illud Psalmi 72. decantare: Tenuisti manum dextram meam, & in voluntate tua deduxisti me: & cum gloria

gloria suscepisti me. Dignare ô Domina mea sanctissima & miserum iter meum complanare, ut, te deducente, non inveniam in illo præpedientia me ab ingressu felicitatis obstacula.

Homo per opera bona ad Cælum contendens si quodpiam obsequium Deiparæ præstiterit, subito, subito illa bene recompensare illaborat etiam si fortè fuerit minutulum. Sit ergo Stella XLVI. Nomen ejus quare sit Hortus Balsameus, ex illo deprehendes quod in fine Symboli apponetur.



HORTVS BALSAMEVS.

MARIA REPENDENS BENE
OBSEQUIA.



PRO PAUCIS PLVRIMA
TOLLE.

ARGVMENTVM.

Pauca grana das terra, sed plurima colligis. Quadrat Virgini Deipara terra, de qua vericus orta est, nam minima obsequia sibi exhibita uberrime recompensat.

DIS.

DISCVRSVS.

Paupertatem averfantur homines summo-
 re, cupiuntque ditescere, sed plerumque ne-
 queunt, imò in pauperiem labuntur durio-
 rem. Nam & sollicitus mercator, totam sæpius cum
 mercibus perdit substantiam; & laboriosi spem
 agricolæ, ignis, aqua, vel hostis redigunt in nihi-
 lum; sed, ô homo, si desideras ditescere alium mo-
 dum divitias conquirendi assumito. Quem præ-
 sta obsequium Deiparæ, & ditesces, nam mini-
 ma obsequia remuneratur copiosè: Non te deci-
 pio. Ausculta.

Montem Oliveti illuminabat & sol exorians
 interdiu, & Templum Hierosolymitanū noctu,
 teste Ioan. à S. Gem. in similit. unde & mons
 trium luminum dicebatur. Tantisper examino,
 cur mons ille tam à sole quàm à Templo, & uti-
 que Domino sic ordinante, lumen obtinebat. Mi-
 nistrabat mons Oliveti pabulum pro lumine tē-
 pli deserviens, erat enim feracissimus olivarum,
 quarum succus lucernarum flammam nutrie-
 bat. Ecce resolutionem quæstionis. Templum cui ob-
 sequium mons ille exhibebat præfigurabat Dei-
 param. Sic S. Bonav. in Laud. B. V. Bene ergo
 Templum

Ioan. à
 S. Gem.

S. Bonav.

Templum illuminat montem Oliveti obsequiū
 pabuli lucernis suis exhibiti compensando. Nam
 Deipara Virgo singulariter studet vel minimum
 obsequiolū sibi vel suis impensum compensare :
 hæc eadem ratio cui sol etiam mentem illum lu-
 mine perfundebat. Nam & sol imago est Deipa-
 ræ, juxta S. Bernard. Serm. 3. in Salve Regina,
 Deiparæ, inquam, cuncta obsequia subito com-
 pensantis. Nec illud vacuum videtur mysterio
 montem Oliveti & noctu & interdiu à Figuris
 Deiparæ sole & Templo illustrari. Nam Deipara,
 & interdiu, dum prospera sunt omnia, & noctu,
 dum dura premit adversitas, & interdiu dum lu-
 cet vitæ dies, & noctu dum horrida nox mortis
 irruit rependit obsequia sibi exhibita, idque pro
 terreno oleo lumen cæleste impendendo.

Caleb non solum hæreditatem in terra pro-
 missionis obtinuit, verumetiam vegetissimus est,
 senex licet : sic etenim ipse de seipso attestatur
 ibidem dicens : Hodie octoginta quinque annorū
 sum, sic valens, ut eo valebam tempore quando
 ad explorandum missus sum, illius in me tempo-
 ris fortitudo usque hodie perseverat, tam ad bel-
 landum quàm ad gradiendum. Res ista est mira-
 bilis, tot Caleb ærumnas in itinere diurno in bel-
 lis, in aliis pressuris occurrentibus exorbuīt, & ta-
 men

men robur ejus non est imminutum, sed in promptu resolutio quæstionis. Præstiterat Caleb singulare terræ promissionis obsequium Numer. Numer. 13. 13. dum populum exploratorum meticulosa narratione perterritum animabat, ut ad capeffendam tam uberem terram consurgeret, licèt alii terræ illi desiderabili detraherent. Terra enim promissionis imago est Deiparæ, ut asserit S. August. Serm. S. August. 100. de Temp. felicissimus autem ille existat est necesse, qui animat ad labores subeundos pro incolatu in hac benedicta terra consequendo. Non emarcescet profectò robur ejus, vigorem suum retinebit, & insuper hæreditatem benedictam consequetur.

Samuel ministrabat in Templo Domini, sed postmodum ad summum sacerdotium evehitur populiq̃ue Israël judex deputatur. Quare DEVS omnipotens ita ordinavit, nam videtur contra decentiam, ut minister Templi summi sacerdotis conscendat locum, nam quomodo auctoritatem apud Ecclesiasticos obtinebit? Imò quia ministrabat Templo evehatur ad tantam dignitatem? ut quilibet intelligat Deiparam summè recompenfare ministeria sibi exhibita. Ipsa enim Templum illud præsignabat secundum S. Bonav. in S. Bonav. Laud. B. V. sententiam.

Inter alias Cæli qualitates & hanc invenio ut pro paucis plurima exhibeat. Aqua ut cælestis influentiæ mandato obsequatur vaporem cælo mittit, sed cælum pro vapore paucio imbres demittit largissimos, qui & augeant aquam & faciant pro copia exundantem. Eodem modo & terræ pro paucula exhalatione, nivem, rorem, pluviam demittit copiosam, quæ omnia terram reddunt abundantem. Quare Cælo Deus hanc indidit qualitatem? Cælum Deiparæ typus est, S. Germ. Const. in Psalm. 44. attestante. Ideo ergo Cælum pauca uberrimè compensat obsequia, ut vel hinc agnoscamus quàm sit proficuum obsequiolum exhibere Deiparæ, nam profectò beneficiis rependet illud innumeris.

S. Germ.
Const.

Marci 1.

In Iordane Christus Baptisma suscipiens sanctificavit aquas ejus. Quare in Iordane placuit Christo Baptizari & non alio in flumine? Iordanis exhibuerat obsequium Arcæ, quæ imago est Deiparæ, juxta S. Ildef. Ser. 1. de Assumption. retraxit enim aquas suas, ut per siccum Arca pertransiret. Ergo nō, alterius fluminis aquas Salvator sanctificat, sed illius quæ obsequium umbræ Matris suæ præstiterat, ut te ad præstanda Deiparæ obsequia accēdat, dum proponit tibi ob oculos collatam benedictionem illi, qui umbræ tantum Deiparæ, exhibuerat obsequium.

Ildefons.

Bozius

Bozcius in signis Ecclesiæ narrat fuisse in Ægypto hortum Balsamum proferentem, sed reddere fructum negligebat nisi aquâ vicini fontis rigaretur in quo Deipara sæpius Iesum abluerat. Et ideo Saraceni aliunde aquam in illum fontem deduxerant, ut hauriens inde aquam irrigationi abundantius sufficeret. Iamne cernis, ô homo, quàm impensè remuneretur Deipara viliora etiam obsequia. Toto ergo pectore annitere, ut quamplurima pro honore eius efficias. Et cum adverteris te aliquam occasiunculam servitii eius neglexisse, scias te gemmas lapidesque preciosos oblatos ultrò perdidisse.

Loquendo de beneficiis distinctiùs, quibus Deipara rependit obsequia sibi exhibita, primum est, quia illa aufert quæ homini nocere conabatur. Sit ergo Stella 47. Nomen eius Clava, nam nociva debellat velut clava Herculeæ.



C L A V A.

MARIA NOCIVA ENECANS.



IPSE PERIBIS.

ARGVMENTVM.

Basilico homini occurrente evidens mortis occurrit periculum. Nam visu solo enecat basilicus, verum homo si speculum illi obiiciat ut dicitur vel clava speculum, fugabit periculum nam in basiliscum mortem retorquetur. Quadrat Deiparae, nam & ipsa est speculum & speculum sine macula, hanc qui rebus nocivis objecerit, nociva concident, vel solo aspectu ejus enecata.

DIS-

DISCVRSVS.

QUot creaturæ in mundo sunt, tot nociva, nam aspectu suo hominem ad desiderium, dum impellunt illicitum, quasi oculo venenoso interimunt. Sed adest remedium, ut noxia non noceant. Quod? Virgo nimirum Deipara, ipsam rebus noxiis obiicito & subito videbis enecatas. Hoc deduco.

Depascebat terram Ægypti locustarum multitudo, sed ventus à Domino suscitatus ablatas in mare deportavit. Quare in mari bestiolæ illæ & non alibi enecantur? Mare Virginis Deiparæ typus est, S. Bonaven. in Spec. B. V. attestante. Locustæ verò rem nocivam significant, nam herbas segetesque depascunt funditus. Ex hoc jam rationem colligere est facilæ, cur nocivæ locustæ in mari enecentur. Commissum est enim Deiparæ ut nociva enecet, universa. Et ideo nociva præsentens ipsam sollicitè advocato, & nec vestigium amplius illorum extans deprehendes.

Exodi 10.

S. Bonav.

2. Reg. 21.

Banaias miles Davidis fortissimus leonem vi valida interfecit, sed in Cisterna in tempore nivis. Quare in Cisterna? Per Cisternam Richardus interpretatur Virginem Deiparam, nam & merito sicut in Cisterna aqua est cælestis nempè pluvi-

lis, ita in Virgine Deipara, aqua gratiarum Cælestium tantum erat. Iam ergo do rationem quare in Cisterna leonem Bonaias interfecit. Res enim nocivæ, per leonem animal ferum designatæ enecantur, ubi Cisterna vel umbra Deiparæ adfuerit.

3. Reg. 4.

Israël & Iuda, ut ait sacer textus 3. Reg. 4 habitabat absque timore ullo, unusquisque sub vite suâ. Quare, obsecro, sacer textus addit sub vite suâ? Non enim sacer textus Verbum unum otiosum ponit unquam? Vitis Deiparam adumbrat juxta S. Bonav. in Spec B. V. ô homo mihi crede, si manseris sub hac vite, securus habitabis. Exurgat tota cohors infernalis, nociva adducat universa, diffugient profecto cuncta hac conspectâ vite, nam si te aggredi præsumeret, subito consurgens Virgo vi valida enecaret universa.

S. Bonav.

1. Reg. 4.

Impellebant milites David ut sauli manus violentas in spelunca Engaddi injiceret, sed ipse protestatur se non levaturum manum in Christum Domini. Quare, obsecro, dimittit inimicum suum tam avidè inhiantem sanguini suo? Erat in Engaddi vinea adumbrans Deiparam, ideo quia ex illa botrum Cypri, Christum, accepimus, & ideo nec impium Saulem invadere potest quodpiam nocumentum. Nam etiam sceleratus, ubi sub umbram Deiparæ devenerit à nocivo omni tutus erit, enecabit enim illud subito Virgo benedicta.

Tres

Tres Magi qui venerant Hierosolymam Salvatorem inquirentes non incurrunt aliquod periculum. Et hoc sanè fuit mirabile, nam quomodo Herodes ad capiendos non exurgit, nam grandis videbatur præsumptio in illo Regno natum Regem inquirere, in quo cernunt Herodem Regiam potestatem exercere? Sed non occurrit ipsis quodpiam nocumentum, Stella enim quæ adumbrat Deiparam secundum S. Bonav. in Spec. S. Bonav. B. V. ipsos deducebat : quem namque Virgo Deipara deducit, jam non profectò, non conspiciet aliquod nocumentum, nam ilico si occurreret Deipara illud enecaret.

De cervo hæc à S. Epiphaniò didicimus, serpentibus devoratis currit sollicitè aquam inquirendo, hanc enim si intra tres horas invenerit comestum venenum non adferet illi quodpiam nocumentum, si verò invenire nequiverit, morietur. Hinc S. Carolus pro Symbolo habuit cervum currentem ad aquas cum lemmate, una salus. Salutaris aqua vim obtinuit ad nocivuum venenum in stomacho cervi enecandum. Sed tu, ô Deipara Virgo, ô aqua saliens in vitam æternam, validiorem obtinuisti potestatem. Repleant hominem undequaq; cuncta nocentia, si tu aderis, ô Virgo, vim amittent, & nullum servo tuo inferent nocumentum:

mentum: Ergo semper, ô homo, recurre ad hanc aquam salutarem, & cernes tripudians cuncta nocentia subitò enecata.

Nociva præcipuè hominem in morte aggrediuntur, sed adest Deipara tunc, & defendit cultorem suum. Sit ergo Stella XLVIII. Nomen ejus Canistrum (ratio hujus in Symbolo) vel scutum (ratio hujus in fine Symboli.)



CANISTRVM VEL SCVTVM.

MARIA IN MORTE

CVSTODIENS.



INTACTA TOLLITO.

ARGVMENTVM.

Quando custos pomarii vult aliqua poma sine vulnere tolli, non dejicit illa arborem agitando, vel quatiendo, sed delicate manu carpit canistro excipienda supposito. Quadrat Deipara, nam cum Deo complacuerit, ut quempiam mors auferat sine vulnere peccati, quod precipue tentatio tempore mortis intencat mittit Canistrum Virginem Deiparam, que custodiat ipsum à vulnere.

DISCVRSVS.

Pomarium est mundus iste, poma homines, sed mors improba carpens poma, & quidem nonnulla carpit ventū tentationis suscitando, qui deiicit poma sed faucia, sed vulnere æternæ plagæ insanabili cruentata. ô homo! ô pomū delicatum! si vis ut mors sine vulnere te decerpat, obsecra ut canistrum demittat Omnipotens Virginem Deiparam, si aderit morti tuæ hoc Canistrum, delicatè, suaviter, & sine ullo nocumento decerperis. Quod protuli manifesto.

Ionæ 2.

Projectum in mare Ionam, Deo permittente, cetus deglutiuit. Res mirabilis vasta bellua nocumentum Ionæ quodpiam non intulit, nam vivum post evomuit in aridam. Quomodo bellua illa Ionam faucibus suscipiens hiantibus, vel dentibus non lædit, vel stomachi calore non digerit, vel saltem præcluso anhelitu Prophetam non suffocat. Cetus ille juxta glossam ordinariam in Ionam designat mortē, Mare autem Virginis Deiparæ typus est, S. Bonav. in Spec. B. V. attestante. Iam igitur nemo admiretur læsionem Ionæ à ceto non illatam, nam mare umbra Deiparæ belluam circumdederat glutientem. Cujus enim
morti

S. Bonav.

morti adstiterit Deipara, non permittit ut horribilis iste cetus deglutiendo infligat vel tenuem læsionem. O utinam & morti meæ assistat hoc mare superbenedictum!

Lapidandus à Iudæis S. Stephanus cælos in- Abor. 7.
tuetur apertos. Quare tunc & non antea Cælum
adapertum à Stephano conspectum describitur?
Cælum adumbrat Deiparam teste S. Ger. Const. S. Germ.
Const.
in Psal. 44. Ô homo pietatem summam Deiparæ
considera. Advertibat tunc mors fremebunda ut
pulcherrimum illud Levitici ordinis pomum vio-
lenter surriperet, sed subitò & Cælum aperit pie-
tatem suam quasi contestando se adisse & sollicitè
attendere, ne mors Stephanum auferendo vulnus
quodpiam infligeret, ut hinc colligas, benedictum
hoc Cælum exoptare ut adsit morti tuæ dummo-
do illud tunc respicias: Nam & Stephanus inten-
dens in Cælum vidit adapertum. Nec illud vacat
mysterio, quòd Stephanus & filium hominis stā-
tem conspexerit, nam Deipara Cælum istud be-
neditum, non solùm aperit suam pietatem quā
custodiat moribundum servum suum, verùm et-
iam urget & filium, ut consurgat & opituletur
moribundo. Quid tali custodiā securius?

Dum puella mortua quam Christus suscitare Lucæ 8.
advenerat, ipse dixit non est mortua, puella, sed

dormit. Quare, obsecro, veram mortem puellæ non mortem, sed somnum appellavit? Adnotavi puellam hanc demortuam matrem habuisse. Qui autem moritur matre non orbatus profectò non moritur sed obdormit. Qua Matre? Non est alia verior Mater nostra quàm Virgo Deipara, ipsa namque genuit caput nostrum & fratrem Christum IESVM. Felix igitur qui moritur hac Matre superstite. Nam velut somnus suavis mors adventans ipsi videbitur, hac enim piissima Matre assistente, non præsumet mors dura amarum quidpiam illi intentare.

Genes. 22.

Abraham filium amabilem, sed Domino in immensum magis amabili immolaturus, altare priùs ædificat, tumque demum filium offerre aggreditur colligatum. Ad quid altare studuit erigere, vel non suscepisset victimam Omnipotens absque altari immolatam? Altare adumbrat Deiparam juxta Method. Orat. ad Hypop. Priùs ergo altare constituit Abraham, antequam mors ad filium rapiendum adveniat. Nam felix ille & nimium felix quem mors aggressura Deiparæ valatum præsentia inveniet, nam profectò non præsumet mors furorem suum in ipsum exerere timore Deiparæ & honore consternata.

Method.

Nec illud absque mysterio quòd David non
moritur

moritur nisi habita Abisag Sumamitide domi suæ. Quare non permittit ipsum obire altissimus sine hac virguncula? David interpretatur dilectus, teste S. Hieron. in 22. Isaiaë, Abisag autem Sunamitis adumbrat Deiparam juxta Richard. l. 5. Non permittitur ergo David decedere nisi habita Abisag Sunamitide, ut intelligas velle Deum ut assistat Deipara dilectis suis mortem subituris. Et hoc ideo, nam contulit Deiparæ vim singularem, quâ mortem compescat, vimque ejus obtundat, furibundam ne læsione inflicta inferat nocumentum. Quàm igitur bonum, quàm tutum mori in præsentia Deiparæ, sed ô homo, ut Abisag ista benedicta te moribundû custodiat, sis David, sis dilectus, colendo ipsâ & diligendo impensus, nam tales ab illa mirabiliter redamantur.

S. Hieron.

Richard.

Stromateus v. 13 17. refert quendam hominem nomine Artemonem ita meticulosum extitisse ut etiam domi duo famuli scutum æreum supra caput ejus sustinere cogerentur, ne quopiam ex alto decidente vel telo improvise feriretur; valde scrupulosus fuit miser iste in vitæ integritate conservanda, sed sollicitudo ejus umbra est in comparationis sollicitudinis tuæ ô Virgo super benedicta quam geris erga tuos servos morti propinquantes. Tene continud scutum protectionis tuæ supra illos,

imò non unico sed mille clypeis obumbras, tu enim es illa de qua dictum: Mille clypei pendent ex ea & omnis armatura fortium: ô Virgo, ô Domina mea benediçta digneris adesse & miseræ morti meæ, & scutum meæ ac benignæ protectionis tuæ supra meum caput expandere!

In morte appenditur homo in statera, in qua non solum ponderatur, utrum ad æterna supplicia, an in viam salutis sit deducendus, verum etiam dum in via salutis vult Dominus ipsum collocare, eò quod mortali culpâ sit vacuus, attendit adhuc, utrum rectâ in Cælum ire sit permittendus, an in purgatorium pro aliquo tempore detrudendus? Adest & hîc Deipara mediantibus indulgentiis sua illis merita communicat, ut vel penitus purgatorium non adeat, conditionibus indulgentiarum adimpletis vel pro exiguo adeat tempusculo, vel saltem ab aliquo brevî per indulgentias liberetur, sit ergo Stella XLIX. Nomen ejus quare Nubes, loquitur Symbolum.



NVBES IMBRIFERA.
 MARIA SVA MERITA
 COMMVNICANS.



SPARGAM IN ORBEM.

ARGVMENTVM.

*Quidquid nubes continet totum terræ spargendo pluuiam communicat.
 Quodrat Deipara, nam merita sua communicat hominibus.*

DIS-

DISCVRSVS.

Isaiæ 64.

INops homo, variisq̄ue plenus est defectibus, adeò ut etiam justitiæ ejus sint inopes, juxta illud, quasi pan n us mēstruatæ universæ justitiæ nostræ: sed, ô homo, eleva ad Deiparam vocem tuam & ditaberis. Nam benigna hæc Mater omnia sua merita in thesauro Ecclesię deposuit, ut ex illis indigus accipiat, communicansq̄ue tantis divitiis defectus refarciat. Attendito.

S. Bonav.

Templum Salomonis quoniam parietes niveos exterius, & tectum auro puro tectum habuerat, ex repercussione astrorum lumen concipiens ilico montem Oliveti lumine perfundebat. Quare, obsecro, Templum illud lumen ab astris recipiens & monti illud communicet? Templum illud Deiparæ figura erat, S. Bonav. in Lau. B. V. attestante: Multum splendidumq̄ue lumen templum istud ab altissimo receperat, sed largissimâ pietate ilico illud effusè môtis Oliveti furculis, illis furculis, de quibus Psalter: Filii tui sicut novellæ olivarum communicant. Non vult enim sua merita abscondere, sed ut quilibet illorum sit particeps precibus continuis apud filium allaborat.

Inter

Intèr alias montis qualitates & hanc invenio, quod pluviam cadentè excipiens non abscondat, sed in loca vicina sibi permittat quoque defluere, cur obsecro hanc indidit Deus monti qualitatem? Mons Virginis Deiparæ imago est, juxta S. Greg. S. Gregor.
 1. Reg. 1. Ergo jam concipio monti inditæ hujus qualitatis rationem. Virgo enim Deipara, non sibi tantum retinebat pluvias meritorum, quibus continuo rigabatur, verum etiam effecit precibus gloriosis ut quæque ad nos delabantur.

Speculum non solum splendorem recipit, verum etiam illum & aliis subito communicat, hinc beneficio speculorum debite ordinatorum posset aliquis lectitare, etiamsi candela luceret remotius. Quare hoc? Typus est Deiparæ speculum, ut asserit Ildef. Serm. 3. de Assumpt. & ideo impertitur receptam lucem & aliis, nam & Deipara sua merita præfulgida nobis obscuris communicat. Ildefons.

Ascendentem Virginem admirantes Cælestes incolæ appellarunt, sicut virgulam fumi ex aromatibus &c. Quare aromatibus illam assimilant? aromata odorem inditum non occultant, neque sibi tantummodo retinent, sed communicant illum & vasi receptanti, & manui attingenti, imò & diffundunt per medium. En ergo mysterium, Odor suavissimus merita Virginis Deiparæ extiterunt,

terunt, non assumpsit hunc odorem totum sydera conscensura, dereliquit ipsum in suaveolenti Ecclesiæ thesauro, ut piissimus hic thesaurus nobis quoque foetidis communicet illum copiosè.

Genes. 2.

Quatuor flumina egrediebantur de paradiso, Quare non continent se intra paradisum, nam indignum est, ut alluant terram maledictam flumina loco pulchri & deliciis conspicui? Paradisus Virginem Deiparam repræsentat, sic S. Bernard. Serm. 3. in Salve Reg. Iam igitur vel ex hoc, ô homo, intellige quàm effusa sit Deipara, ad merita sua in nos effundenda. Nequit enim Paradisus iste continere suorum flumina meritorum, effundit illa & transmittit, ut alluant & nos in hac maledicta terra commorantes.

S. Bernar.

Narrat Eusebius Nieremb. lib. 1. Hist. natur. cap. 20. Ocotochlum cervo enecato in proceram pinum ascendere & clamore suo alias feras convocare ut ad manducandum conveniant; conveniunt ad vocem ejus, & prædâ satiantur. Magna profectò est liberalitas feræ hujus, dum prædam suam communicat & aliis, sed major est tua benignitas, ô Virgo Deipara, cuncta enim merita tua reliquisti in thesauro Ecclesiæ & stimulas summum ejus pastorem ut assiduo illa per indulgentias tam vivis quàm defunctis unà cum meritis Christi Fi-


līi tui servorumque ejus communicet. Benedicat te cunctus orbis terrarum, ô Virgo, pro tam effusa in nos pietate.

Hominibus quàm multa & varia exhibeat beneficia benedictum hoc FIRMAMENTVM, Deipara Virgo, jam ostendimus; unum adhuc restat, illudque & ultimum & præcipuum. Quod? Procurat illos non ad qualemcunque gloriam, sed ad intentam promovere: sit ergo Stella L. Nomen ejus sit NIDVS AQVILINVS. Quare autem? Colliges ex illo quod in fine Symboli adducetur.



NIDVS AQVILINVS.

MARIA MAGNAM GLORIAM
PROCVRANS.



Jean. Thomas delin.

A. Coenans sculp.

SINT IN SVMMO MEI.
ARGVMENTVM.

Aquila non in quolibet loco collocat nidum pullorum suorum, sed in arduis juxta illud Job: Et in arduis ponet nidum suum. Quadrat Deiparae, nam & illa nidum gloriae, in quo requiescant servi ejus in eternum, in sublimi gradu nititur collocare.

DIS.

DISCVRSVS.

CHristianus non solùm cupere debet ut gloriam cælestem consequatur verùm etiam ut sublimem. Nam qui altiorem gradum gloriæ consequetur, majori quoque dulcedinis ubertate replebitur. Et quidem misero homini sat est difficile gloriam cælestem consequi absolute, quantò difficiliùs altiorem! sed erige, animum ô homo, providit Omnipotens Virginem Deiparam, ipsam si colueris, grandem tibi gloriam procurabit. Et vide.

Venientes exploratores ad terram promissionis perlustrandam magnum vini botrum absciderunt. *Numer. 13.* Quare, obsecro, auferunt grandiore, nam summa emerget difficultas, non solùm in pondere ejus deferendo, verum etiam in periculis evitandis quæ consurgent, si quispiam ex incolisprehenderit ipsum deportantes? Terra promissionis Virginem Deiparam adumbrat secundum *S. August.* D. August. Serm. post Dom. 1. Quadrages. botrus verò gloriam cælestem, nam ex ipso bibemus vinum illud quo inebriabimur ab ubertate domus Dei. Non exiguum ergo botrum vini venientibus à se terra promissionis exhibuit; nam

Virgo superbenedicta non qualemunque gloriam suis allaborat offerre cultoribus, sed grandem, sed sublimem. Benedicta sit pro tam æstuante erga nos cultores pietate.

Iofuc 3.

Ad Iordanem filii Israël devenerant & implentes ripas alvei tempore messis inveniunt. Observo, decretum est altissimi ut per fundum ejus Israel gradiatur, quare ergo ripæ ejus completæ sunt, potius enim immisso æstu tantisper desiccatur. Suppono per Iordanem tempore messis Gloriam cælestem posse explicari: Iordanis enim secundum Bartholom. Anglic. lib. 13. cap. 8. de rerum proprietatibus, dividebat Iudæam ab Arabibus, fideles scilicet ab infidelibus: ut idemmet explicat. nulla autem res alia fideles ab infidelibus separabit, messe illa ultima adventante, in quo triticum in horrea, zizania in fasciculos colligata in ignem deferentur, nisi gloria sempiterna. Hoc supposito jam quilibet recognoscit, cur Iordanem tunc plenum Israel inveniatur. Nam arca quæ typus est Deiparæ teste S. Bonav. in Spec. B.V. ipsum deducebat. Quem enim ad Cælum deducit Virgo Deipara Iordanem profectò inveniet exundantem, nam gloriam copiosam suis cultoribus præparat hæc arca benedicta.

S. Bonav.

Videmus aves locum occupare altiorem quam homines

homines, poloque mundi ex quo inferioritatem vel superioritatem loci colligunt Philosophi propinquiores existere. Quomodo occupabunt locum homine altiore, cum humanum corpus ipsis longè sit nobilius, ac proinde loco altiori honorandum? Aves aquarum prolem esse scriptura attestatur cum describat illa ex aquis processisse. Gen. 1. Aqua autem imago est Deiparæ, Richard. lib. 9. attestant. ô homo jamne recognoscis Richard. mysterium? Bene bene altiore locum obtinent aviculæ, quandoquidè de stirpe aquæ processerunt. Nam omnes filii Deiparæ locum in gloria tenebunt altiorè. Hæc enim Mater superbenigna continue allaborat, ut summam gloriam illis provideat.

Inter stellas Aurora pulchriorem habet lucem. Quare obsecro? Aurora Soli famulatur, & velut satelles adstat orienti. Ecce mysterium! Sol Deiparam repræsentat. Sic S. Bernard. serm. 3. in S. Bernardus. Salve Regina. Stellæ autem designant Sanctos in gloria, juxta illud Apostoli, stella differt à stella in claritate. Hoc supposito, jam intelligere est facile, quare Aurora plurimas stellas in claritate exuperat. Per hoc enim innuitur Cultores Deiparæ plurimos in gloria Sanctos superare. Non solum enim Virgo hæc superbenedicta claritatem gloriæ æternæ suis procurat cultoribus verum etiam ubertem & abundantem.

Nec

3. Reg. 8.

Nec illud caret mysterio quòd Templum Salomonis 3. Reg. 8. postquam nebula impleverat, subditur quòd & gloria Domini domum Domini impleverit. Quare enim post nebulam implevit gloria domum Domini? Per Templum possumus intelligere sanctos, nam de illis dicitur:

1. Cor. 6.

Nescitis quia membra vestra Templum sunt Spiritus sancti: per nebulam autem Virgo Deipara, adumbratur, juxta illud: Et sicut nebula texi

Ecclef. 24.
Richard.

omnem terram Eccl. 24. sic appellat illam & Richard. lib. 12. ò quàm igitur templum fortunatum in quo comparebit nebula salutaris Virgo Deipara, profectò tale Templum, talis sanctus non solum gloriam Dei videbit sibi impertitam, verum etiam implentem copiosè, abundantem enim gloriam Virgo Deipara illi procurabit.


S. August.

Omitto illud arcana Dei melius penetrabant Danielem quàm alios tres pueros, quia ad fenestras orabat adapertas. Fenestra enim Deiparæ typhus est teste S. Aug. Ser. 15. de Tem. Et meritò, nam per illam lux in domum mundi hujus introivit, ut intelligas cultores Deiparæ, penetraturos Arcana Dei intimiùs, videndo illam in gloria intensiùs.

Omitto quod non Cælum sed Cæli aperti sunt Ezechieli secus fluvium Chobar existenti, per fluvium

viu[m] enim Deipara adumbratur teste S. Bernard. S. Bernard.
 ferm. 3. in Salve Regina. ut innuatur multitudi-
 nem gloriæ, non gloriæ solùm Deiparæ famulos
 conspècturos.

Albertus Magnus lib. de Animal. lit. A. refert,
 quòd in nido unius Aquilæ inventæ sint anatum
 300. reliquiarum. 100. anserum, lysterum 40. & piscium
 magna multitudo. Copiosum cibum congrave-
 rat hæc Aquila, quo pulli sui in nido vesceren-
 tur. Sed Virgo Deipara Aquila ista generosa, mul-
 tò copiosorem cibum in gloria cælesti congregat
 pullis suis. O verè congregat dulcem cibum,
 nam visionem Summi & Optimi Dei præparare
 allaborat. O verè copiosum, nam condit sollicitè,
 ut non paucos gradus visionis Dei consequantur :
 sed plurimos. Benedictus sit tam magnus, magnæ
 Matris erga suos pullos affectus. O Virgo dulcis
 Mater mea, & ego me profiteor esse pullum tuum.
 Procura igitur, ô Virgo Deipara, ut uberem hunc
 cibum in nido Cælesti tuis intercessionibus con-
 gregatum inueniam.



CONCLUSIO LIBRI.

HÆc sunt, ò Domina mea superbene-
dicta, qua de tuis in homines bene-
ficiis pusillus seruus tuus scribere cona-
tus est. Parvū opus, laborq; exiguus; fa-
teor: sed à vili quis grādia expectaret?
Ita est, fateor, ò Domina mea clementis-
sima, & vilis sum, & pauculus labor
meus; attamē quod deest muneri, hoc sup-
pleat affectus effusior: imò & affectum ip-
sum pietas tua immensa suppleat; nam
omnia ista nihil sunt in comparatione
tuorum in me beneficiorum innumerabi-
lium. Hoc dixisse sufficiat: Mater es, &
filium à filio oblatum grato animo susci-
pies.

Quidquid in hoc Libro sensui S. Matris meæ Roma-
næ Ecclesiæ dissonum, aut minùs consonum dictum
esset, totum istud retracto, doleo, comburo, & anathe-
matizo.

SERIES SYMBOLORVM.

Symb.		Pag.
1	<i>Fons publicus,</i>	<i>Maria semper benefaciens.</i> 3
2	<i>Speculatrix,</i>	<i>Maria detegens pericula.</i> 9
3	<i>Irriguum vivificum,</i>	<i>Maria languentes erigens.</i> 13
4	<i>Catena aurea,</i>	<i>Maria prosperitatem custo-</i> <i>diens.</i> 18
5	<i>Lampas terrificans,</i>	<i>Maria passiones compescens.</i> 22
6	<i>Vinum conditum, vel</i> <i>Vehiculum letitia,</i>	<i>Maria exhilarans.</i> 27
7	<i>Alumen,</i>	<i>Maria fortificans.</i> 31
8	<i>Serenitas,</i>	<i>Maria adversa consumens.</i> 36
9	<i>Vallum vel Fortalitium,</i>	<i>Maria enervans pericula.</i> 42
10	<i>Oleum,</i>	<i>Maria pacificans.</i> 47
11	<i>Ver,</i>	<i>Maria renovans vetustates.</i> 52
12	<i>Saccharum,</i>	<i>Maria gratificans opera vi-</i> <i>liora.</i> 57
13	<i>Paradyfiaca, vel</i> Sive	<i>Maria sursum elevans.</i> 62
	<i>Currus igneus,</i>	<i>Maria orationes Deo offe-</i> <i>rens.</i> 68
14	<i>Referendaria,</i>	<i>Maria ingratis benefaciens.</i> 73
15	<i>Templum,</i>	<i>Maria inflammans.</i> 78
16	<i>Focus, vel ignitabulum</i> <i>caeleste,</i>	<i>Maria exornans.</i> 83
17	<i>Monile,</i>	<i>Maria mitigans iram Dei.</i> 89
18	<i>Incensum,</i>	<i>Maria aperiens Cælum.</i> 95
19	<i>Clavis aurea,</i>	<i>Maria victoriam conferens.</i> 99
20	<i>Funda,</i>	<i>Maria peccata regens.</i> 104
21	<i>Nebula,</i>	<i>Maria providens necessa-</i> <i>ria.</i> 110
22	<i>Procuratrix,</i>	

Symb.		Pag.
23	<i>Latibulum,</i>	{ <i>Maria abscondens à flagellis.</i> 116
24	<i>Annulus,</i>	{ <i>Maria trahens ad Deum animas.</i> 122
25	<i>Cataplasma,</i>	{ <i>Maria dolores allevians.</i> 127
26	<i>Umbraculum,</i>	{ <i>Maria refrigerans ab aestu.</i> 132
27	<i>Sepulchrum vivificum,</i>	{ <i>Maria à morte resuscitans.</i> 136
28	<i>Hortulana,</i>	{ <i>Maria extricans ab erroribus.</i> 141
29	<i>Fistula Dioptrica,</i>	{ <i>Maria erudiens,</i> 147
30	<i>Geometrista,</i>	{ <i>Maria praecepta facilitans.</i> 153
31	<i>Vincinus aureus,</i>	{ <i>Maria attrahens benedictiones.</i> 158
32	<i>Cinis salvificus,</i>	{ <i>Maria à ruina praeservans.</i> 164
33	<i>Caeleste mortarium,</i>	{ <i>Maria cor durum emolliens.</i> 170
34	<i>Magnes,</i>	{ <i>Maria ad nos Deum trahens.</i> 175
35	<i>Rupes subveniens,</i>	{ <i>Maria salutem procurans.</i> 180
36	<i>Fenestra,</i>	{ <i>Maria captivos dimittens.</i> 185
37	<i>Theriaca,</i>	{ <i>Maria mala in bona transformans.</i> 190
38	<i>Poculum abstemium,</i>	{ <i>Maria terrenorum fastidium induens.</i> 196
39	<i>Armamentarium,</i>	{ <i>Maria arma ministrans.</i> 201
40	<i>Cornu olei,</i>	{ <i>Maria ad magna promovens.</i> 206
41	<i>Fiscella,</i>	{ <i>Maria pupillarum curam gerens.</i> 211
42	<i>Nidus Alcyonis,</i>	{ <i>Maria securitatem gignens.</i> 217
43	<i>Spongia,</i>	{ <i>Maria debita abolens.</i> 222
44	<i>Alveare,</i>	{ <i>Maria delicias ministrans.</i> 227
45	<i>Via Regia,</i>	{ <i>Maria auferens obstacula.</i> 232

Sive

SERIES SYMBOLORVM.


Symb.		Pag.
46	<i>Hortus Balsameus,</i>	[<i>Maria bene rependens obsequia.</i> 238
47	<i>Clava,</i>	
48	<i>Canistrum vel Scutum,</i>] <i>Maria in morte custo- diens.</i> 249
	Sive	
49	<i>Nubes imbrifera,</i>] <i>Maria magnam gloriam procurans.</i> 260
50	<i>Nidus Aquilinus,</i>	

Indicem alium ponere non est necesse; nam sicut totum opus, sic & quilibet conceptus in illo contentus, tantum est de sola Virgine Deipara.

Indicem quoque Concionum non appono; nam ad Deiparæ Festa quilibet materias prædictas poterit applicare facile. Exemplum sit in primo Symbolo: vis uti illo pro Festo Conceptionis Immaculatæ? Sic illud applica: Siccitas erat in terra nostra, & ostende qualis siccitas; sed jam modò Divina bonitas creat fontem, eumque publicum: Et ostende quomodo fons iste semper benefaciet. Vis idem Symbolum applicare Festo Nativitatis? Eodem modo ut patet poteris applicare. Vis Festo Præsentationis? Dic hodie in templo fons erupit. Vis Visitationis Festo? Dic: rem
miram

miram video, fons in montana velociter ascendit,
vel in domo Zachariæ video fontem. Vis An-
nuntiationis Festo? Dic: Replet Deus hodie
fontem nostrum, nam descendit hinc pluvia in
Virginem. Gaudeamus, quia fons iste semper no-
bis benefaciet. Vis Festo Purificationis? Dic:
Fontem video in Templo Hierosolymitano. Al-
licio ad illum, jam semper benefaciet. Vis Assum-
ptionis solemnitati? Dic: 'Transfert Deus in Cæ-
lum fontem nostrum, sed tamen minimè con-
tristemur; nam & de Cælo demittet nobis aquas
suas. Natura enim est fontis hujus semper bene-
facere. Quod ostendi in hoc Symbolo, idem ex-
perieris in aliis. Et ideo nō mihi veritas vitio, quod
Indicem Concionum non posui: nam quodlibet
Symbolum quilibet Solemnitati Deiparæ pote-
ris applicare.





150 51-



